

Ukiumoortumik naatsorsuutit pillugit inatsisip Kalaallit Nunaannut atuutilersinneqarnera pillugu peqqussut

UAGUT MARGRETHE AAPPAAT, Guutip Saammaanneranik Danmarkip Droninngia nalunaarpugut:

Inuutissarsiutinik ingerlaqartut ingerlatsiviit ukiumoortumik naatsosuutinik il.il. saqqummiussisarnerat pillugu inatsimmi nr. 99 18. februar 2004-meersumi § 3 nassatarisaanik (ukiuoortumik naatsorsuutit pillugit inatsit) (Naleqqussaaneq peqqussummut, nunat tamalaat akornanni naatsorsuusereriaatsit atorneqarnerannut tunngasoq, malittarisassanik pisariillisaaneq il.il.), § 6, imm. 4, pappiaqqanik aningaasanik nalilinnik niuerneq il.il. pillugu inatsisip allangortinneqarneranut tunngasoq, aningaasalersuineq pillugu inatsit, inuutissarsiutitut ingerlatat ukiumoortumik naatsorsuutinik saqqummiussisarnerat il.il. pillugu inatsit (ukiuoortumik naatsorsuutit pillugit inatsit) inatsisit allat ilanngullugit (Aningaasaqarnermik Nakkutilliisuutit pisinnaatitaaffiisa allangortinneqarnerat aamma Fonsdrådip pisinnaatitaaffeqarfiisa, Fonsdrådip katitigaanerata, inuutissarsiutitut ingerlatat ilaasa aningaasalersuineramik ilisimatitsisarnissaat pillugit maleruagassat eqqortinneqarnerisut pillugit nakkutilliineq, SE-selskaber), inatsit nr. 430 6. juni 2005-meersoq inatsit assigiinngitsut allangortinneqarnerinut tunngasoq aamma inatsisip, akiligassanik akiliisitsiniartarnermut tigusiniartarnerlu pillugit kommunit suleqatigiinnerat (akiligassat ilaasa akilersinniartarnerat tiguniartarnerallu pillugit inatsisip allangortinnerata nassatarisaanik kingunerisa allangorneri – akiliisitsiniartarnerup Skatteministeriemi ataatsimoortinneqaleneri), § 6, imm. 1, inatsimmi nr. 604 24. juni 2005-meersumi pappiaqqanik aningaasanik nalilinnik il.il niuerneq pillugu inatsit, aktieselskabit pillugit inatsit, ukiumoortumik naatsorsuutit pillugit inatsit aamma inatsit sillimasiinernik isumaginninnermut tunngasoq) (niuerfiusinnaasunik allanik pilersitsineq aamma allap ingerlassimasaanik tigusisinnaanermik neqerooruteqarnissaq pillugu malitassiap piviusunnngortinneqarnera) aamma § 5, imm.1, inatsit nr. 245 27 marts 2006-meersoq inuutissarsiutitut ingerlatat ukiumoortumik naatsorsuutinik il.il. saqqummiussiarnerinut tunngasoq (ukiuoortumik naatsorsuutit pillugit inatsit), naatsorsuuserisarneq pillugu inatsit aammalu kukkunersuiusut naalagaaffimmit akuerineqarsimasut aamma nalunaarsorneqarsimasut pillugit inatsit (ingerlatsiviit ilaasa kukkunersuiusussaanerminnik pisussaaffiisa annikillineqarsimanerat aamma ingerlatsinikkut nammatassat allat annikillineqarneri) aalajangerneqarpoq, inatsit Kalaallit Nunaannut atuutissasoq, taamaalilluni ukiumoortumik naatsorsuusiortarneq pillugu inatsit 1. januar 2008-mit Kalaallit Nunaannut atuutilissaq imatut oqaasertaqarluni:

Immikkoortoq I
Inatsisip atuuffii, tunngaviusumik piumasaaqatit il. il.

Kapitali 1

Inatsisip atuuffii il. il.
Suliffeqarfii pineqartut

§ 1. Inatsit manna atuutissaaq suliffeqarfinnut inuussutissarsiutitut ingerlatanut tamanut, taamaattoq tak. imm. 3.

Imm. 2. Inatsit manna naapertorlugu suliffeqarfik inuussutissarsiutitut ingerlatatut naatsorsuunneqassaaq nioqqutissianik, piginnaatitaaffinnik, aningaasanik, sullissinernik

assigisaannilluunniit nalinginnaasumik akissarsiutigalugu, akiliisitsisarluni ingerlatsiguni. Taamaattorli suliffeqarfik, suliffeqarfittut inuussutissarsiutit ingerlatatut tamatigut naatsorsuunneqartassaaq, inatsisinit makkuninnga ilanngullugu pineqaruni; Aktieselskabit pillugit inatsimmit Kunngip peqqussutaatigut Kalaallit Nunaannut atortussanngortinneqartumit, Piginneqatigiiffiit anpartselskabit pillugit inatsimmit Kunngip peqqussutaatigut Kalaallit Nunaannut atortussanngortinneqartumit, Aningaasaateqarfiit inuussutissarsiutit ingerlatat pillugit inatsimmit Kunngip peqqussutaatigut Kalaallit Nunaannut atortussanngortinneqartumit, Sulliviit inuussutissarsiutit ingerlatat ilaat pillugit inatsimmit Kunngip peqqussutaatigut Kalaallit Nunaannut atortussanngortinneqartumit, imaluunniit inatsisiliat allat taamatut atuutsitat allat naapertorlugit inuussutissarsiutit ingerlanneqaruni. Tamanna atuuppoq suliffeqarfiit inatsisini taaneqartuni piumasaqaataasunit pineqanngivinnerat imaluunniit ilaannakortumik pineqarnerat apeqquataatinnagu.

Imm. 3. Inatsit sullivinnut makkununnga atuutinngilaq,

- 1) suliffeqarfiup naatsorsuutai, suliffeqarfiit aningaasalersuineramik ingerlatallit pillugit inatsimmit ilanngullugit aalajangersagaappata, imaluunniit inatsit taanna naapertorlugu maleruagassiatut aalajangersagaappata,
- 2) Kalaallit Nunaanni Namminersornerullutik Oqartussat naatsorsuuserisoqarfiat pillugu Inatsisartut inatsisaannut il.il., ilaappata, kommunalbestyrelseqarneq aamma nunaqarfinni aqutsisoqarneq pillugu Inatsisartut inatsisaat naapertorlugu nalunaarummut ilaappata il.il., imaluunniit
- 3) (Kalaallit Nunaannut atuutilersinneqassanngilaq).

Ukiumoortumik nalunaarusiaq

§ 2. Suliffeqarfiit § 3, imm. 1-imi taaneqartut ukiut naatsorsuusiorfiusut tamaasa inatsit manna malillugu ukiumoortumik naatsorsuutunik saqqummiussisassapput. §§ 18, 22, 78, 102 imaluunniit 109 naapertorlugit allanik malitarsisasaqanngippat, ukiumoortumik naatsorsuusiat saniatigut makkua ilanngullugit saqqummiunneqartassapput;

- 1) suliffeqarfiup ilaata immikkoortortap ataatsip, ingerlatseqatigiiffissuarmit (koncern) pigineqarluni aqunneqartup, ukiumoortumik naatsorsuutai (ingerlatseqatigiiffissuup naatsorsuutai),
- 2) suliffeqarfik pillugu aamma suliffeqarfiup ilaa immikkoortortaq ataaseq, ingerlatseqatigiiffissuarmit (koncern) pigineqarluni aqunneqartoq, pillugu pisortat aqutsisut nalunaarusiaat aamma
- 3) pisortat aqutsisut atsiornerat.

Imm. 2. Tak. § 14 naapertorlugu, taaneqartut saniatigut suliffeqarfik piumaguni ilassutunik nalunaarusiorsinnaatitaavoq.

Imm. 3. Naatsorsuutit, nalunaarusiat oqaaseqaatillu imm. 1-imi 2-milu eqqartorneqartut ataatsimut taaguutaat tassaavoq "ukiumoortumik nalunaarusiaq".

Imm. 4. Naatsorsuutit, suliffeqarfiup nammeneq atugassaannarmisut naatsorsuusiai, inatsit manna malillugu ukiumoortumik nalunaarusiaanngillat. Inatsit manna naapertorlugu, suliffeqarfik ukiumoortumik naatsorsuutunik nalunaarusiaanngitsunik saqqummiussaqaassappat, taakku ukiumoortumik nalunaarusiatut taaguuserneqaqqussaanngillat, tamannalu ilusaasigut taamatullu imarisaasigut takuneqarsinnaassaaq, taamaasilluni ukiumoortumik nalunaarusiarlu paarlaanneqarsinnaaqqunagit.

Suliffeqarfinnik ingerlatseriaatsit pineqartut

§ 3. Suliffeqarfiit makkua inuussutissarsiutit ingerlatsisut, §§ 4-6-mut malitarsisassat malillugit saqqummiussinngitsoornissamut immikkut ittumik akuerisaasimanngikkunik, inatsimmi matumani malitarsisassat malillugit ukiumoortumik nalunaarusiamik saqqummiussisussaataapput:

- 1) Aktieselskabit, partnerselskabit, ((inummit ataatsimit arlalinilluunniit aningaasaliinikkut akisussaaffigineqarluni niuerneramik ingerlatseqatigiiffik /-fiit) (kommanditaktieselskabit)) aamma piginneqatigiiffiit anpartsselskabit,
- 2) Interessentskabit (Soqutigisaqatigiiffiit; inunnit marlunnit iml. arlalinitt aningaasaliinikkut piginneqatigiiffiit) kommanditselskabini soqutigisaqartut piginneqataasut (interessenter) taamatullu piginneqataasut aningaasalersuisut (komplementarer) tamarmik, makkuusut;
 - a) aktieselskabit, partnerselskabit (assigiinngitsunik pisussaatisisut aktiaateqarlutik ingerlatseqatigiit, kommanditaktieselskabit), anpartsselskabit ingerlatseqatigiiffiilluunniit inatsimmut assingusumik malitaqarlutik ingerlatsisut, imaluunniit
 - b) soqutigisaqatigiilluni piginneqatigiiffinni (interessentskaber) imaluunniit kommanditselskabini soqutigisaqartut piginneqataasut taamatullu piginneqataasut aningaasalersuisut tamarmik litra a-mit ilanngullugit pineqartut, (litra: naqinneq kisitsimmut naleqartitamut taarsiutaq)
- 3) aningaasaateqarfiit inuussutissarsiutit ingerlatat, tak. aningaasaateqarfiit inuussutissarsiutit ingerlatat pillugit inatsimmi Kunngip peqqussutaatigut Kalaallit Nunaannut atortussanngortinneqartumi § 1, imm. 2 naapertorlugu, taamaattoq takukkit. imm. 3-5, aamma
- 4) suliffeqarfiit killilimmik akisussaaffillit, suliffeqarfiit inuussutissarsiutit ingerlatat ilaat pillugit inatsimmit pineqartut, Kunngip peqqussutaatigut Kalaallit Nunaannut atortussanngortinneqartumi § 3-mit (suliffeqarfiit suleqatigiiffiillu killilimmik akisussaaffillit) aamma § 4-mit (andelsselskabit killilimmik akisussaaffillit) pineqartut, taamaattorli suliffeqarfik inatsimmi tassani § 4 naapertorlugu, akuerisamik ilanngunneqartussaannikkuni.

Imm. 2. Suliffeqarfik inatsimmi matumani ilanngullugu pineqartoq, imm. 1 malillugu ukiumoortumik naatsorsuutiniq nalunaarusiornissamut immikkut akuerisamik saqqummiinissaminut pisussaaffeqanngitsoq, suliffeqarfiup nammineq kisimi atugassaannarinngisaanik ukiumoortumik nalunaarusiamik, suliffeqarfiup nammineerluni kajumissutsiminik saqqummiinissaq toqqaruniuk, naatsorsuutit klassianni A-mi malittarisassani tak. § 7, imm. 1, nr. 1 minnerpaamik malittassaraa.

Suliffeqarfiit aalajangersimasut inuussutissarsiutit ingerlatat ilaat pillugit inatsimmi pineqartut, immikkut akuerisamik saqqummiussinngitsoorsinnaanerit pillugu, Kunngip peqqussutaatigut Kalaallit Nunaannut atortussanngortinneqartoq.

§ 4. Suliffeqarfiit, suliffeqarfiit ilaat aalajangersimasut inuussutissarsiutit ingerlatat pillugit inatsimmi, Kunngip peqqussutaatigut Kalaallit Nunaannut atortussanngortinneqartumi, § 3-mit (suliffeqarfiit peqatigiiffiillu killilimmik akisussaaffillit) aamma § 4-mit (andelsselskabit killilimmik akisussaaffillit) pineqartut, inatsit manna malillugu ukiumoortumik nalunaarusiamik akuerisamik saqqumiussinngitsoorsinnaapput, tak. imm. 4-6, taamaattorli suliffeqarfik ukiuni naatsorsuorsiorfiusuni marlunni malittuinnarni piffissami oqimaaqatigiissitsiffimmi amerlassutsit makkua arlaannik marlunnik qaangiisimannikkuni aatsaat:

- 1) Naatsorsuutiniq oqimaaqatigiissitsinerup katinnerisa 6 mio. kr. sinnersimanngippatigut,
- 2) ilanngaattissat ilanngaatigereerlugit kaaviiartitat 12 mio. kr. sinnersimanngippatigut, aamma
- 3) ukiup naatsorsuorsiorfiup ingerlanerani suliffeqarfimmi ulloq naallugu sulisartut amerlassusaasa agguaqatigiissillugu 10 –t qaangersimanngippatigut.

Imm. 2. Imm. 1-imi angissutsinik naatsorsuinermit § 7, imm. 3 atuutsinneqalissaaq.

Imm. 3. Suliffeqarfiup imm. 1 malillugu akuerisamik saqqummiussinngitsoorsinaaneq toqqaruniuk, taava saqqummiussinnginnissamik nalunaarummik, § 145 naapertorlugu, Erhvervs- og Selskabsstyrelsimut nalunaaruteqassaaq.

Imm. 4. Taamaattorli imm. 1 malillugu akuerisamik saqqummiussinngissinnaaneq, suliffeqarfimmut ingerlatseqatigiiffissuarmut koncernimik piginnittumut, ingerlatseqatigiiffissuit naatsorsuutaat pillugit inatsit manna malillugu saqqummiussisussaataasumut, naatsorsuutiniq saqqummiussinngissinnaataaneq atuutinngilaq, tak. § 7, imm. 4.

Imm. 5. Imm. 1-t malillugu ukiumoortumik naatsorsuutit pillugit nalunaarusiamik akuerisamik saqqummiussinngitsoorsinnaatitaanermut suliffeqarfiup inatsimmit pineqartunut ilaasup, suliffeqarfiup nammineq kisimi atugassaannarinngisaanik saqqummiussinissaq toqqaruniuk, naatsorsuutit klassianni A-mi malittarisassat minnerpaamik malittassarai, tak. § 7, imm. 1, nr. 1.

Imm. 6. Sulliffeqarfiup ukiumoortumik naatsorsuutinik nalunaarusiap, imm. 5 naapertorlugu nammineq kajumissuseq malillugu saqqummiunneqartussap, Erhvervs- & Selskabsstyrelsi aqputigalugu tamanut saqqummiinissaq kissaatigiguniuk, saqqummiussinngitsoorsinnaatitaaneq pillugu nalunaarumminut, imm. 3 naapertorlugu taaneqartumut ilanngussatut (bilag) ilanngullugu, sulliffeqarfik ukiumoortumik nalunaarusiamik styrelsimut nassitsissaaq. Taamaattorli ukiumoortumik nalunaarusiortarneq pillugu malittarisassani § 7, imm. 1-mi nr. 2 naapertorlugu, naatsorsuutit klassianni B-mi malittarisassanit pineqartunut nalunaarusiap ilanngunneqarnissaa suliffeqarfiup toqqarsimappagu, taava suliffeqarfik ukiumoortumik nalunaarusiaminik akuerisamik nassiussinngitsoorsinnaatittaavoq.

Interessent- aamma kommanditselskabit ilaasa saqqummiussinngitsoorsinnaatitaanerit

§ 5. Interessent- imaluunniit kommanditselskabi, § 3, imm. 1, nr. 2-mit pineqartoq, ukiumoortumik nalunaarusiamik saqqummiussinngitsoorsinnaatitaavoq taarsiullugulu § 146, imm. 1 naapertorlugu saqqummiussinngitsoornermik nalunaarut nassiussinnaallugu, imaassimappat;

- 1) suliffeqarfiup naatsorsuutai tamakkiisumik patajaallisarsimappata, pisussaaffinnik agguaassilluni patajaallisaanikkut imaluunniit naatsorsuutitigoortumik pigisanut naliliussanik naatsorsuinikkut annertussusiliinikkullu ingerlatseqatigiiffissuup naatsorsuutaanut, soqutigisaqartutut piginneqataasumit piginneqataasutulluunniit aningaasalersuisumit tassungaluunniit taarsiullugu suliffeqarfiit piginnittuisa ilaannit saqqummiunneqarsimasunut, ilanngunneqarsimappata,
- 2) soqutigisaqartutut piginneqataasoq piginneqataasutulluunniit aningaasalersuisoq nunami maani angerlarsimaffeqarpat imaluunniit nunami EU-mut ilaasortaasumi imaluunniit nunami allami, EU-mit isumaqatigiissusiorfigineqarsimasumi, imaluunniit Kalaallit Nunaannit isumaqatigiissusiorfigineqarsimasumi angerlarsimaffeqartoq ilanngullugu, nunap inatsisaanit pineqarpat,
- 3) ingerlatseqatigiiffissuup naatsorsuutai inatsimmi matumani malittarisassat malillugit suliarineqarsimappata imaluunniit interessentit piginneqataasut, komplementaritut piginneqataasutulluunniit aningaasalersuisoq imaluunniit ingerlatseqatigiiffik suliffeqarfirmik piginnittuusooq pineqartoq nunami allami angerlarsimaffeqarpat, Rådip toqqammavissatut aalajangigaa 83/349/EØF-imi kingusinnerusukkullu allannguuteqartinneqartumik tak. ilanngussaq 3, malittarisassat malillugit suliarineqarsimappata, aammalu malittarisassat taaneqartut malillugit naatsorsuutit kukkunerisiorneqarlutillu tamanut saqqummiussaasimappata aamma
- 4) ingerlatseqatigiiffissuup koncernip naatsorsuutaani pineqartuni, interessentskabip imaluunniit kommanditselskabip paragraffimut matumunnga innersuussuteqarluni ukiumoortumik naatsorsuutinik nalunaarumminik saqqummiussinngitsoornini paasissutissiisutigisimappagu.

Imm. 2. Interessent- imaluunniit kommanditselskabi, § 3, imm. 1, nr. 2 naapertorlugu, ilanngullugu pineqartoq, nammineq ukiumoortumik nalunaarusiaminik saqqummiussinngitsoorsinnaavoq taarsiullugulu § 146, imm. 2 naapertorlugu saqqummiussinngitsoornermik nalunaarut nassiussinnaallugu imaappat;

- 1) suliffeqarfirmik soqutigisaqartutut piginneqataasut (interessenter) piginneqataasutulluunniit (komplementarer) aningaasalersuisut ilaat ataaseq nunami maani angerlarsimaffeqarpat, aamma
- 2) soqutigisaqartutut piginneqataasoq (interessenter) piginneqataasutulluunniit (komplementarer) aningaasalersuisoq interessents- imaluunniit kommanditselskabi sinnerlugu ukiumoortumik nalunaarusiaq saqqummiuppagu tamatumunngalu ilanngullugu, inatsit manna naapertorlugu nammineq ukiumoortumik nalunaarusiaminut ataatsimoorussamut ilanngullugu

kukkunersiortillugulu tamanut saqqummiuppagu, imaluunniit ukiumoortumik nalunaarusiat immikkoortut marlunngorlugit saqqummiukkunigit.

Imm. 3. Interessent- imaluunniit kommanditselskabi, § 3, imm. 1, nr. 2 naapertorlugu pineqartoq, nunami maani angerlarsimaffeqanngitsunik soqutigisaqartutut piginneqataasunik piginneqatilik piginneqataasutulluunniit aningaasalersuisulik nammineq ukiumoortumik nalunaarusiaminik saqqummiussinngitsoorsinnaavoq taarsiullugulu § 146, imm. 3 naapertorlugu saqqummiussinngitsoornermik nalunaarummik nassiusisinnaalluni imaassimappat;

- 1) soqutigisaqartutut piginneqataasut piginneqataasutulluunniit aningaasalersuisut ilaat nunami maani, nunami EU-mut ilaasortaasumi imaluunniit nunami allami, EU-mit isumaqatigiissusiorfigineqarsimasumi, imaluunniit Kalaallit Nunaannit isumaqatigiissusiorfigineqarsimasumi angerlarsimaffeqartoq ilanngullugu nunap inatsisaanit pineqarpat, aamma
- 2) soqutigisaqartutut piginneqataasut piginneqataasutulluunniit aningaasalersuisoq interessent-imaluunniit kommanditselskabi sinnerlugu ukiumoortumik nalunaarusiamik saqqummiussippat, tassungalu ilanngullugu taanna, nr. 1-imi inatsisinut eqqartorneqartunut naapertuuttumik nammineq ukiumoortumik nalunaarusiaq (ingerlatseqatigiiffissuurtut) ataatsimoorussamik ukiumoortumik nalunaarusiap ilaatut ilanngullugu imaluunniit ukiumoortumik nalunaarusiat taakku immikkoortut marlunngorlugit kukkunersiortillugillu tamanut saqqummiuppagit.

Imm. 4. Interessentskabip kommanditselskabillu imm. 2 aamma 3 naapertorlugit akuerisamik saqqummiussinngitsoorsinnaatitaanermik atuisut, suliffeqarfiup ukiumoortumik nalunaarusiamik saqqummiussisimasup aqqa, CVR-normua imaluunniit nalunaarsorneqarnerup normua kiisalu angerlarsimaffia, qinnuigineqarneq malillugu tamanut nalunaarutigisassaraat.

Suliffeqarfiit suliassaqaarnatik uninngasut ingerlatseqatigiiffimmit pigineqartut saqqummiussinngitsoorsinnaatitaanerat

§ 6. Suliffeqarfik ingerlatseqatigiiffimmit pigineqartoq, ukiumi naatsorsusiorfiusumi suliassaqarsimanani uninngasimasoq, ukioq pineqartoq pillugu ukiumoortumik nalunaarusiamik saqqummiussinngitsoorsinnaatitaavoq taarsiullugulu § 146, imm. 4 naapertorlugu, akuerisamik saqqummiussinngitsoorsinnaatitaanermik nalunaarut nassiusinnaallugu, imaassimappat;

- 1) suliffeqarfiup ingerlatseqatigiiffimmit pigineqartup naatsorsuutaanik tamakkiisumik patajaallisaanikkut imaluunniit ingerlatseqatigiiffissuup ukiumoortumik naatsorsuutaanut ilanngullugit suliffeqarfiup immikkoortortatut naatsorsuutitigoortumik pigisanik nalilinnik naatsorsuinikkut annertussusiliinikkullu ingerlatseqatigiiffissuup naatsorsuutaanut, sullivimmik piginnittup tassungaluunniit taarsiullugu suliffeqarfimmik piginnittup suli qulliunerusup, ukiumoortumik naatsorsuutaanut ilanngullugit saqqummiunneqarsinnaapput,
- 2) ingerlatseqatigiiffissuaq suliffeqarfimmik piginnittoq (modervirksomhed) imaluunniit ingerlatseqatigiiffissuaq suliffeqarfimmik piginnittoq suli qulliunerusoq (den højere modervirksomhed), nunami maani, nunamut EU-mut ilaasortaasumut imaluunniit nunami allami, EU-mit isumaqatigiissusiorfigineqarsimasumi, imaluunniit Kalaallit Nunaannit isumaqatigiissusiorfigineqarsimasumi angerlarsimaffeqartoq ilanngullugu, nunap inatsisaanit ilanngullugu pineqarpat,
- 3) ingerlatseqatigiiffissuup naatsorsuutai inatsimmi matumani malittarisassat naapertorlugit suliarineqarsimappata imaluunniit ingerlatseqatigiiffik sullivimmik piginnittoq pineqartoq nunami allameertuuppat, Rådip toqqaammavigisassatut aalajangigaani 83/349/ EØF-imi kingusinnerusukkullu malittarisassani allannguutigitinneqartut tak. ilanngussaq 3, malillugit suliarineqarsimappata, aammalu malittarisassat taaneqartut malillugit kukkunersiorneqarlutillu tamanut saqqummiunneqarsimappata,
- 4) suliffeqarfiup ingerlatseqatigiiffimmit pigineqartup ukioq naatsorsusiorfiusoq pineqartoq pillugu suliffeqarfiup ingerlatsineranut peqataasut tamarmik, suliffeqarfimmit periusierneqartoq pillugu isumaqataanertik uppernarsarlugu nalunaarsimappata,

- 5) ukioq naatsorsuuseriffiusoq pillugu, suliffeqarfiup pigineqartup, ukiumoortumik nalunaarusiaminik nassiussaqaarnissaata tungaanut aamma piginnittup kapitali 19 aamma 20 –mi malittarisassat malillugit, nalunaarusiamik taassuminnga tigusaqarnissami tamanullu saqqummiussinissami tungaanut, ingerlatseqatigiiffiup suliffeqarfimmik piginnittup, suliffeqarfiup pigisami ukiumi naatsorsuusiorfiusumi pisussaaffii illersorini uppersarlugu tamanut nalunaarutigisimassavaa aamma
- 6) suliffeqarfiup pigineqartup paragraffi taanna innersuussutigalugu ukiumoortumik nalunaarusiaminik akuerisamik saqqummiussinngitsoornera, ingerlatseqatigiiffissuup naatsorsuutaani pineqartuni paasissutissiissutigineqassaaq.

Imm. 2. Suliffeqarfik ukiumi naatsorsuusiorfiusumi uninngasutut isigineqassaaq suliassaminik toqqaannartumik toqqaannanngikkaluamilluunniit inuussutissarsiutigalugu ingerlatsisimanngikkuni, suliffeqarfimmik allamik aningaasaliissuteqarsimanikkut piginneqataassuteqanngikkuni aamma annaasaqaataaratarsinnaasunik annanniarluni iliuuseqarniarsimanngikkuni.

Naatsorsuutit klassinut immikkoortitigaaneri

§ 7. Ukiumoortumik nalunaarusiat suliarineqartarnerat pillugu inatsimmi matumani malittarisassat, naatsorsuutit klassiinut A-mut, B-mut, C-mut aamma D-mut immikkoortitigaapput, tak. immikkoortut II-V. Suliffeqarfiup naatsorsuutaasa, naatsorsutit klassiat sorleq malitassarissaneraa pillugu aalajangiinnermi, ataani allassimasut najoqqutassatut atuutissapput:

- 1) Suliffeqarfiit inatsimmit matuminnga pineqartut § 3, imm. 1 malillugu ukiumoortumik nalunaarusiamik pinngitsooratik saqqummiussisussaataaannermik pisussaaffiligaanngitsut, namminnerli kajumissutsiminnik ukiumoortumik nalunaarusiamik saqqummiussisinnaasut, tak. § 3, imm. 2, naatsorsuutit klassianni A-mi immikkoortoq II-mi malittarisassanik malinnissapput.
- 2) Suliffeqarfiit mikisut § 3, imm. 1 malillugu ukiumoortumik nalunaarusiaminnik saqqummiussisussaataasut naatsorsuutit klassianni B-mi immikkoortoq III-mi malittarisassanik malinnissapput.
- 3) Suliffeqarfiit akunnattumik angissusillit angisuullu § 3, imm. 1 malillugu ukiumoortumik nalunaarusiamik saqqummiussisussaataasut naatsorsuutit klassianni C-mi immikkoortoq IV-mi malittarisassanik malinnissapput.
- 4) Aktieselskabit, inatsisunik Naalagaaffiup aktieselskabiutaasa malitassaannik malinnittussaataallutik ingerlanneqartut, tak. Aktieselskabit pillugit inatsisimmi, Kunngip peqqussutaatigut Kalaallit Nunaannut atortussanngortinneqartoq, pillugu peqqussummi § 2 a-mi, imm. 2, aamma suliffeqarfiit ingerlatseqatigiiffiit namminneq aningaasaataat, akiitsunut atortui imaluunniit pappiaraataat nalillit allat, fondbørsimi, aningaasanik niueqatigiittarfimmi akuerisaasumi tassungaluunniit assingusumik nalilinnik niueqatigiittarfimmi allami nakkutigisaasumi, nalunaarsorlugit imaluunniit niuerutigalugit atorneqartut, (peqqussummi matumani „ingerlatseqatigiiffiit aningaasanik nioqquteqartarfinni nalunaarsukkatut“ / “børsnoterede virksomheder“ taaneqartut) Kalaallit Nunaanni imaluunniit nunami EU-mut / EØS-mut ilaasortaasumi nunamiluunniit allami nalunaarsorsimasut, § 3, imm. 1 naapertorlugu suliffeqarfik ukiumoortumik naatsorsuutiminik saqqummiinissamik pisussaataaasoq, suliffeqarfik qanorluunniit angissuseqaralaruni inatsisit, ukiumoortumik naatsorsuutit pillugit inatsisip immikkoortuani V-mi naatsorsuutit immikkoortitigaanerini klasse D-mut atuuttut malitassarai.

Imm. 2. Suliffeqarfiup naatsorsuutaasa naatsorsuutit klassiannut sorlermut malinnittussaananeramik aalajangiinnermi, angissusissanut killissarititaasut makkua malinneqassapput:

- 1) Suliffeqarfiit mikisut:

Ukiuni naatsorsuusiorfiusuni malittuinnarni marlunni suliffeqarfiup naatsorsuutaanik (balancesum) oqimaaqatigiissitsinnermi, angissusissat uku arlaannik marlunnik qaangiisimanngitsut:

- a) Naatsorsuutininik oqimaaqatigiissitsinerup katinneranni 29 mio. kr.-nik qaangiisimanngitsut
- b) Ilanngaattissat ilanngaatigereerlugit kaaviiartitat 58 mio. kr.- qaangiisimanngitsut aamma

- c) Ukiup naatsorsuuseriffiup ingerlanerani piffissaq tamakkerlugu sulisut agguaqatigiissillugu amerlassusaasa 50-it qaangersimangippatigit.

2) Suliffeqarfiit akunnattumik angissusillit:

Suliffeqarfiit akunnattumik angissusillit ukiunilu naatsorsuuseriffiusuni malittuinnarni marlunni naatsorsuutunik oqimaaqatigiissitsinermi, angissusissanut killissarititaasut uku arlaannik marlunnik qaangiisimangitsut:

- a) Naatsorsuutunik oqimaaqatigiissitsinerup katinneranni 119 mio. kr.-nik qaangiisimangitsut
- b) Ilanngaattissat ilanngaatigereerlugit kaaviiartitat 238 mio. kr.- qaangiisimangitsut aamma
- c) Ukiup naatsorsuuseriffiup ingerlanerani piffissaq tamakkerlugu sulisut agguaqatigiissillugu amerlassusaasa 250-it qaangersimangippatigit.

3) Suliffeqarfissuit angisuut:

Suliffeqarfiit mikinatillu akunnattumik angissuseqanngitsut.

Imm. 3. Imm. 2-mi angissutsinik naatsorsuinermi makku atuutissapput:

- 1) Naatsorsuutunik oqimaaqatigiissitsinerup katinnera, pigisat nalillit tamarmik katinnerissavaat.
- 2) Ilanngaattissat ilanngaatigereerlugit kaaviiartitanut tunngasut ilanngussaq 1, C, nr. 11-mi nassuiarneqarput. Ukioq naatsorsuuseriffiusoq qaammatinit 12-init sivikinneruppat imaluunniit siviuneruppat ilanngaattissat ilanngaatigereerlugit kaaviiartitat tassunga naapertuuttumik annertusineqassapput imaluunniit annikillisinneqassapput, taamaaliornikkut piffissami qaammatinik 12-inik sivissuseqartumi aningaasat annertussusisaannut naapertuuttumik aningaasat annertussusilerneqassallutik.
- 3) Piffissaq tamaat sulisorisat agguaqatigiissillugu amerlassusaannik naatsorsuineq malittarisassat aktieselskabit pillugit inatsimmi, Kunngip peqqussutaatigit Kalaallit Nunaannut atortussanngortinneqartumi, § 178 naapertorlugu aalajangersarneqartut sapinngisamik malillugit ingerlanneqartassaaq.

Imm. 4. Imm. 1-mi aalajangersagaq apeqqutaatinnagu suliffeqarfissuit ingerlatseqatigiiffissuarnik piginnittuusut, § 109 naapertorlugu ingerlatseqatigiiffissuaq pillugu naatsorsuutunik saqqummiisussaataasut immikkoortoq 1, nr. 4 naapertorlugu naatsorsuutit klassiat D malittussaasimangikkunikku, ukiumoortumik nalunaarusiornerminni minnerpaamik naatsorsuutit klassianni C-mi malittarisassat malitassaraat. §§ 111 imaluunniit 112 malillugit ingerlatseqatigiiffik piginnittuusooq ingerlatseqatigiiffissuarnut naatsorsuutiminik saqqummiussinngitsooruni, taamaattoq ingerlatseqatigiiffissuup piginnittuusup imm. 2, nr. 1-mi piumasaqaatit eqqutikkunigit, ukiumoortumik nalunaarusiornermini naatsorsuutit klassianni B-mi malittarisassat malissinnaavai.

Imm. 5. Immikkoortuni imm. 1-mi aamma imm. 4-mi malittarisassat naapertorlugit malinninnissaraluminut taarsiullugu, (naatsorsuutit klassiini) suliffeqarfiup minnerpaamik malitassarisaani, immikkoortuni tulliuttuni klassimi ataatsimi imaluunniit klassini arlalinni malittarisassanik tamanik imaluunniit ilaannaannik aaqqissuusamik aalajangersimasumillu malinninnissaq, suliffeqarfiup malissallugu toqqarsinnaavaa.

Kapitali 2

Ukiumoortumik nalunaarusiamik saqqummiussisussaataanerup iluani aqutsisut akissussaaffii

§ 8. Aqutsisoqarfiit, inatsisit, malittarisassat, isumaqatigiissutit imaluunniit ileqqut suliffeqarfimmuut atuuttut malillugit pisortatut qullersaasut imaluunniit ulluinnarni aqutsisut, suliffeqarfiup naatsorsuutai pillugit ukiumoortumik nalunaarusiamik saqqummiussisussaataapput. Suliffeqarfik immikkut aqutsisoqarfeqanngippat akissusaasut piginnittuusut ataatsimoorlutik aqutsisoqarfittut akissusaafinnittut, inatsit manna naapertorlugu atuutissapput.

Imm. 2. Inatsisinut atuuttunut allatulluunniit piumasaqaataasinnaasunut naapertuuttumik ukiumoortumik nalunaarusiap suliarineqartarnissaa pillugu, suliffeqarfiit aqutsisoqarfiini pineqartuni aqutsisooqataasut ataasiakkaat tamarmik akissusaqataapput. Ukiumoortumik nalunaarusiamik suliaqarnerminnut atatillugu, tak. §§136 aamma 137 naapertorlugu, malittarisassat nalinginnaasut atuuttut aammattaaq mianerinissaat nakkutigisisassaraat. Naatsorsuutit pillugit

ukiumoortumik nalunaarusiap kukkunersiorneqaqqaarnissaa aammattaaq piumasagaataappat, piffissaagallartillugu kukkunersiorneqaqqaarlunilu akuersissutigineqaqqaarnissaa, aqutseqataasut ataasiakkaarlutik tamarmik immikkut akisussaaqataaffigaat. Ukiumoortumik nalunaarusiap, inatsit malillugu piffissaliussatut aalajangersarneqartut iluini Erhvervs- aamma Selskabsstyrelsimut nassiuuneqartarnissaa, suliffeqarfiit qullersaqarfiini pisortatut aqutseqataasut ataasiakkaat tamarmik immikkut akisussaaqataaffigaat.

§ 9. Ukiumoortumik nalunaarusiaq suliarineqareerpat, aqutsisoqarfinni akisussaaqataallutik aqutseqataasunit tamanit atsiorneqarlunilu atsiorneq ullulerneqassaaq. Taakku aqutsisutut oqaaseqaateqarnerminnut atasumik atsiussapput, tassani uppernarsarneqassallutik;

- 1) ukiumoortumik nalunaarusiaq saqqummiunneqartoq inatsimmut atuuttumut naapertuuttumik aamma piumasagaatinut atuuttunut tamanut naapertuuttumik suliarineqarsimasoq kiisalu ileqqoreqqusanut imaluunniit isumaqatigiissutini ileqqoreqqusanut piumasagaataasunut naapertuuttumik suliarineqarsimasoq uppernarsassavaat, aamma
- 2) ukiumoortumik nalunaarusiaq suliffeqarfiup naatsorsuutaanik eqqortumik takutitsisuunersoq aamma, ingerlatseqatigiiffissuusimappat (koncern), taassuma naatsorsuutai eqqortumik suliarineqarsimanersut aamma, ingerlatseqatigiiffissuup pigisaannik nalilinnik akiitsugaanillu, aningaasaqarnikkut inissisimaneranik kiisalu naatsorsuutini angusat eqqortut takutinneqarnersut.

Imm. 2. Ukiumoortumik nalunaarusiaq, tak. § 135, imm. 1-mi, pkt. 2 naapertorlugu kukkunersiorneqarsimangippat, taava akisussaallutik aqutsisunut ilaasortat iliuuserisamik sutigut qanorlu inatsimmi piumasagaataasunut naapertuunna, akisussaaqataallutik aqutseqataasut nalunaarusiaminni tamanna uppernarsarlugu atsiorsimassavaat.

Imm.3. Aqutsisut ukiumoortumik nalunaarusiamut ilassummik immikkut ittumik ilanngussaqaarsimappata, aqutsisoqarfinni akisussaaqataallutik aqutsisooqataasut tamarmik, nalunaarusiaq taama ittoq najoqqutassiani nalinginnaasumik akuerisaasuni killissarititaasut iluanni eqqortumik takutitsisuunersoq uppernarsarlugu, aqutsisut oqaaseqaatiminni atsiorsimassavaat.

§ 10. Aqutsisooqataasooq ukiumoortumik nalunaarusiamut tamakkiisumik imaluunniit ilaannakortumik isumaqataannikkaluaruniluunniit aamma aalajangiunneqartutut imaqarluni akuersissutigineqarneranut akerliugaluaruniluunniit pinngitsoornani ukiumoortumik nalunaarusiamut uppernarsaalluni atsiortussaataavoq. Taamaattorli aqutseqataasut atsiornermi aamma aqutsisut uppernarsaallutik oqaaseqaatannut atsiqataanerminut atatillugu, aalajangersimasumik tamakkiisuusumillu allagaqarluni tunngavilersuuteqarnermigut akerliunini ersersissinnaatitaavaa.

Kapitali 2 a

*Ukiumoortumik naatsorsuusiorfiusussami aggersumi naatsorsuutinik
kukkunersiuitsinngitsoorniarneq pillugu paasisutissiisussaatitaaneq*

§ 10 a. § 135-mi, imm.1, pkt. 2 naapertorlugu piumasagaataasunik naammassinnittumik ukiumoortumik naatsorsuusiorfiusussami aggersumi naatsorsuutinik kukkunersiuitsinnginissaq pillugu, suliffeqarfiup ataatsimeersuarnerani taamatut aalajangiisoqarsimatillugu imaluunniit tassunga assingusumik taamatut aalajangiiffiusinnaasumi aalajangertoqarsimatillugu, akisussaalluni aqutsisutut atsiornermut atatillugu, tak. § 9 naapertorlugu, kukkunersiuitsinnginissaq pillugu aalajangersimaneq ilanngullugu paasisutissiisutigineqartassaaq.

Kapitali 3

*Ukiumoortumik nalunaarusiamut tunngaviusumik piumasagaat
Eqqortumik takussutissiinissaq*

§ 11. Ukiumoortumik nalunaarusiaq sulliviup ingerlatseqatigiiffissuullunniit, ukiumoortumik nalunaarusiaq ingerlatseqatigiiffissuup naatsorsuutaatut suliarineqarsimappat, pigisaannik nalilinnik akiligassaannillu, aningaasaqarnikkut inissisimanerannik angusaannillu eqqortumik takussutissiisuusaaq.

Imm. 2. Inatsimmi matumani aalajangersakkanik atuineq imm. 1-imi taaneqartutut eqqortumik takussutissiinissamut naammassimanngippat, ukiumoortumik nalunaarusiami paasissutissanik ilassutaasunik ilanngussisoqassaaq.

Imm. 3. Inatsimmi matumani §§-ini 19-21, 23-76, 79-101, 103-107 aamma 115-134 aalajangersakkanik atuineq pisuni immikkut ittuni imm. 1-imi piumasaqaataasunut akkerliussappata, taakku piumasaqaatinik taakkuninnga eqqortitsisinnaajumalluni saneqqunneqassapput. Taamatut saneqqutsineq nassuiaatini ukiut tamaasa paasissutissiissutigalugu nalunaarutigineqartassaaq, tassani malittarisassanik sanequtsinerup suliffeqarfiup imaluunniit ingerlatseqatigiiffissuup pigisaanut nalilinnut akiligasaanullu aningaasaqarnikkut inissisimaneranut angusaanullu sunniutai, tassunga aningaasanngorlugu sunniutaata aningissusaa sapinngisamik ilanngullugu, aalajangersimasumik tamakkiisumillu tungavilersukkamik paasissutissiissutigineqartassaaq.

Imm. 4. Taamatuttaaq inatsimmi matumani tak. § 136 naapertorlugu malittarisassat killissarititaasut iluiniittunik atuinermi, imm. 1-3-mi piumasaqaatit atuupput.

Pitsaassusissatut piumasaqaatit

§ 12. § 11 naapertorlugu ukiumoortumik nalunaarusiap immikkoortuisa ilai inatsimmik eqqortumik malinninnermik takussutissiisinnaassappata, imm. 2-mi 3-milu malittarisassat eqqortumik malinneqarsimassapput.

Imm. 2. Ukiumoortumik nalunaarusiaq imatut suliarineqarsimassaaq naatsorsuutininik atuisut aningaasaqarnermut tunngasunik aalajangiiniarnerminni tunngavissaminnut tapertarisinnaassallugu. Naatsorsuutininik atuisut pineqartut tassaapput inuit ataasiakkaat, suliffeqarfiit, kattuffiit pisortallu oqartussaasut il.il., aningaasaqarnermut tunngassunik aalajangiiniarnerminni ukiumoortumik nalunaarusiamik nalinginnaasumik kallarnejartussatut naatsorsuutigineqarsinnaasut, tassungalu ilaapput suliffeqarfimmi maanna peqataasut peqataalerumaarsinnaasullu, akiitsoqarfigisat, sulisut, sullitat, peqatitut suleqatigisat, najukkami inuiaqatigiit avatangiiserisat kiisalu oqartussat tapiissuteqartartut aammalu naalagaaffimmi pisortat karsiannik aqutsisut. Aalajangiinerit pineqartut makkununnga tunngapput;

- 1) naatsorsuutininik atuisup nammineq pigisaminik inissitsiterineranut,
- 2) suliffeqarfiup pigisaanik pisortat aqutsisut ingerlatsinerannut aamma
- 3) suliffeqarfup pigisaanik (ressourcer) sulisuinillu agguataarinermut.

Imm. 3. Ukiumoortumik nalunaarusiaq pissutsinik naatsorsuutininik atuisunut nalinginnaasumik pingaaruteqartunik paasissutissiisussanngorlugu suliarineqarsimassaaq, tak. imm. 2. Aammattaq naatsorsuutininik atuisunit nalinginnaasumik naatsorsuutigineqarsinnaasunut tunngatillugu, paasissutissat tutsuiginartuussapput.

Tunngaviusumik piumasaqaatit

§ 13. Ukiumoortumik nalunaarusiaq tunngaviusumik piumasaqaatit ataani allassimasut malillugit suliarineqassaaq:

- 1) Ersarissumik paasiuminartumillu suliarineqarsimassaaq (ersarissuseq).
- 2) Pissusiviusut naammassisassanik pingaaruteqavissutut oqaatigineqarsinnaanngitsunit salliutillugit mianeriniarneqassapput (imaqassuseq).
- 3) Pissutsit pingaaruteqartut tamarmik, pingaaruteqanngitsutut isigineqarsimanngikkunik, ukiumoortumik nalunaarusiamut ilanngunneqassapput (pingaaruteqassuseq). Pissutsilli pingaaruteqanngitsutut isigineqartut arlallit ataatsimoortillugit pingaaruteqartutut isigineqarpata, taakku ilanngunneqassapput.

- 4) Suliamik ingerlatsinerup, unitsinneqartussaasimannikkuni imaluunniit ingerlaannarsinnaasutut naatsorsuutigineqarsimannikkuni, ingerlaannarnissaa (going concern) naatsorsuutigineqarsimassaaq. Suliaq taamaatikkiartuaarneqassappat klassilersuineq inissitsiterinerlu kiisalu naatsorsuutitut ilanngussuineq annertussusilersuinerlu taamaatitsiartuaarnermut tassunga naapertuuttumik ingerlanneqassapput.
- 5) Naliliutit allannguutaat suugaluartorluunniit, nammineq aningaasaatinut angusanillu naatsorsuinerlut sunniutai apeqquataatinnagit, ersersinneqassaaq (arlaannaannulluunniit attuumassuteqanngissuseq).
- 6) Nuussinerit, pisut naliliutillu allannguutaat pineri naapertorlugit akiliinissap qaqugu pinissaa apeqquataatinnagu naatsorsorsuutitut ilanngunneqartassapput (piffissakkaarineq).
- 7) Naatsorsuutitut ilanngussuinermi periutsit annertussusiliinermilu tunngavigisat pissutsinut assigiiaartunut assigiissumik atorneqassapput (assigiissaarineq).
- 8) Nuussinerit, pisut naliliutillu allannguutaat tamarmik immikkut naatsorsuutitut ilanngunneqarlutillu annertussusilersorneqassapput, soorluttaaq pissutsit ataasiakkaat imminnut ilanngaatigitillugit naatsorsorneqarsinnaanngitsut (nalililiutit tamakkiisut).
- 9) Ukiup naatsorsuusiorfiusup aallartinnerani oqimaaqatigiissitsineq ukiup naatsorsuusiorfiusup siuliata naanerani oqimaaqatigiissitsinerlut naapertuuttuussaaq (nalinginnaasumik ataqatigiissitsineq).

Imm. 2. Ukioq naatsorsuusiorfiusoq, inissitsiterineq klassilersuinerlu, patajaallisaanermi periuserineqartoq, naatsorsuutitut ilanngussuinermi periuserineqartoq annertussusiliinermilu tunngavigineqartoq kiisalu aningaasat atorneqartut ukiumiit ukiumut allannortinneqarsinnaanngillat (piviusumik ataqatigiissitsineq). Allannuinerli pininnaavoq taamaaliornikkut eqqortumik takussutissiinissaaq anguneqarsinnaappat imaluunniit naatsorsuutit klassiitut nutaanut, inatsisit allannornerinut, inatsisiliornermut tunngatillugu nutaanik malittarisassiornermut imaluunniit § 136 malillugu nutaanik tamanut atuuttussanik ileqqussiornermut atatillugu ikaarsaariarnermi malittarisassat nutaat eqqortinneqarnissaanni allannuineqassaaq pisariaqarpat.

Imm. 3. Imm. 1, nr. 6-imiit nr. 9-mut aamma imm. 2-mi malittarisassat pisuni immikkut ittuni sanioqqunneqarsinnaapput. Taamaattoqarsimappat § 11, imm. 3-mi oqaaseqatigiit aappaat taamatuttaaq atuutissapput.

§ 14. Assersuutigalugu sulliviup isumaginninnikkut akisussaassuseqarnera, ilisimasanut sulisorisanullu tunngasut, avatangiisinut tunngasut kiisalu ileqqorissaarnissamut tunngasumik anguniakkat taakkulu malitseqartinneqarneri pillugit ilassutitut nalunaarusiat, nalunaarusianut taamaattunut tunngasumik maleruagassianut nalinginnaasumik akuerisaasunut killissarititaasut iluini, eqqortumik takutitsisuussapput. § 12, imm. 3-mi pitsaassusissanut piunasaqaatinut, aammalu nalinginnaasumik pissusiusut naapertorlugit oqilisaassinerit atorneqarsimappata, § 13, imm. 1-imi aamma 2-mi tunngaviumumik piunasaqaatinut eqqortitsisuussapput.

Imm. 2. Nalunaarusiat suliarineqarnerini periutsit annertussusilersuinermilu tunngaviit atorneqartut ilassutitut nalunaarusiami takuneqarsinnaassapput.

§ 15. Ukioq naatsorsuusiorfiusoq qaammatinik 12-inik sivisussuseqartassaaq, pinerillu tamaasa ukiumi ulloq aalajangersimasooq aallartittarlunilu naasassalluni. Ukioq naatsorsuusiorfiusoq tulleeq aallartittassaaq ukiumi naatsorsuusiorfiusumi qaangiuttumi oqimaaqatigiissitsinerlut ulluliunneqartup aqaguani.

Imm. 2. Piffissaq naatsorsuusiorfiusoq siulleq qaammatinit 12-init sivikinnerusinnaavoq sivisunerusinnaalluniluunniit, taamaattorli sivisunerpaamik qaammatini 18-imi.

Imm. 3. Ukioq naatsorsuusiorfiusoq allannortinneqarpat piffissaq allannortitsiviusoq qaammatinit 12-init sivisunerusinnaanngilaq. Piffissarli allannortitsiviusoq qaammatit 18-it tikillugit sivisussuseqarsinnaavoq, tamanna sullivinni arlalinni ukioq naatsorsuusiorfiusoq assigiilersinniarlugu ima pisoqarneratigut ukiup naatsorsuusiorfiusup allannortinneqarnissaa pisariaqarpat

- 1) ingerlatseqatigiiffissuarmik pilersitsisoqarpat,

- 2) sullivimmi allami aqutsisoqatigiinni peqataalernermik pilersitsisoqarpat imaluunniit
 3) kattuttoqarpat.

Oqaaseqatigiit pingajuanni taaneqartutuut qaammatit 18-it tikillugit piffissamik allanngortitsinermut piomasaaqataavoq, pissutsinik pineqartunik pilersitsineq piffissap allanngortitsinerup nalaani pisi-massasoq, pissutsit ingerlatseqatigiiffiup nakkutigisinnaangisai pissutigalugit piffissap taassuma iluani ingerlatseqatigiiffiup ukioq naatsorsuuseriffiusup allanngortinnissaa periarfissaqarfigisiman-ngikkuniuk.

Imm. 4. Ukiup naatsorsuuseriffiup allanngortinnissaanik aalajangerneq ima piffissaagallartigisumik pissaaq, tamanna pillugu Erhvervs- og Selskabsstyrelsimut nalunaarneq nassiunneqarsinnaassalluni piffissap allanngortitsiffiup naanerata kingorna kingusinnerpaamik qaammatit 5-t sapaatillu akunneri 3-t qaangiutinnginneranni styrelsimit tiguneqareersimassalluni. Taamaattorli ingerlatseqatigiiffit suliffeqarfiillu Naalagaaffiup aktieselskabiutaasa, Aktieselskabit pillugit inatsisimmi, Kunngip peqqussutaatigut Kalaallit Nunaannut atortuulersinneqartoq naapertorlugu, peqqusummi, tak. § 2 a, imm. 2, aktieselskabit, inatsisimmi pineqartumi malitassaannik malinnillutik ingerlatsisunut aamma børsimi nalunaarsukkanut, nalunaarsortinnissamut piffissarititaavoq qaammatit 4-t sapaatillu akunneri 3-t. Pkt. 1 imaluunniit 2 malillugit piffissarititaasoq qaangiutereersoq nalunaarutiginninneq tiguneqarpat, nalunaarsortinniarneq itigartinneqassaaq.

Imm. 5. Sulliviit piginnittuusut sulliviillu pigineqartut qulakkiissavaat sulliviit pigineqartut sulliviillu piginnittuusut assigiimmik ukiumoortumik naatsorsuuseriffiqarnissaat, tamanna pissutsit sullivimmik piginnittuusumit sullivimmillu pigineqartumit aqunneqarsinnaangitsut ajornartitaasimassanngippat.

§ 16. Naatsorsuutitut ilanngussuinerit, annertussusilersuinerit aningaasannorlugillu paasissutissiinerit danskit koruuniat imaluunniit euro atorlugu ingerlanneqassapput. Taamaattorli ingerlatseqati-giiffiup tamatumunnga taarsiullugu aningaasat nunap allap aningaasaannut allassinnaavai, inger-latseqatigiiffiup taamatullu ingerlatseqatigiiffissuup attuumassuteqarfigigunigit.

Kapitali 4

Ukiumoortumik nalunaarusiap immikkuualuttortaanik tulleriinnilersuineq il.il.

§ 17. Ukiumoortumik nalunaarusiaq immikkuualuttunik naatsorsuutit klassiunut ataasiakkaanut maleruaqquneqartunik imaqartinneqassaaq, tak. §§ 18, 22, 78 aamma 102, taamatullu ingerlatseqatigiiffissuit naatsorsuutaat pillugit immikkuualuttunik taamaaqataannik imaqartinneqassalluni. Naatsorsueriaatsit atorneqartut pillugit nassuiaat ataatsimoortillugu inissinneqassaaq. Nammineq aningaasaatigisat nikerarnerisa naatsorsorneqarnerat naatsorsuutit inissitsiterneqartarnerattut imaluunniit nassuiaatit ataanni inissinneqassaaq.

Imm. 2. Sullivik piginnittuusooq aamma ingerlatseqatigiiffissuaq pillugit aqutsisut nalunaarusiaat ataatsimoortunngorlugu suliarineqarsinnaavoq sullivimmut piginnittuusumut ingerlatseqatigiiffissuarmullu tunngasumik paasissutissat assigiinngitsut ataatsimoortumik nalunaarusiami immikkut inissinneqarsimappata.

Imm. 3. Ilasutitut nalunaarusiat, ukiumoortumik nalunaarusiamut ilanngunneqartut, inatsisit malillugit immikkuualuttuliunneqartussaataasut malillugit tassani immikkoortillugit inissinneqassapput.

Immikkoortoq II

Naatsorsuutit klassiat A

Kapitali 5

Ukiumoortumik nalunaarusiat suliarineqartarnissaatt

Aalajangersakkat nalinginnaasut tamanut atuuttut

§ 18. Suliffeqarfik, naatsorsuutit klassiat A malillugu ukiumoortumik nalunaarusiamik saqqummiussisoq, aqutsisut oqaaseqaataannik, naatsorsuutininik oqimaaqatigiissitsinermik, angusat naatsorsorneqarnerannik nassuiaatinillu imalimmik ukiumoortumik nalunaarusiamik suliaqassaaq, tassunga ilanngunneqassaaq naatsorsuusereriaaseq atorineqartoq pillugu nassuiaat. Kukkuersuuisoq naalagaaffimmit akuerisaq imaluunniit kukkuersuuisoq nalunaarsorneqarsimasooq ukiumoortumik nalunaarusiamut oqaaseqaammik imaluunniit uppernarsaammik atsiuisimappat oqaaseqaat imaluunniit uppernarsaat tassunga ilanngunneqassaaq. §§-ini 11-imiit 17-imut malittarisassat atuutissapput.

Klassilersuineq inissitsiterinerlu

§ 19. Sulliviup pigisat nalillit pisussaaffiillu, naatsorsuutit klassianni ilanngullugit naatsorsorneqartussat, kiisalu sulianik ingerlatsinermik aallartitsinerup nalaani nammineq aningaasaatigisat naatsorsuutit aallarnerlugit ammaalluni oqimaaqatigiissinneqarnerat ilanngutissavai. Inatsisini allanik aalajangersaasoqarsimatinnagu sulliviup suliai piffissami pilersitsiviusumi aallartinneqarsimasutut piffissamiluunniit siusinnerusumi, inuussutissarsiuutigalugu suliap sullivimmut ilanngullugu naatsorsuunneqarfianut, aallartinneqarsimasutut naatsorsuunneqassapput.

Imm. 2. Angusanik naatsorsuinermi inissitat sulliviup suussusaa suliallu annertussusaaq malillugit klassilersorneqassapput. Oqimaaqatigiissitsinermi minnerpaamik takutinneqassapput ilanngusaaq 2-mi, skema 1-imi pingaarnertut aamma ruumamiut kisitsisaat atorlugit inissitat pingaarutillit naatsorsukkallu. Inissitsiterinikkutaaq takutinneqassapput inissitat, sullivimmi peqataasut aallarniutitut aningaasaliissutaannik aammalu sinneqartooteqarnermi peqataassutaannik amigartooruteqarnermiluunniit peqataassutaannik takutitsinissamut pisariaqartinneqartut.

Imm. 3. Pissutsit naatsorsuinermi ilanngunneqartut, inuussutissarsiuutigalugu suliarineqartunut attuumassuteqanngitsut, oqimaaqatigiissitsinermi angusanillu naatsorsuinermi inuussutissarsiuutigalugu sulianit ersarissumik immikkoortillugit klassilersorneqassapput.

Naatsorsuutininut ilanngussuineq annertussusiliisarnerlu

§ 20. Sulliviup pigisai nalillit pisussaaffigisaalu kiisalu isertitai aningaasartuutigisaalu, sulliviup suussusia annertussusialu mianeralugit, maleruagassat nalinginnaasumik akuerisaasut naapertorlugit aaqqissuussamik tamatigullu naatsorsuutininut ilanngunneqarlutillu annertussusilerneqartassapput.

Imm. 2. Sulliviup, piginnittumit ataatsimit arlalinnilluunniit pigineqartup, piginnittup pigisai nalillit pisussaaffiillu, inuussutissarsiuutigalugu suliarineqartumut attuumassuteqanngitsut, naatsorsuutininut ilanngutinnitsoorsinnaavai.

Paasissutissat

§ 21. Naatsorsuutininut ilanngussuinermi periaaserineqartut annertussusiliinermilu tunngavigineqartut (nalilersuineq) ukiumoortumik nalunaarsiap immikkuualuttortaani tamani inissitani atorineqartut sulliviup nassuiaatigissavai.

Imm. 2. Suliffeqarfiup makkua immikkuullarissumik paasissutissiissutigissavai

- 1) pisussaaffigileratarsinnaasatut ilimagineqarsinnaasut,
- 2) qularnaveeqqusiissutit (pantsætninger) pigisallu nalillit atorlugit qularnaveeqqusiinerit allat,
- 3) nammineq aningaasaatitut aallarniutitut aningaasaliissutigisat erniaat,
- 4) piginnittunut sullivimmiluunniit peqataasunut allanut qanoq annertutigisumik agguaaassisoqarsimanersoq agguagarsisitsisoqarsimanersorluunniit,

- 5) amigartoorneq qanoq matussuserneqarsimanersooq, aamma
- 6) agguaassinerit agguagarsisitsinerilluunniit aningaasannorlugit allatulluunniit tunniunneqarsimanersut.

Imm. 3. Sulliviup, piginnittumit ataasiinnarmit imaluunniit aappariinnit ataatsimoorullugu pigineqartup, aammalu pigisanik nalilinnik, pisussaaffinnik, pisussaafiuleratarsinnaasunik imaluunniit qularnaveeqqusiussanik, inuussutissarsiutigalugu sulianut attuumassuteqanngitsunik, pigisalimmik aappariinnilluunniit piginnitseqartup immikkut paasissutissiissutigissavaa

- 1) pigisat nalillit pisussaaffiillu pineqartut naatsorsuutitut ilanngutinngitsoornerlugit,
- 2) pisussaafiuleratarsinnaasut pineqartut naatsorsuutitut ilanngutinngitsoorlugilluunniit paasissutiginnitsoornerlugit,
- 3) qularnaveeqqusiussat pineqartut paasissutiginnitsoornerlugit, aamma
- 4) piginnittup aapparisaatalu akunnerminni aningaasaatigisaannut tunngasut qanoq mianeriniarneqarsimanersut.

Immikkoortoq III

Naatsorsuutit klassiat B

Kapitali 6

Ukiumoortumik naatsorsuutit pillugit nalunaarusiap suliarineqartanissaa

Aalajangersakkat nalinginnaasut

§ 22. Suliffeqarfik, naatsorsuutit klassiani B-mi pineqartoq, aqutsisut oqaaseqaataannik, naatsorsuutitik oqimaaqatigiissitsinermik, angusat naatsorsorneqarnerannik aammalu nassuiaatinik minnerpaamik imaqartinneqartumik ukiumoortumik nalunaarusiamik suliaqassaaq, tassungalu ilanngunneqassallutik naatsorsuutitik suleriaaseq atorneqartoq pillugu nassuiaat aammalu nammineq aningaasaatigisat nikerartinneri pillugit naatsorsuutit, nalunaarsukkat, kiisalu tak. § 77 naapertorlugi aqutsisutut nalunaarusiaq. §§ 135 aamma 135 a naapertorlugit kukkunersuiusoq ukiumoortumik naatsorsuutitik nalunaarusiamik kukkunersuiusimanerminik uppernarsaalluni atsiorsimappat imaluunniit allatut uppernarsaalluni atsiorluni nalunaarsimappat, kukkunersuiusup atsiornera taanna imaluunniit allatut uppernarsaalluni nalunaarutaa taanna, ukiumoortumik nalunaarusiamut ilanngunneqassaaq. §§-ini 11-miit 17-mut malittarisassat saniatigut § 19, imm. 1 aamma 3, § 20, imm. 2 kiisalu §§ 23-77 atuutissapput.

Imm. 2. Suliffeqarfiup piginnittup paasissutissaatai ingerlatseqatigiiffissuullu paasissutissaataat assigippata, suliffeqarfiup piginnittuusup nammineq ukiumoortumik nalunaarusiaminut aqutsisullu nalunaarusiaannut, nammineq paasissutissaatini ilanngutinngitsoorsinnaatitaavai.

Imm. 3. Sullivik, naatsorsuutit klassiani A-mi pineqartoq, naatsorsuutit klassianni B-mi malittarisassat naapertorlugit ukiumoortumik nalunaarusiamik siullermeerluni saqqummiussinermini oqilisaassinerit makku atorsinnaatitaavai:

- 1) Pigisanik nalilinnik, naatsorsuutit klassiat A malillugu naatsorsuutitut ilanngunneqartussaannngitsunit imaluunniit naatsorsuutit klassianni B-mi annertussusiliinermi tunngavigisamit allaanerusumik tunngavilerlugit naatsorsuutitut ilanngunneqartussaasunik, naatsorsuutitut ilanngussinermi pigisap nalillip ukiup siuliani ullormi oqimaaqatigiissitsiviusumi (balance) nalingata saniatigut aningaasartuutit tamaasa ilanngullugit tamaat akiatut isigineqarsinnaavoq. Ukiup siuliani pigisamik nalilimmik naatsorsuutitut ilanngussinermi periuserineqartoq annertussusiliinermilu tunngavigineqartoq nassuiaatini paasissutissiissutigineqassapput.
- 2) Ukiumoortumik naatsorsuutini inissitanut, naatsorsuutitut ilanngussinermi periaatsimik aammalu annertussusiliinermi tunngavigisamik allannguinermi sunnerneqartartunut tunngatillugu ukioq

naatsorsuusiorfiusoq sioqqullugu piffissani § 24 malillugu kisitsisit sanilliussissutaasut periutsit manna tikillugu atorneqartut malillugit naatsorsorneqarsinnaapput.

Klassilersuineq inissitsiterinerlu

Aalajangersakkat tamanut atuuttut

§ 23. Naatsorsuutininik oqimaaqatigiissitsineq angusanillu naatsorsuutit ilanngussaq 2 naapertorlugu skematut ilusilerlugit inissitsiterneqassapput, skema 1 imaluunniit 2 aamma skema 3 imaluunniit 4.

Imm. 2. Inissitat immikkoortillugit tulleriinnilersuinerlu skemani allassimasoq naapertorlugu allatorneqassapput. Inissitat, araberit kisitsisaannik taaguusersukkat (1, 2, 3 il.il.), immikkoortiterne-qarsinnaapput. Inissitat, imarisamikkut inissitanit pioreersunit matussusiivigineqanngikkunik, araberit kisitsisaannik nutaanik ilassusiivigineqarsinnaapput.

Imm. 3. Araberit kisitsisaannik taaguusersorlugit inissitat eqikkarneqarsinnaapput, taamatut eqikkaaneq paasiuminarnerulersitsissappat.

Imm. 4. Araberit kisitsisaat atorlugit inissitsiterineq taaguusersuinerlu naleqqussarneqartassapput, tamanna sulliviup immikkut pissuseqarnerata pisariaqalersippagu.

Imm. 5. Erhvervs- og selskabsstyrelsen ilanngussaq 2 allanngortissinnaavaa, tassungalu ilanngullugu skemanik immikkut ittunik atuuttussanngortitsinnaalluni imaassimappat, suliffeqarfik tamatuminnga pisariaqartitsippat, suliffeqarfiup ilusilersugaanermigut aamma aningaasaatinik inissitassamik pisariaqartitsinera skemanik naleqqussaaneq pillugu inatsimmi malittarisassatigut naammassineqarsimangippata imaluunniit niuerfinni atugassarititaasut nunanulluunniit tamalaanut atuuttussanngortinneqarsimasut allannguuteqarnerisa kingunerisaattut.

§ 24. Ukiumi naatsorsuusiorfiusumi qaangiuttumi aningaasartaliunneqarsimasut oqimaaqatigiissitsinermik angusanillu naatsorsuutini inissitat ataasiakkaat nalaanni tamani allatorneqassapput. Inissitat ukiup siuliani inissitanut naleqqiunneqarsinnaanngippata, taaneqartut kingulliit naleqqussarneqassapput. Naleqqiussisinnaannginnerli sullivimmit suliarineqartartut allannguuteqarsimanerannik pissuteqarpat sulliviup kisitsisit naleqqiussissutaasut naleqqussanngitsoorsinnaavai.

Imm. 2. Oqimaaqatigiissitsinermik angusanillu naatsorsuutini inissitat aningaasartaqanngitsut ukiumi qaangiuttumi naatsorsuutit inissitanik taamaattunik ilaqarpata aatsaat ilanngunneqassapput.

Imm. 3. Kisitsisit naleqqiussissutaasut inatsimmi matumani atuuttussanngortinneqarsimappata imm. 1 aamma 2 nassuiaatit pillugit paasissutissanut aamma atuutissapput.

Oqimaaqatigiissitsineq

§ 25. Oqimaaqatigiissitsinermi ilanngunneqassapput pigisat nalillit naatsorsuutininut ilanngunneqartut, pisussaaffiit naatsorsuutininut ilanngunneqartut, tassunga ilanngullugit pisussaaffiit immikkoortitat, aammalu nammineq aningaasaatigisat, pigisat nalillit pisussaaffiillu pineqartut assigiinngissutigisaat. Akiligassat tassaapput nammineq aningaasaatit aammalu pisussaaffiit naatsorsuutininut ilanngunneqartut katinnerat.

§ 26. Pigisanit nalilinnit kaaviiartitat ataanni pisassarisat, ukioq naatsorsuusiorfiusoq qaangiutereersoq ukioq ataaseq sinnerlugu qaangiuttoq akilerneqartussaataasut, piffissami sivisuumi akilerneqarfissalikkatut naatsorsuunneqassapput. Taakku araberit kisitsisaannik taaguuserlugit, paasissutissat taamaaqataat nassuiaatini paasissutissiissutigineqarsimangippata, inissitat ataasiakkaat ataanni immikkut klassilersorneqassapput.

Imm. 2. Sullitat siumoortumik akiliutaat, akiliutit inissitanut pineqartunut attuumassuteqarsimappata, pigisanut nalilinnut tunngasumi “Nioqqutissamaatit”-ni inissitat ataanni imaluunniit “Allat akiligassaattut suliat aallareriikkat” ataanni inissitanut tunngasumi ersarissunngorlugit ilanngaati-gitinneqarsinnaapput.

Imm. 3. Pisussaaffiit, ukiup naatsorsuusiorfiusup qaangiunneratigut ukiup ataatsip qaangiutinnginnerani akilerneqartussaataasut akilersupallagassaapput. Pisussaaffiit allat piffissami sivisuumi akilersugassaapput. Pisussaaffiit piumasaqaatit pineqartut naapertorlugit araberit kisitsisaat atorlugit inissiivinnut ataasiakkaanut, paasissutissat taakku taamaaqqataat nassuiaatini paasissutissiissuti-gineqarsimangpata, klassilersorneqassapput.

§ 27. Aningaasartuutit kingusinnerpaamik ulloq oqimaaqatigiissitsiviusoq akilerneqartut, ukiunullit tulliuttunut attuumassuteqartut, pigisanit nalilinnit kaaviiartitat ataanni piffissanik killiliissutitut inissitassanngorlugit akissaatitut inissisimasuussapput. Isertitat ukiumut naatsorsuusiorfiusumut attuumassuteqartut, ullorli oqimaaqatigiissitsiviusoq qaangiutereersoq aatsaat akilerneqartussanngortussat, pisassarisatut inissisimasuussapput.

Imm. 2. Akiliutit kingusinnerpaamik ulloq oqimaaqatigiissitsiviusoq akilerneqartut, ukiunili tulliuttuni isertitarisassanut attuumassuteqartut, pisussaaffiit ataanni piffissanik killiliissutitut inissitassanngorlugit akissaateqarfimmi inissisimasuussapput. Aningaasartuutit ukiumut naatsorsuusiorfiusumut attuumassuteqartut, ukiunili tulliuttuni aatsaat akilerneqartussaasut, akiligassatut pisussaaffittut akissaateqarfimmi inissisimasuussapput..

Angusanik naatsorsuutit

§ 28. Angusanik naatsorsuinermit ilanngunneqassapput isertitat aningaasartuutillu naatsorsuutitut ilanngunneqartut.

§ 29. Angusanik naatsorsuutini sulianut agguakkani “Tunisassiornermi aningaasartuutit” ataanni inissitani aningaasartuutit, tunisassiornermi kaaviiartitaqarnerup anguneqarnissaanut peqataaqa-taasimasut, naatsorsuutitut ilanngunneqassapput.

Imm. 2. Angusanik naatsorsuutini sulianut agguakkani “Tunisassiornermi aningaasartuutit”, “Agguaassinermut atasumik aningaasartuutit” aamma “Allaffissornermut aningaasartuutit” ataanni inissitani pigisanik nalilinnik nalikilliliinerit naleerutsitsinerillu aamma sulisunut aningaasartuutit, sulianut taaneqartunut attuumassuteqartut, ilanngullugit naatsorsorneqassapput.

§ 30. Isertitat aningaasartuutillu pisunut, nalinginnaasumik ingerlatsinermut attuumassuteqanngitsunut attuumassuteqartut, taamaattumillu uteqqiattussatut naatsorsuutigineqanngitsut, immikkut ittumik isertitatut aningaasartuutitullu akissaateqarfimmi inissisimasuussapput.

§ 31. Suliffeqarfiup sinneqartoorutaasa qanoq atorneqarnissaat pillugu imaluunniit suliffeqarfiup amigartoorutaanik matussiinissamut atorneqassanersaat pillugu, aalajangigassatut suliffeqarfimmi aqutsisut siunnersuutaat, angusat inernerinik naatsorsuinermit nalunaarsuinermit atasumik inissinneqartassapput, taamaattorli tak. § 56, imm. 3, pkt 2., aamma “Sinneqartoorutit imaluunniit amigartoorutit nuussat” ataanni nammineq aningaasaatit immikkut ittumik nalunaarsukkatut, tak. ilanngussa 2, skema 1 imaluunniit 2, tak. § 48, inissinneqartassapput.

§ 32. Suliffeqarfiup naatsorsuutaani aningaasatit nalunaarsorsimaffiini allatukkat makkua eqikkarlugit allattorsinnaatitaavai tassungalu taarsiullugu imatut taaguusersorsinnaallugit “Tamakkiisumik iluanaarutit” imaluunniit “Tamakkiisumik annaasat”:

- 1) Ilanngussa 2, skema 3-mi allatassat nr. 1-5, aamma
- 2) Ilanngussa 2, skema 4-mi allatassat nr. 1-3 aamma 6.

Imm. 2. Allatassanut *Imm.* 1 naapertorlugi ataatsimut eqikkakkarlugit allattorsimasanut tunngatillugu, § 11-mi, imm. 2 atuutsinneqartassanngilaq.

Imm. 3. Ukioq siulleq sulliviup imm. 1-imik atuiunnaarfia, allatassanut eqqartorneqartunut tunngatillugu kisitsisit sanilliussutissat, tak. § 24, ilanngunneqanngitsoorsinnaapput.

Kapitali 7

Naatsorsukkanut ilanngussineq annertussusiliinerlu

Nalinginnaasumik aalajangersakkat

§ 33. Suliffeqarfiup siunissami iluanaaruteqarluarnissaa ilimanaateqarluaraangat pigisallu nalillit nalingat tutsuiginartumik annertussusilerneqarsinnaagaangat, pigisat nalillit (aktiver) naatsorsuutinik oqimaaqatigiissitsinermut ilanngullugit nalunaarsorneqartassapput. Taamaattorli pigisamut nalilimmut piginnittussaataanermut tunngatillugu, suliffeqarfimmut ajunaarutaasinnaanera iluanaarutaasinnaaneraluunniit apeqqutaatinnagu, ilanngussaq 1, C, nr. 1 –mi pigisat nalillit suuneri qanorluunniit nassuiaaserneqarsimagaluarpata, pigisat nalillit suliffeqarfiup piginnigisai, suliffeqarfiup naatsorsuutaanik nalunaarsuinerlut ilanngutinngitsoorneqarsinnaapput. Aammattaaq suliffeqarfiup suliniutit ineriartortsinniakkani aamma suliffeqarfiup nammineq ilumini pigisat nalillit pilersitani tigussaasunik takussutissartaqanngitsut nalunaarsunngitsoorsinnaatitaavai, assersuutigalugu piginnittussaataanermut uppersaatait (patent), piginnaatitsissutit uppersaatait (koncessioner), nioqutissiat meqqii (varemærker) piginnaatitsissutillu taaneqartunut assingusut allat. Suliffeqarfiup nammineq ilumini pilersitani tigussaasunik takussutissartaqanngitsut allat, (immaterielle aktiver) suliffeqarfimmut nalunaarsorlugit naatsorsuusiukkanut ilanngullugit nalunaarsorsinnaatitaanngilai.

Imm. 2. Pisussaaffiliussap (forpligtelse) siunissami suliffeqarfimmut aningaasatigut iluanaarutaasinnaanera qularnaatsumik ilimagineqarsinnaagaangat aamma pisussaaffiliussap naleqassusaa tutsuiginartumik nalilerneqarsinnaagaangat, naatsorsuutinik oqimaaqatigiissitsinermut ilanngullugu nalunaarsorneqartassaaq.

Imm. 3. Pigisat nalillit pisussaaffiillu annertussusiinik naliliinermi naatsorsuutinullu ilanngullugit nalunaarsuinermit, naliliinermut tassunga tunngasinnaasut tamaasa mianerineqartassapput, tassunga ilaapput ajunaarutaasinnaasutut annaasaqaataasinnaassutullu siumut naatsorsuutigineqarsinnaasut, ukiumoortumik nalunaarusiap suli suliarineqalinninnerani naliliinerit saqqummersut aamma kingusinnerpaamik ullormi naatsorsuutinik oqimaaqatigiissitsivimmi (balance) naliliinerit nalunaarsukkat eqqornerinik imaluunniit eqqunnginnerinik tunngavilersukkamik uppersaateqartassapput.

§ 34. Suliffeqarfik suliffeqarfinnut allanut piginneqataassutiminik, tak. § 124 naapertorlugu, naleqqussaalluni isumannaallisaasinnaatitaavoq, taakkunanngalu naatsorsuutiminut ilanngullugit nalunaarsuisinnaatitaavoq imaassimappat; suliffeqarfimmit allamik ataatsimik imaluunniit suliffeqarfinnik arlalinnik suleqateqarluni suliffeqarfinnik taakkuninnga piginneqataaffigisaminik aqutseqataanermik ingerlatsiguni aamma suliffeqarfiup taassuma ataatsimut aqutseqataaffigisap pisussaaffiliussaani (nioqutissiaani) piginneqataassutit taassuma angeqqatigiikkuutaamik agguakkap ilaani aggornermik ataasiinnarmik imaluunniit piginneqataassummik tamarmiusumik qularnaveequsiisuusimaguni. Suliffeqarfiup ataatsimoorussamik aqutseqataaffigisap suliffeqarfittut nammineq aningaasaataanik (egenkapital) piginneqataanermut (ejerandel) tunngatillugu, piginneqataassutit takkua suliffeqarfiup piginnittup aningaasartuutaanut (poster) isertitaanut akiligasaanullu tunngasut, suliffeqarfiup ataatsimoorussamik aqutseqataaffigisap naatsorsuutaanut ilanngullugit nalunaarsorneqarsinnaapput. Suliffeqarfiup nammineq naatsorsuusiaatsini malillugu aningaasaatit isertitat akiligassallu annertussusii naatsorsorlugillu nalunaarsugassarai.

§ 35. Ilangussaq 1, C, nr. 1-imi pigisat nalillit qanoq nassuiarneqarsimanerat apeqqutaatinnagu, suliffeqarfiup nammineq aningaasaliissutit piginneqataassutini naatsorsuutiminut ilanngullugit nalunaarsorsinnaatitaavai. Taamaattoqartillugu piginneqataassutininik pisinermi aningaasartuutigisat tamaasa ilanngullugit pisiarisap akiviata aningaasat amerlaqatai, naatsorsuutini aningaasartuutit nalunaarsorneqarneranni „Sinneqartoorutit nuutat“-niit allatulluunniit taaguuserneqarsimaneranniit,

nammineq aningaasaliissutit ataani isertitatut iluanaarutitut „Aningaasatit nammineq piginneqataassutigisanut sillimmatit“ taaguuserlugit naatsorsuutini nalunaarsorneqaqqissapput. Sillimmatit taakku suliffeqarfiup amigartoorutaanut matussutissatut nungullugit atoqusaanngillat allatulluunniit iliornikkut ikilisarneqarsinnaanatik, taamaattorli tak. oqaaseqatigiit tullii. Nammineq aningaasaliissutit piginneqataassutit naatsorsuutininut ilanngullugit nalunaarsukkat annertussusaat najoqqutaralugit, aningaasaatit sillimmatit atorunnaarsinneqassapput imaluunniit ikilisarneqassapput imaassimappat;

- 1) atorfissaannut atorneqarpata imaluunniit atorunnaarsinneqarpata,
- 2) iluanaaruteqaqqilernerup nalinganut, tak. § 42, imaluunniit tunisaqarnermi ilanngaattissat ilanngaatigereerlugit naliusumut, tak. § 46, imm. 2, appasinnerusumut ikililerneqassappata, imaluunniit
- 3) nalilittut naatsorsuutininut ilanngunneqarsinnaajunnaarpata.

Imm. 2. Nammineq aningaasaliissutit piginneqataassutit nalingat qaffassaqqussaangilaq.

§ 36. Naliliutit pisussaaffiillu naatsorsuutininut siullermeersumik ilanngunneqarneranni nioqutissap nalerpiala tunngavigalugu annertussusiliisoqassaaq. Siullermeersumik naatsorsuutininut ilanngussereernermi naliliutit nioqutissap nalerpiaanun annertussusilerneqassapput pisussaaffiillu tunisaqarnermi ilanngaattissat ilanngaatigereerlugit naliusunut annertussusilerneqarlutik, inatsit manna allanik malitassiisimassanngippat.

§ 37. Sulliviup naatsorsuutininut siullermeersumik ilanngussereernikkut aningaasanut tunngassutilittut naliliutit ingerlaavartumik iluarsiivigisassavai, taamaattoq tak. imm. 2, kiisalu aningaasatigut pisussaaffiit, niueqatigiissutissanun ilaasut imaluunniit aningaasatigut sakkussamaatit pilersitaat, iluarsiivigisassavai ullormi tassani naliusumut. Taanna annertussusilerneqassaaq tunisat nalingannut, niuernerup ingerlalluarfiani naliliutini pisussaaffinniluunniit pineqartuni paasinarsinnaasumut. Naliliutininut imaluunniit pisussaaffinnut tunngatillugu tunisat nalingat imaaliinnaq paasineqarsinnaanngippat naliliutit pisussaaffiilluunniit ilaanni ataasiakkaanik niuernermi tunisat nalingannut annertussusiliineqassaaq. Taakkununga tunngatillugu aamma niuerluarneqarsimannngippat, atuuttutut naliusoq annertussusilerneqartassaaq tunisat nalingat qanillillugu naliliummut pisussaaffimmulluunniit tunngatillugu aningaasaatit nalingat naleqquttoq atorlugu, nalinginnaasumik nalileeriaatsit akuersaarneqarsinnaasut atorlugit taanna naatsorsorneqarsinnaassappat. Tunisat nalingat qanillattuutaasumik naatsorsorneqarsinnaanngippat naliliut imaluunniit pisussaaffik nioqutissap akerpiaanun annertussusilerneqassaaq.

Imm. 2. Sulliviup naatsorsuutininut siullermeersumik ilanngussereernikkut nioqutissap akerpiaanun makku piffissalersukkamik iluarsiivigisavai:

- 1) Taarsigassarsiarititat akiitsulinniillu pisassat, sulliviup nammineq sulissuteqarneranut tunngassutilittit, niuernernermi atugassamaatinut ilanngunneqarsimannngitsut,
- 2) aningaasanut tunngassutilittut naliliutit allat, aningaasatigut atugassamaatineersuunngitsut, aammalu naanissaannut pigineqartussat, kiisalu
- 3) aningaasanut tunngasutigut pisussaaffiit, imm. 1-imi oqaaseqatigiinni siullerni taaneqartut pinnagit.

Imm. 3. Imm. 1-imi aalajangersakkat atortuutinneqassanngillat

- 1) pigisatut sullivinni aningaasaliissutininut pisassanun,
- 2) sullivinni ataatsimut aqutani attuumassuteqarfigisanilu aningaasaliissutininut pisassat,
- 3) nammineq aningaasaliissutininut pisassat aamma
- 4) aningaasanut tunngasutigut sakkussat allat, Erhvervs- aamma Selskabsstyrelsiup nalunaarutikkut imm. 1-mi 2-miluunniit aalajangersakkat malillugit atunngitsoorsimasat.

§ 38. Ingerlatseqatigiiffiit, aningaasaliissutinik ingerlatsillutik pingaarnertut sullissisuusut, naatsorsuutininut siullermeersumik ilanngussinerup kingorna ingerlaartumik imm. 2-mi sullissinerit taasat ullormi naliusumut iluarsiivigisarsinnaavaat, aningaasaliinertut sullissinerni pineqartut, taamatullu aningaasalersuinikkut pisussaaffinnut attuumassuteqartut.

Imm. 2. Imm. 1-mi aalajangersagaq aningaasalersuinikut pigisani nalilinni, aningaasaliinikkut illuutini, aatsitassanut pigisanilu nalilinni tigussaasuni assingusuni kiisalu aningaasalersuinikkut pisussaffinni attuumassutilinni aningaasaliinernut atorneqassaaq. Taamatut atuineq aningaasaliinikkut pigisanut nalilinnut tamanut imaluunniit aningaasaliinikkut pigisat nalillit suussusiinut ataasiakkaanut kiisalu aningaasalersuinikkut pisussaffinnut, taakkununga attuumassuteqartunut, pisinnaavoq.

Imm. 3. Sulliviit pingaarnertut ingerlatatut uumasunik naasunillu tuniniaanissaq, suliareqqiinissaq, atuinissaq imaluunniit suli uumasunik naasunillu kinguaassioortitseqqinnissaq siunertaralugu amerliartortitsinermik pingaarnertut ingerlatallit, siullermeersumik naatsorsuutitut ilanngussereernikkut naliliutinik tamakkuninnga ullormi naliusunut iluarsiiviginnittarsinnaapput.

Imm. 4. § 37, imm. 1, oqaaseqatigiit aappaanniit sisamaannut aalajangersakkat imm. 1-mi 3-milu pineqartunut atortuutinneqassapput.

Imm. 5. Aningaasat imm. 1 imaluunniit 3 malillugu ullormut naliusup allannguuteqarnerata nassatarisaatut ukiumi ilanngaattissat ilanngaatigereerlugit qummut iluarsiivigineqartunut naapertuuttut allatani „Aningaasalersuutissat naliliutini naliusup allanngornerata iluarsiivinissaanut sillimmatit“-ni imaluunniit „Uumassusilitigut naliliutini naliusup allanngornerata iluarsiivinissaanut sillimmatit“-ni ilanngunneqassapput. Sillimmatit taakku sulliviup amigartoorutaanik nungutinneqarsinnaanngillat imaluunniit allatut iliornikkut ikilisinneqarsinnaanatik, taamaattoq tak. oqaaseqatigiit tullii. Sillimmatit atorunnaarsinneqarlutilluunniit ikilisinneqassapput, naliliutit qummut iluarsiivigisat

- 1) tunineqassappata imaluunniit ingerlanneqarunnaarpata,
- 2) naliusup allanngorneranni annikinnerusumik iluarsiivigineqarlutik appartinneqassappata,
- 3) akileraarutitut kinguartikkallagassanut attuumassuteqarpata, tak. § 47, imaluunniit
- 4) naatsorsuutitigut missingersuinerup allannguuteqarnera pissutigalugu utertillugit allanneqassappata, tak. § 52.

§ 39. Naatsorsuutit oqimaaqatigiissinneranni nunat allat aningaasaanniit ukiumoortumik nalunaarusiami ulloq taanna aningaasat nalingannut naatsorsueqqinnermi naatsorsuutini naliliutitut pisussaffinnullu tunngatillugu atorneqassaaq oqimaaqatigiissitsinnermi nunat allat aningaasaasa nalingat. Oqimaaqatigiissitanut allatani allani aammalu nuussinerni atorneqartassaaq ullormi nuussiviusumi nunat allat aningaasaasa nalingat. Taamaattorli naliliutit pisussaffiillu, qaffatat imaluunniit ikililat taamatullu qummut imaluunniit ammut iluarsiivigisat, pillugit atorneqassaaq piffissami nalileeqqiffiusumi nunat allat aningaasaasa nalingat.

Imm. 2. Sulissuteqarneq, nunat allat aningaasaanni naatsorsuusiuunneqartussaaq, sulliviup aningaasarsiornerani ingerlaartumik ilanngullugu naatsorsuutigineqartanngippat oqimaaqatigiissitsinnermi allatassanik naatsorsueqqinneq pissaaq ullormi oqimaaqatigiissitsiviusumi nunat allat aningaasaasa nalingannut. Nikingassut naminneq aningaasaatinut toqqaannartumik ilanngunneqassaaq.

Sanaartornermi pigisat nalillit

§ 40. Sanaartornermi naliliutit naliviata imarissavai aningaasartuutit tamaasa, naliliutip atorneqalerfissaa tikillugu pissarsinermik tunngaveqartut imaluunniit toqqaannartumik naliliutitut pilersitamut tutsinneqarsinnaasut. Tamatuma saniatigut aningaasaat, nioqqutissiap sanaartukkap aningaasalersornissaanut taarsigassarsiarineqarsimasut erniaat aammalu piffissamut sanaartorfiusumut tunngasut, naliviusumut naatsorsuunneqarsinnaapput.

§ 41. Ingerlatseqatigiiffiup qinersinnaavaa sanaartornermi atortutigut naliliutit aammalu pigisatut ingerlatani aamma attuumassuteqarfisatut ingerlatani aningaasaliissutinit pisassat tamatuma

nalaani naliusumut qaffannissaat. Sanaartornermi naliliutit tigussaangitsut qaffanneqarsinnaangillat.

Imm. 2. § 37, imm. 1, oqaaseqatigiit aappaanniit sisamaannut, aalajangersakkat atortuutinneqassapput taamaattorli imaalillugu pissarsiareqqinneranni naliusoq imaluunniit tunisinermi ilanngaattissat peerlugit naliusoq atorineqarsinnaangorlugu tunisinermi akigitinniagaq anguneqarsinnaangippat.

Imm. 3. Aningaasat qaffaammut naapertuuttut nammineq aningaasaatit ataanni allatani "Qaffaatissatut sillimmatit" toqqaannartumik ilanngullugit naatsorsuutigineqassapput. Sillimmatit taakku sulliviup amigartoorutaanit nungutinneqarsinnaangillat imaluunniit allatut iliornikkut ikilineqarsinnaanatik, taamaattoq tak. oqaaseqatigiit tullii. Sillimmatit atorunnaarsinneqarlutilluunniit ikilineqartassapput naliliutit qaffatat

1) tunineqaraangata imaluunniit sulissuteqarnermiit peerneqaraangata,

2) nalikillineqaraangata iluanaaruteqaqqilernerup nalingata appasinnerunera pissutigalugu, tak. § 42,

3) akileraarutitut kinguartitanut, ileqqaarneqartussanut, atassuteqaraangata tak. § 47, imaluunniit

4) naatsorsuutitigut missingersuinerup allannguuteqarnera pissutigalugu utertillugit allanneqaraangata, tak. § 52.

§ 42. Sanaartornermi atortuutit pigisat nalillit, §§ 37 imaluunniit 38 malillugit taakkua nalingat ullormiit ullormut ingerlaavartumik nalimmassaavigineqarneq ajortut, iluanaaruteqaqqilernermi nalimut nalilikkamut appasinnerusumut nalikilliliivigineqartassapput.

Imm. 2. Pigisat nalillit immikkut ataasiakkaarlugit ullormut naleqassusaat iluanaaruteqaqqilernerup nalinga malillugu annertussusilerneqarsinnaanerat periarfissaangippat, pigisatut eqimattatut ataatsimoortumik nalilittut pigisat nalillit minnerpaamik naliliiffigineqartassapput, taamaalilluni pigisat nalillit ataatsimut naleqassusaat iluanaaruteqaqqilernermi nalingat malillugu tutsuiginartumik nalilersorneqarluni aalajangiiffiusinnaaniassammat. Taamatut pigisanik nalilinnik ataatsimut nalikilliliineq pigisanut naliliutinut ataasiakkaanut siammaallugu aqqissugaasumik agguataarneqartassaaq.

§ 43. Sanaartornermi atortut pigisat nalillit takussaangitsut takussaasullu killilimmik atuuffissallit tunisassiatut inarneranni akiviat (kostpris), ullormi pineqartumi nalingat (dagsværdi) imaluunniit iluanaaruteqaqqilernermi (genindvindingsværdi) nalingat nalikilliliinikkut annikillilerneqartassaaq, pigisat nalillit atorsinnaallutik piusinnaaffiisa qaangiukkiartuaarnerat malillugu aqqissuussamik nalikilliartuaartinneqarnissaat matumani siunertaralugu. Taamaattorli tamanna pigisanut nalilinnut § 38 naapertorlugu, ullormi nalingat naapertorlugu ingerlaavartumik iluarsiivigineqartuuartartussanut tunngatillugu tamanna atuutinngilaq.

Imm. 2. Pigisap nalillip piffissami atorsinnaalluni piusinnaaffiata qaangiutereernerani naleqassusaa sinneruttoq eqqarsaatigalugu, piffissamut pigisap nalillip atorneqarlernerata aallartinnerani naleqassusaanut naleqqersuinnikkut uuttuullugu nalikillilerneqarnera naatsorsorneqartassaaq.

Imm. 3. Imm. 1-mi qanorluunniit aalajangiisoqarsimagaluarpat sanaartornermi atortut pigisat nalillit takussaangitsut, nalikilliliineri ukiut 20-it sinnerlugit nalikillilerneqarsimasinnaangillat.

§ 43 a. Suliffeqarfiup suliffeqarfinnut pigisaminut aamma suliffeqarfinnut kattuteqatigisimasaminut aningaasaliissutit piginneqataassutini, aningaasartuutissat peereerlugit pigisat naliviisut (indre værdi) nalunaarsorlugit suliffeqarfiit taaneqartut naatsorsuutaannut ilanngullugit nalunaarsorsinnaatitaavai. Taamaattorli taamatut nalunaarsuisoqassappat aalajangersakkani imm. 2-5, taamaattorli tak. imm. 6, aalajangersarneqartut naapertorlugit suliffeqarfiup suliffeqarfinnut piginneqataaffigisaminut tamanut imaluunniit suliffeqarfinnut kattuteqatigisimasaminut tamanut imaluunniit suliffeqarfinnik ingerlatseriaatsini taaneqartuni tamani, aalajangersakkat taaneqartut naapertorlugit, aningaasartuutissat peereerlugit pigisat naliviisut (indre værdi) suliffeqarfiit taaneqartut tamarmik naatsorsuutaannut ilanngullugit nalunaarsorneqartassapput.

Imm. 2. Aningaasartuutissat peereerlugit pigisat naliviisa (indre værdi) annertussusaat, suliffeqarfiup nammineq naatsorsuuseriaatsini malillugu naatsorsorlugillu nalunaarsugassarai.

Imm. 3. Suliffeqarfissuit (koncern) naatsorsutaat pillugit §§ 119-121 aalajangersarneqartut aammattaq taamatut atuuttassapput, taamaattorli suliffeqarfinnut kattutanut tunngatillugu aningaasaatinik piginneqataassutinik atorunnaarsitsilluni piginneqataajunnaarnermut taamaallaat tunngatillugu atorneqarsinnaallutik. Taassuma assigisaanik § 116, imm. 2, atorneqartassaaq. Suliffeqarfiup pigisap (dattervirksomhed) naatsorsuutini, suliffeqarfissup piginnittup (koncern) naatsorsuutaanut ilanngullugit naatsorsuuserippagit, taanna tunngavittut atorneqassaaq. Suliffeqarfiup pigisap aningaasaatini piginneqataassutit suliffeqarfiit pigisat aamma suliffeqarfiit kattutat naatsorsuutaasa inerniviinut (indre værdi) ilannguppagit, pigisat nalillit taakkua tunngavittut atorneqarsinnaapput.

Imm. 4. Suliffeqarfiit pigisat aamma suliffeqarfiit kattutat aningaasatigut piginneqataaffigisat angusaasa naleqassusaannik immaqalu aamma taakkua naatsorsuutit tungaasigut inerniviit angusaat, angusamut tamarmiusumut ilaanngitsut naleqassusaannik suliffeqarfik nalittorsaasinnaatitaavoq imaluunniit nalikillisaasinnaatitaavoq. Suliffeqarfiit pigisat aamma suliffeqarfiit kattutat angusaannik aamma naatsorsuutit inerniviinik (indre værdi) aningaasallu ingerlaartinneqarsimaneri, suliffeqarfiit taakkua angusaannut ilaanngitsunik, aningaasaatit piginneqataassutit annertoqataannik piginneqataassutinik naatsorsuutitut nalunaarsuisinnaatitaapput.

Imm. 5. Ukiumoortumik naatsorsuutitut nalunaarusiami ilanngaattissat peereerlugit pigisat niliiviinik qaffaanerup aningaasanik amerlaqataannik, tak. imm. 4 naapertorlugu, naatsorsuutini aningaasaatit nammineq pigisat ataanni nalunaarsukkanut ilanngullugit nalunaarsorsimassapput imatut; "Ilanngaattissat peereerlugit naatsorsuutit inerniviinik periuseq malillugu pigisat naliviinik qaffaatissatut sillimmatit." Ukiumoortumik naatsorsuutitut nalunaarusiami ilanngaattissat peereerlugit pigisat niliiviinik nalikilliliinermi aningaasatit amerlaqataannik, tak. imm. 4 naapertorlugu, naatsorsuutini nalunaarsukkanut ilanngullugit nalunaarsorneqassapput aamma amigartoorutaasinnaasunut sillimmatissatut aamma akileraarnermi ilanngaattit nalunaarsorneqassallutik. Akileraarnermi ilanngaattissat ilanngaatiginnginnerini, ilanngaattissat peereerlugit nalikilliliinerup amerlassusaasa, sillimmatit amerlassusaat sinnerlugit qaangissagalarpagit, nalikilliliinermi sillimmatinik qaangiinermi, qaangiissutit amerlaqataat kisimik tassanngaanniit ilanngaatigineqassapput. Sillimatit aningaasartaqanngitsut naatsorsuutit nalunaarsorneqarnerinut ilanngullugit nalunaarsorneqarsinnaanngillat. Sillimmatit taakkua suliffeqarfiup amigartoorutaanut ilanngullugit nungutinneqarsinnaapput, kisiannili allatut iliorluni millisarneqarsinnaanatik. Taamaattorli aningaasaatinik piginneqataassutinik amerlisaanikkut, sillimmatinik atorunnaarsitsisoqassaaq imaluunniit millisaasoqassaaq, imaaliornikkut:

- 1) piginneqataassutinik amerlisaanermik piviusunngortitsinikkut imaluunniit
- 2) tak. § 52, imm. 1 naapertorlugu, naatsorsuutit tunngavigalugit allatut nalileeqqinneq tunngavigalugu utertitsinikkut.

Imm. 6. § 114, imm. 2, nr. 1-3 naapertorlugit, suliffeqarfiup suliffeqarfimmut pigisamut (dattervirksomhed) imaluunniit suliffeqarfimmut kattutamut (associeret virksomhed) piginneqataassutini, naatsorsuuserineri periuseq – ilanngaattissat peereerlugit angusat naliviinik periuseq – paassissutissat tassunga tunngasut pisariaqavissut ilisimanngikkunigit, suliffeqarfiup periuseq taanna periutsit atunngitsoorsinnaatitaavaa. Taamaattoqartillugu, tak. § 36 naapertorlugu, aningaasatit piginneqataassutit, aningaasartuutit ilanngullugit akiviat aallaavigalugu piginneqataassutit annertussusilerneqassapput. Taamaattorli suliffeqarfinnut piginneqataassutit § 114, imm. 2, nr. 3 –mit pineqartut, § 37-mi, imm. 1, pkt. 2. – 4. –mit pineqartut naapertorlugit, piginneqataassutit ullormi nali malillugit nalingi annertussusilerneqarsinnaapput. Aammattaq imm. 4 malillugu suliffeqarfimmut kattutamut piginneqataassutinik nalimmassaaneq, suliffeqarfiup kattutap ukiumoortumik naatsorsuutit kingullerpaat piginneqataassutinik nalimmassaanagermut tunngavigineqarsinnaapput, naak suliffeqarfiup kattutap taassuma ukiumoortumik naatsorsuutaasa, suliffeqarfiup piginnittup ukiumoortumik naatsorsuutimik nalunaarusiortarneranut, nikingasumik suliarineqartaraluartut.

Pigisat nalillit kaaviiartitat

§ 44. Pigisat nalillit kaaviiartitat tunineranni akiusup imarissavai aningaasartuutit pisinermik pissuteqartut, imaluunniit pigisatut piliamut toqqaannartumik tutsinneqarsinnaasut. Pigisat tunineranni akiusumi agguaassinermi aningaasartuutit ilaatinneqassanngillat. Tamatuma saniatigut aningaasaatit nioqutissiornermut aningaasalersuutissatut taarsigassarsiaasut erniaat, aammalu piffissamut piliorfiusumut tunngassutillit, tunineranni akiusumut naatsorsuunneqarsinnaapput.

§ 45. Nioqutissamaatit tunineranni akiusq naatsorsorneqarsinnaavoq agguaqatigiissitamik akitut oqimaalutakkat tunngavigalugit, „siulliulluni takkuttoq-siulliulluni anisoq“-mik periaaseq (FIFO) imaluunniit periaaseq alla tamatumunnga assingusq, nioqutissamaatit ullormi oqimaaqatigiissitsiviusumi nalingannik tunngaveqartitaq.

§ 46. Nioqutissamaatit pissarsiareqqinnerisa nalingannut qaffanneqarsinnaapput. Pigisanit kaaviiartitatut allat §§ 37 imaluunniit 38 malillugu ullormi naliusumut ingerlaartumik iluarsiivigineqartartussaannngitsut, ullormi naliusumut qaffanneqarsinnaapput. § 37, imm. 1, oqaaseqatigiit aappaanniit sisamaannut aalajangersakkat aamma § 41, imm. 3, atortuutinneqassapput.

Imm. 2. Pigisat nalillit kaaviiartitat , §§ 37 imaluunniit 38 malillugu ullormi naliusumut ingerlaartumik iluarsiivigineqartartussaannngitsut tunisinermi ilanngaattissat peereerlugit naliusunut appasinnerusunut nalikillineqassapput.

Pisussaaffiit kinguartitat

§ 47. Pisussaaffiit, annertussusaasa imaluunniit piffissap naammassiniarneqarfissaasa tungaasigut ilisimariinngisat, oqimaaqatigiissitsinermi angusanillu naatsorsuinermi pisussaaffittut kinguartitatut naatsorsuunneqassapput. Tamatumani aamma naatsorsuunneqassapput akileraarutit, qularnaveeq-qusiissutitigut pisussaaffiit soraarnerussutisiassatigullu pisussaaffiit kinguartitat, sulliviup pisussaaffigisai.

Imm. 2. Pisussaaffiit kinguartitat ullormi naliusunut annertussusilerneqarsinnaapput. § 37, imm. 1, oqaaseqatigiit aappaanniit sisamaannut aalajangersakkat atortuutinneqassapput.

Akiitsutigut pisussaaffiit

§ 48. Pisussaaffinnut nassuiaatit apeqqutaatinnagit, tak. ilanngussaq 1, C, nr. 5, aqutsisuusut iluanaarutisiassatut siunnersuutaannut sulliviup ilanngussinnaavai allatat „Ukioq naatsorsuusiorfik pillugu iluanaarutisiassatut siunnersuutit“ ataanni.

Angusanik naatsorsuusiorneq

§ 49. Angusanik naatsorsuusiornermi isertitat tamarmik tulleriiarlutik isaatinneqartarnerat najoqqutaralugu, naatsorsuutitut ilanngullugit nalunaarsorneqartassapput. Taamaattorli sulisut suliaminnik ingerlatsinerat nioqutissioriaaserlu ingerlanneqartuq najoqqutaralugit, suliffeqarfik isertaminik nalunaarsuinngitsoorsinnaatitaavoq. § 37, imm. 1 aamma 2, kiisalu § 38, imm. 1 aamma 3 naapertorlugit, isertitat tamatigut iluanaarutitut naatsorsuunneqartassapput. Aammattaq angusat naatsorsorneqarneranni makku ilanngullugit nalunaarsorneqartassapput;

1) Suliffeqarfii pigisat (dattervirksomhed) aamma suliffeqarfii kattutat (associeret virksomhed) angusat pigisaat (resultatandele), tak. § 43 a naapertorlugu, naatsorsuutini immikkuullarissumik aningaasaatitut nalunaarsugassat, piigassat peereerlugit angusat naliviisut naatsorsorlugit, naatsorsuutini nalunaarsorneqartassapput,

- 2) aningaasartuutit tamaasa, matumani pisussaaffinnik nalikilliliinerit, naleerutitsinerit, ammut iluarsiviginninnerit kinguartitsigallernerillu tamaasa ilanngullugit, aamma
- 3) angusanik naatsorsuinerimi naatsorsuutini missingersukkat allannguuteqarnerisa nassatarisaannik ilanngunneqartut, tak. § 52, imm. 1 naapertorlugu, aningaasaatit utertitatut nalunaarsukkat.

Imm. 2. Aningaasat, kinguliini taaneqartut nassatarisaattut saqqummersut, angusat naatsorsorneranni ilanngunneqassanngillat, namminerli aningaasaatinut toqqaannartumik ilanngunneqassallutik:

- 1) §§ 41 aamma 46 malillugit qaffaaneq, taamatut qaffaanermit utertillugit allatat aamma pisussaaffiit kinguartitat aningaasartaannik, taamatut qaffaanermeersunik, akissaatinut inisseeqqinneq,
- 2) nammineq aningaasaliissutiniit pisassanik pisinermi tunisaqarnermilu isertitat aningaasartuutillu, aningaasaatinit pisassat oqimaaqatigiissitsinerimi ilanngunneqartussaatinngit,
- 3) isertitat aningaasartuutillu pigisanut nalilinnut pisussaaffinnullu tunngassutillit, sullivimmit naliliutit pisussaaffiillu ilimagisat nalingannik qulakkeerinissamut taamaallaat atorneqartut, aammalu aningaasanik taama ittunik utertitatut allatat,
- 4) aningaasat nikingassutaat, suliani oqimaaqatigiissitsinerimi allatanik sullivimmi aningaasat ingerlaarneranni ilanngunneqartartussaannngitsunik naatsorsueqqinnermi pinngortut, tak. § 39, imm. 2,
- 5) ilanngussinerimi taamatullu annertussusiliinerimi kiisalu aningaasanut aalajangersimasumik naliusumik atuinermi periaatsinik tunngavigisanillu allannguuteqartitsineq, tak. § 13, imm. 2, aamma
- 6) tunngavigisatigut kukkuluttornerit pissutigalugit utertitatut allatat, tak. § 52, imm. 2.

Imm. 3. Aallarniutit, agguagarsisitsineq agguaanerlu, aningaasaatinik pissarsiniarnerup, aningaasaatinut aallarniutinik utertitatut allattuinerup taamatullu sullivimmi peqataasunut sinneqartoorutinik agguaanerup ilaatut pisut, angusanik naatsorsuinerimi ilanngunneqarsinnaanngillat, namminerli aningaasaatinut toqqaannartumik ilanngunneqassallutik

§ 50. Isertitat aningaasartuutillu, naliliutitut pisussaaffinnullu tunngassutillit, nalingat pigisatigut pisussaaffitsigullu allatigut isumannaarluagaq, § 13, imm. 1, nr. 8-mi imminnut ilanngaatigitillugit naatsorsoqqusaannginnerat apeqqutaatinnagu isertitani aningaasartuutinilu isumannaarinarluni iliutitut tunngassutilinneersuni ilanngaatigitillugit naatsorsorneqarsinnaapput.

Naatsorsuutitigut periaatsinik allannguuteqartitsineq

§ 51. Ilanngussisarnermi, annertussusiliinermit tunngavigisanik imaluunniit aningaasanut aalajangersimasumik naliusumik atuinermut sullivik allannguuteqartitsippat, ukiumoortumik naatsorsuutini allatat tamatumanga attorneqartussat periaatsinut nutaanut taamatullu tunngavigilikkanut nutaanut naapertuuttumik allanngortinneqassapput, ukiup naatsorsuiffiup aallartinnerani nammineq aningaasaatinut toqqaannartumik ilanngussinikkut. Tamatumani aamma kisitsit sanilliussissutissaq periaatsinut nutaanut naapertuuttumik allanngortinneqassaaq.

Imm. 2. Sulliviup ilanngussisarnermi periaatsit naliliutinik qaffaasinnaanissaq pillugu allannguuteqartissappagit tamatuma kingunerisaanik qaffaanerit § 41, imm. 3 malillugit suliarineqassapput, namminerlu aningaasaatinut toqqaannartumik ilanngunneqassallutik.

Naatsorsuutitigut missingersuinerit kukkunerillu kingunerisaattut allannguuteqartitsineq

§ 52. Aningaasat ukiumi naatsorsuusiorfimmi siusinnerusumi ilanngunneqarsimasut naatsorsuutitigut missingersuinerup allannguuteqarnerata kingunerisaanik allanngortinneqassappata allannguuteqartitsinerup sunniutissai aallaqqaamut missingersuinertulli iliorluni pineqassapput. Nalikilliliinerit ukiumi siusinnerusumi pisimasut utertillugit allanneqarsinnaanngillat.

Imm. 2. Ukioq naatsorsuusiorfiusoq siusinnerusoq pillugu ukiumoortumik nalunaarussiaq ima annertutigisumik eqqunngitsortaqqarpit ukiumoortumik nalunaarussiaq eqqortumik

takussutissiisussaanani (kukkunerit annertuut), iluarsiiisuteqarnerup aningaasatigut sunniutai ukiup naatsorsuiffiup aallartinnerani nammineq aningaasaatinut toqqaannartumik ilanngunneqassapput, kisitsisillu sanilliussissutissat ukiunut siusinnerusunut tunngasut naleqquttunngorsarneqassallutik.

Kapitali 8

Paasissutissat

Nassuiaatit

Naatsorsuusiornermi periaaseq atugaq

§ 53. Ilanngussisarnermi periaatsit aammalu annertussusiliinermi tunngavigisat (naliliineq) oqimaaqatigiissitsinermi, angusanik naatsorsuinermi, nassuiaatini aqutsisuusullu nalunaarusiaanni atorneqartut nassuiaateqarfigineqassapput. Aammattaaq takuneqarsinnaassaaq naatsorsuutit klassiat sorleq sulliviup ukiumoortumik nalunaarusiornermini malinneraa. Aningaasat danskit koruuniunngitsuni euro-niunngitsuniluunniit, tak. § 16, oqaaseqatigiit aappaat, nunat allat aningaasaannut allanneqarpata, ullormi naligiissaariffimmi danskit koruuniinut naleqqiullugu aamma ukiup naatsorsuusiorfiusup siuliata ullup naligiissaariffiani nunap aningaasaasa nalingata assinga, nunap allap aningaasaasa allanneqartut nalingat pillugu nalunaarusiortoqassaaq.

Imm. 2. Naatsorsuutini allatanut tunngatillugu nassuiaammi minnerpaamik allassimassapput:

1) Pigisat nalillit pisussaaffiillu pillugit ilanngussinermi periaatsit annertussusiliinernilu tunngavigisat, tamatumani aamma erniat naatsorsuutit suliarineranni akiusuni ilanngunneqarnerisut, aammalu periaatsit tunngavigisassallu suut malillugit qaffaaneqarnerisq, ikililerineqarnerisq naleerutitsineqarnerisq, nalikilliliineqarnerisq kiisalu qummut amullu iluarsiiviginnittoqarnerisq. Tamatumani aamma taaneqassapput:

a) Aningaasatigut pigisat pisussaaffiillu, aningaasaatit nalingannut imaluunnit piffissalersukkamik akilersugassatut akiusumut annertussusilerneqartut, pillugit naatsorsueriaatsit toqqakkamut tunngavigisat nalunaarneqassapput.

b) Nalikilliliinermi periaaseq, sanaartukkatigut naliliutinik nalikilliliinermut atatillugu sinneruttutut naliusoq aamma piffissaq atuiffissaq pillugit missiliuussineq.

Sanaartukkatigut naliliutit takussaannngitsut pillugit piffissaq nalikilliliiviusoq ukiunik 5-nik sivisuneruppat, tamanna nalunaarneqarlunilu pissutigisatigut tamakkiisumik nassuiaateqarfigineqassaaq.

c) Tak. § 32 naapertorlugu suliffeqarfiup ilanngaattissat peereerlugit kaaviiartitaminik paasissutissiinngitsoornera apeqqutaatinnagu, ilanngaattissat peereerlugit kaaviiartitat annertussusiinik naatsorsuinermi nalunaarsuinermilu periaatsit atorneqartut.

2) Nunat allat aningaasaannik aningaasat atukkat nalinganut naatsorsueqqinnermi periaatsit.

3) Pigisat nalillit pisussaaffiillu nalingannik isumannaarinermi § 50 malillugu periaatsit kiisalu pigisanik pisussaaffinnillu sulliviup tigusassatut taamatullu isumagisassatut ilimagisaanik isumannaarinermi periaatsit.

4) Iluanaarutisiat pillugit siunnersuut § 48 malillugu pisussaaffittut ilanngunneqassapput.

5) Piginneqatigiilluni ingerlatsiviit piginneqataassutilinniit ilassutitut akiliutinik aamma utertitatut akiliutinik suliarinnittarnerat.

§ 54. Naatsorsuutitigut missiliuussineq allanngortinneqarpata, tak. § 52, missiliuussinerit allannguutaat nassuiarneqassapput, soorlulu aningaasatigut naliliutinut, akiitsunut, aningaasatigut inissisimanermut angusanullu sunniutaat ajornanngippat paasissutissiisutaasassallutik. Aamma taamaassaaq pigisanik pisussaaffinnillu ilanngussineq annertussusiliinerlu kukkunerup, tamatumani aamma tunngavigisatigut kukkunerup, kingunerisaatut allannguuteqassappata.

§ 55. Sulliviup suliaasa suunerat ukiup naatsorsuusiorfiusup ingerlanerani allannguuteqarpat, sulliviup ukiumiit ukiumut sanilliusuussiviginissaanut pisariaqartinneqartut paasissutissiissutaassapput. Paasissutissiinissarli pinngitsoorneqarsinnaavoq, oqimaaqatigiissitat angusallu naatsorsorneri pillugit kisitsisit sanilliusissutissat ukiumi naatsorsuusiorfimmi allannguutaasunut naleqqussarneqarsinnaappata.

Imm. 2. Ukiumi naatsorsuusiorfimmi ukiumilu siuliani aningaasat sanilliuinneqarsinnaanngippata, imaluunniit aningaasat naleqqussagaappata, sanilliusuussisinnaannginneq taamatullu naleqqussaaneq, taaneqarlutillu pissutigisat ataasiakkaatigut sukumiisumillu nassuiaateqarfigineqassapput.

Nammineq aningaasaatit ingerlaarnerat

§ 56. Nammineq aningaasaatit ingerlaartillugit nuussorneqarneri mikisualuit ilanngunnagit, tak. imm. 2 aamma 3 naapertorlugit, imaluunniit, tak. imm. 4 naapertorlugu, nammineq aningaasaatit pillugit nalunaarsuutiminik sukumiisumik suliffeqarfik paasissutissiissusaatitaavoq. Nammineq aningaasaatit pillugit nalunaarsuutini aningaasaatit ingerlatinneqarnerisa nussorneqarnerisalu imarisaasa, imm. 2 aamma 3 imaluunniit 4 naapertorlugit, taaguutaat imaluunniit nalunaarsuutaat takuneqarsinnaasussaapput.

Imm. 2. Nammineq aningaasaatit imaluunniit aningaasaliissutit pillugit pingaarnersiulluni nalunaarsuusiami takuneqarsinnaasapput nammineq aningaasaatit imaluunniit aningaasaliissutit ataatsimut katillutik annertussusaat pillugit paasissutissat, makkua;

- 1) ukiup naatsorsuusiorfiusup aallartinnerani annertussusaat,
- 2) ukiup naatsorsuusiorfiusup ingerlanerani ilassutit,
- 3) ukiup naatsorsuusiorfiusup ingerlanerani anisut aamma
- 4) ukiup naatsorsuusiorfiusup naanerani annertussusaat.

Imm. 3. Malittarisassani imm.2 naapertorlugu inaarutaasumik naatsorsuuserinermi immikkuullarissunngorlugit takuneqarsinnaasapput “Aningaasat nalinganik qaffaatinut sillimmatit“-nik taasat aningaasat isertut – anisullu kiisalu aningaasaatit, § 49, imm. 2-mi, nr. 3 & 4 naapertorlugit nammineq aningaasaatit imaluunniit aningaasaliissutit toqqaannartumik ilanngullugit nalunaarsukkat. Aammattaaq tak. § 31 naapertorlugu, angusat inarlugit naatsorsuuserinermi sinneqartoorutit qanoq atorneqarnissaat pillugu imaluunniit amigartoorutit qanoq matussuserneqarnissaat pillugu paasissutissiissoqarsimanngippat, paasissutissaq taanna, aqutsisut aalajangiiffigisassatut siunnersuutaanni takuneqarsinnaasaaq.

Imm. 4. Angusat pillugit inaarutaasumik naatsorsuutini tamakkiisuni takuneqarsinnaasapput, naatsorsuutini nammineq aningaasaatit nalunaarsukkat ataanni, aningaasaatit nalunaarsorsimaffii ataasiakkaat, imm. 2-mi taaneqartut tamarmik imarisaat pillugit paasissutissat. Suliffeqarfiup nammineq aningaasaatai imm. 2 –mi taaneqartut pillugit, taakkunani aningaasaatit isertut anisullu nalunaarsorsimaffiini, piffissami tassani aningaasaatinik nussuisoqarsimagaangat, ukiumoortumik naatsorsuusiorfiusimasuni kingullerni sisamani paasissutissat taakkununnga tunngasut pigineqartut, paasissutissiissutigineqartassapput.

Pigisat nalillit

§ 57. **(Atorunnaarsinneqarpoq)**

§ 58. Sullivik pigisanik nalilinnik ullormut naliusumut ingerlaartumik iluarsiivigisassaannigitsunik qaffaappat imaluunniit ikililerippat, §§ 37 aamma 38 tunngavigalugit, aningaasat makku paasissutissiissutigineqassapput:

- 1) Sanaartukkatigut pigisanut tunngatillugu, qaffatatut allatat ataasiakkaat nalingata aamma qaffaaneqarsimanngitsuuppat allatat nalissaraluata akornanni nikingassut.

2) Pigisanit nalilinnit kaaviiartitanut qaffaatinik naleerutitsinernillu ukiumoortumik utertitatut allatat.

3) Pigisanit nalilinnit kaaviiartitanut ukiumoortumik naleerutitsinerit pisarnertut naleerutitsisarnerniit annerusut.

§ 59. Sulliviup erniatigut aningaasartuutit pigisat pissarsiarineranni akiusup ilaatut ilanngutissappagit, erniat aningaasartaat allatanut tamanut immikkut tunngatillugu nalunaarneqassapput.

§ 60. Pigisat nalillit suliffeqarfiup nammineq piginnigisani, naatsorsuutiminut ilanngullugit nalunaarsorniarlugit suliffeqarfik aalajangersimappat, pigisat nalillit sorliit suliffeqarfiup pigisarinniginnerai nalunaarsorneqarsimassapput, qanorlu naleqartillugit nalunaarsorneqarnersut naatsorsuutini nalunaarsorneqarsimassallutik.

§ 61. (Atorunnaarsinneqarpoq).

§ 62. Piginneqatigiilluni ingerlatat nalunaassavaat piginneqataassutilinniit ilassutitut akiliutit imaluunniit taakkununga utertitatut akiliutit tamarmiusut.

Pisussaaffiit pisussaaffigilersinnaasallu

§ 63. Sulliviup tamarmiusumik akiitsuisa ilaat, piffissap oqimaaqatigiissitsiviusup kingornagut ukiut tallimanit amerlanerusunik qaangiunneratigut akilerneqartussanngortussat nalunaarneqassapput.

§ 64. Sulliviup pisussaaffigileratarsinnaasani paasissutissiissutigissavai. Tamatumani aamma soraarnerussutisiatigut, akiliussisussamaataanikkut qularnaveeqqusiissutigullu pisussaaffiit, akiitsunut uppernarsaatit akilereersimasani ilanngaasikkat allallu pisussaaffigileratarsinnaasat aningaasartaat oqimaaqatigiissitsinermi ilanngunneqanngitsut nalunaassavai. Paasissutissat immikkoortunut tamanut immikkut tunngasuussapput.

Imm. 2. Sullivik attartornermut imaluunniit attartortitsinermut isumaqatigiissusiorsimappat, isumaqatigiissutit naapertorlugit pisussaaffiit immikkoortillugit nalunaarneqassapput oqimaaqatigiissitsinermi ilanngunneqareersimangikkunik.

Imm. 3. Piginnettutut sulliviup aammalu taassuma pigisatut sulliviutaanut imm. 1-imi aamma 2-mi taaneqartutut pisussaaffiit immikkoortillugit paasissutissiissutaassapput, immikkoortut tamaasa immikkut nassuiaateqafigalugit.

Imm. 4. Sullivik pigisani nalilinni tammarnaveeqqusiisimaguni allatulluunniit qularnaveeqqusiissuteqarsimaguni tamanna paasissutissiissutigissavaa tamatumani aamma taallugit tammarnaveeqqu-siussat tamarmiusut annertussusaat kiisalu pigisat tammarnaveeqqusiussat naatsorsuutitigut tamarmiusumik nalingat.

§ 65. (Atorunnaarsinneqarpoq).

Akissaateqarfimmi immikkoortiterineq

§ 66. Allatat araberit kisitsisaannik immikkoortitaarlugit paasiuminarsakkat, nassuiaatini immikkoortillugit taaneqassapput. Ukiumi naatsorsuusiortiusumi qaangiuttumi aningaasat allatani pineqartut assigisaat taaneqassapput.

§ 67. Pigisaq imaluunniit akiitsoq skemani allatanut arlalinnut tunngasuussappat, tak. ilanngussaq 2, skema 1 imaluunniit 2, allatanut allanut atassuteqarnera nassuiaatini imaluunniit allatanut atatillugu paasissutissiissutaassaaq.

Qanittorisatut peqataasut il. il.

§ 68. Sulliviup nalunaassavai ukiumi naatsorsuusiorfiusumi sulisorisat agguaqatigiissitamik amerlassusaat. Ukiumut naatsorsuusiorfimmu siulianut tunngatillugu - taamatuttaaq aamma taanna pillugu paasissutissaq paasissutissiissutigineqassaaq.

§ 69. (Atorunnaarsinneqarpoq).

§ 70. Aningaasaateqarfik inuussutissarsiutitut ingerlataq malittarisassatigoortumik isumaqatigiissutitigoortumilluunniit ingerlatseqatigiiffimmu inuussutissarsiortumut aningaasaateqarfimmulluunniit allanut atasuuppat, tamanna pillugu nassuiaasiortoqassaaq.

§ 71. Sulliviup paasissutissiissutigissavai piginnittutut sulliviit, ingerlatseqatigiiffiissuup annerpaap taamatullu minnerpaap, sulliviup pigisatut ilaaffigisaata, naatsorsuutaanik suliarinnittussat aqqi najugaallu. Aammattaaq taaneqassaaq piginnittutut nunani allani sulliviit pineqartut ingerlatseqatigiiffissuaq pillugu naatsorsuutaat sumi pissarsiarineqarsinnaanersut.

§ 72. Sulliviup paasissutissiissutigissavai pigisatut sulliviit, attuumassuteqarfigisatut sulliviit tamarmik immikkut aamma interessent- imaluunniit kommanditselskabit, sullivimmit piginneqataassuteqarfigineqartut, tamarmik immikkut aqqi, najugaat inatsisitigullu aqqissuussivigisaanerat.

Imm. 2. Sulliviup aammattaaq pigisatut sullivinnut attuumassuteqarfigisatullu sullivinnut tamanut immikkut tunngatillugu paasissutissiissutigissavai

1) taakkunani piginneqataassutinit qanoq annertutigisut sullivimmit pigineqarnerisut aamma
2) nammineq aningaasaatit angusallu ukiumoortumik nalunaarusiaq kingulleq akuersissutigisaaq naapertorlugu annertussusaat.

Imm. 3. *Imm. 2,* nr. 2-mi nammineq aningaasaatit angusallu pillugit paasissutissiinnitsoortoqarsinnaavoq,

1) pigisatut imaluunniit attuumassuteqarfigisatut sullivik pineqartoq ukiumoortumik nalunaarusiamik saqqummiussisussaangippat aammalu sulliviup nammineq aningaasaatit 50 pct.-iannit annikinnerisut pigippagit,

2) pigisatut imaluunniit attuumassuteqarfigisatut sulliviup pineqartup naatsorsuutai isumannaallisaanikkut ilanngunneqassappata sulliviup ingerlatseqatigiiffissuaq pillugu naatsorsuutaanut ima-luunniit

3) sulliviup aningaasaatinit pisassani pigisatut imaluunniit attuumassuteqarfigisatut sullivimmut ilanngutissappagit taassuma naatsorsuutitigut naliliussaani nalilerlugit.

Imm. 4. *Imm. 1*-imi paasissutissat pinngitsoorneqarsinnaapput, sullivimmut namminerisut imaluunniit nr. 1-imi eqqartorneqartutut sullivinnut pingaarutilitsigut ajoqusiisinnaassappata. Tamatuminnga pissutilimmik paasissutissiinnitsoornerit taaneqassapput.

§ 73. Aktieselskabi, anpartsselskabi, partnerselskabi (kommanditaktieselskab) imaluunniit aningaasaateqarfik inuussutissarsiutitut ingerlatsisoq aqutsisoqatigiinnut ilaasunit akiligassaqarfigineqarpat, sulliviup akiitsunit pisassat taakkua aqutsisut immikkoortuinut tamanut agguarnerisa ataatsimut katinnerat nalunaassavaa. Immikkoortuni tamani atugassarititat pingaarnerpaat taaneqassapput, tamatumani aamma erniat angissusiat, aningaasallu ukiup ingerlanerani utertillugit akilerneqarsimasut. Taarsigassarsiat ukiup ingerlanerani taarsigassarsiarineqarlutillu tamakkerlugit akilerneqarsi-mappata, tamanna immikkoortillugu taaneqassaaq.

Imm. 2. *Imm. 1* atortuutinneqassaaq inuit taaneqartut pillugit isumannaallisaasiissutitut.

Imm. 3. Imm. 1 aamma 2 atortuutinneqassapput piginnitsitit sullivinni aqutsisuusut ilaasortaannut.

Imm. 4. Imm. 1-3 taamatulli atortuutinneqassapput inunnut aqutsisuusuni ilaasortanut immikkut ittumik qanittuusunut.

§ 74. Aktiaateqarluni ingerlatseqatigiiffiit, aktiaateqarluni ingerlatseqatigiiffiit pillugit inatsimmi, Kunngip peqqussutaatigut Kalaallit Nunaannut atortussanngortinneqartumi, §§ 28 a aamma 28 b naapertorlugit ingerlatseqatigiiffimmi aktianik pigisallit pillugit attuiffinnut immikkut allattuisartussat, nalunaassavaat kikkut ukiumoortumik nalunaarusiap saqqummiunneqarfiani allattuiffimmut immikkut ittumut ilanngunneqarsimanersut, ilanngullugit taallugit aqqit tamarmiusut najukkallu imaluunniit sulliviup pineqartup angerlarsimaffia.

Suliffeqarfimmi aningaasaatit il. il.

§ 75. Aktie- imaluunniit anpartsselskabimi aningaasaatit arlalinnut klassilersugaappata, immikkoortitaarlugit nassuiaateqarfigineqassapput. Aktiat piginneqataassutillu amerlassusiat taakkualu nalingi klassini tamani immikkut nalunaarneqassapput. Aktiaateqarluni ingerlatseqatigiiffinnut tunngatillugu amerlassutsit naliliussallu tamatigut nalunaarneqartassapput.

Imm. 2. Aktiaateqarluni ingerlatseqatigiiffimmi pilersitsinermi aktiatigullu aningaasaliissutinik qaffaanerni aningaasartuutiivit ukiumoortumik nalunaarusiami siullertut suliaasussami paasissutissiissutaasassapput.

§ 76. Sullivik nammineq aningaasaliissutinik pisassanik pigisaqaruni nalunaassavai

1) amerlassusiat aammalu naliliussaq ilanngullugu nalunaarlugu sulliviup aningaasaataani nammineq aningaasaliissutit procentiat,

2) nammineq aningaasaliissutit ukiup naatsorsuusiorfiusup ingerlanerani pissarsiaasimasut imaluunniit tunineqarsimasut amerlassusiat naliliussarlu ilanngullugu procentiat taallugu, kiisalu pisinermi imaluunniit tuninerini akiusup tamarmiusup annertussusia aamma

3) ukiup naatsorsuusiorfiup ingerlanerani nammineq aningaasaliissutinik pissarsinermut pissutaasut.

Imm. 2. Taamatulli paasissutissiissutigineqassapput nammineq aningaasaatit sulliviup isumannaallisaanissamut pissarsiarisimasai.

Suliffeqarfiup pingaarnerpaatillugit ingerlatai

§ 76 a. Suliffeqarfiup pingaarnerpaatillugit suliat ingerlatai pillugit paasissutissiisummik tunniussisoqassaaq. Tak. § 77 naapertorlugi, suliffeqarfik aqutsineq pillugu nalunaarusiorsimappat, taakkunani allaaserineqartut aqutsisut nalunaarusiaannut ilanngunneqarsinaapput.

Aqutsisut nalunaarusiaat

§ 77. Suliffeqarfiup sulianut ingerlataanut aningaasaqarneranullu tunngasunik pingaarutilinnik allannguisoqarsimatillugu, allannguinernut taakkununnga nassuiaataasunik, ukiumoortumik naatsorsuutinik nalunaarusiamut tapertaasumik, aqutsisut nalunaarusiartik tapertaqartissavaat.

Immikkoortoq IV

Naatsorsuutit klassiat C

Kapitali 9

Ukiumoortumik nalunaarusiorneq

Nalinginnaasumik aalajangersakkat

§ 78. Suliffeqarfik, naatsorsuutit klassiani C-mi pineqartoq, ukiumoortumik nalunaarusiortassaaq, minnerpaamik aqutsisut nassuiaataannik atsiukkamik imaqartumik, oqimaaqatigiissitsinermik, angusat naatsorsuusiorneqarnerannik, isertitat aningaasartuutillu naatsorsuutaannik, nassuiaatinik, naatsorsuusiormi kiisalu nammineq aningaasaatini anisut isertullu naatsorneranni periaatsit atorneqartut nassuiaataat, kiisalu aqutsisut nalunaarusiaat. Ukiumoortumik nalunaarusiaq kukkunersiorneqareerpat, kukkunersiuinermi oqaaseqaasiussa atsiugaq nalunaarusiamut ilanngunneqartassaaq. §§ 11-17-imi malittarisassat saniatigut § 19, imm. 1 aamma 3, aamma § 20, imm. 2, atortuutinneqassapput. Aammattaaq §§ 23-76-imi aamma 79-101-imi malittarisassat atortuutinneqassapput. §§ 23-76-imi malittarisassat §§ 79-101-imi malittarisassanut akerliussappata §§ 79-101-imi malittarisassat pingaernerutillugit atuutsinneqassapput. Suliffeqarfik kissaateqarpat ukiumoortumik nalunaarusiaq nunat tamalaat naatsorsuusiordiaasiat malillugu saqqummiunneqassasoq, § 137 atorneqassaaq.

Imm. 2. Piginnittut suliffeqarfiup paasissutissiissutaasa ingerlatseqatigiiffissuup paasissutissiissutai assigiinnarpatigik piginnittut suliffeqarfik ukiumoortumik naatsorsuutimini aamma aqutsisuusut nalunaarusiaanni paasissutissiingitsoorsinnaavoq.

Imm. 3. Suliffeqarfik, naatsorsuutit klassianni A-mi imaluunniit B-mi pineqartoq, naatsorsuutit klassianni C-mi malittarisassat malillugit siullermeersumik ukiumoortumik nalunaarusiussaguni oqilisaassutinik makkuninnga atuisinnaavoq:

1) Aningaasartuutininik, taamaallaat sanaartukkatigut pigisanut imaluunniit kaaviiartitatut pigisanut toqqaannangitsumik tutsinneqarsinnaasunik, tak. § 82, ilanngussinerni suliffeqarfiup tamakku toqqaannangitsumik aningaasartuutit pigisanut ukiumit naatsorsuusiorkiusumiit sananeqartunut ilanngutiinnarsinnaassappagit.

2) Pigisanik takussaannangitsunik soorlu ineriartortitsiniutinik, tak § 63, ilanngussineq pisinnaavoq, pissutsit ukioq naatsorsuusiorkiusoq aallarnerfigalugu ilanngullugulu pinngortut kisimik ilanngunneqarlutik.

3) Tak. § 83 a. naapertorlugu, pigisanik nalilinnik, suliffeqarfiup nammineq piginnigisaanik nalunaarsuinerit, taamaallaat imatut pisinnaapput, ukiup naatsorsuuseriffiusup ataatsip iluani pilersitat kisimik ilanngunneqarsinnaatitaallutik.

4) Tak. § 83 b. naapertorlugu, nioqqutissioriaaseq malillugu naatsorsuutininut nalunaarsuinerit, taamaallaat imatut pisinnaapput, ukiup naatsorsuuseriffiusup ataatsip iluani pilersitat kisimik ilanngunneqarsinnaatitaallutik.

5) Ukiumoortumik naatsorsuutini allatanut, ilanngussisarnermi periaatsit aamma annertussusiliinermi tunngavigisat allannguuteqarnerannit sunniivigineqartussanut, tunngatillugu § 24 aamma § 101, imm. 1, nr. 2, malillugit kisitsit sanilliussissutissaq ukiumut ukioq naatsorsuusiorkiusoq sioqqullugu ingerlasunut tunngatillugu periaatsit maannamut atorneqartut malillugit naatsorsorneqarsinnaavoq.

Akissaateqarfimmi immikkoortiterineq inissitsiterinerlu

§ 79. Angusat naatsorsornerat ilanngussaq 2-mut, skema 5-imut imaluunniit 6-imut naapertuuttumik suliarineqassaaq.

§ 80. Sulliviup paasissutissiissutigissavai sulissuteqarnerit (sulissuteqarnerit naammassilersut) ataatsimut pilersaarusiaq naapertorlugu tunineqartussat, matuneqartussat imaluunniit taamaatiinnarneqartussat, tamakkua sulissuteqarnerniit allaniit immikkoortitaasinnaassappata. Tamatumani aamma sapinngisamik nalunaarniarneqartassapput sulissuteqarnerit naammassilersut aningaasartaat qanoq annertutigisut allatani, „Ilanngaattissat peereerlugit kaaviiartitat“, „Ukiumut angusat“, „Sanaartukkanit pigisat“ aamma „Pigisanit kaaviiartitat“, ilanngunneqarsimanersut, taamaattoq ilanngaattissat peereerlugit kaaviiartitanut tunngatillugu tak. § 81.

§ 81. Ilanngaattissat peereerlugit kaaviiartitat il. il. pillugit paasissutissiinnitsoornissaq pillugu § 32 atuutissanngilaq sullivinnut angisuunut. Tamakkua taamaattumik angusat naatsorsorneranni takutissavaat ilanngaattissat peereerlugit kaaviiartitat, ilanngullugit ilanngussaq 2-mi, skema 5-imi allatassatut naatsorsukkat nr. 2-5 imaluunniit ilanngussaq 2-mi, skema 6-imi allatassatut naatsorsukkat nr. 2-mi, 3-mi aamma 6-mi.

Kapitali 10

Naatsorsuutitut ilanngussisarneq annertussusiliisarnerlu

Oqimaaqatigiissitat

§ 82. Suliffeqarfiup sanaartukkatigut pigisat nalillit aamma pigisanit nalilinnit, tak. §§ 40 aamma 44, kaaviiartitanut inarneranni akiummik nalilerlugit ilanngutissavai aningaasartuutitut, tunisassiamut pineqartumut toqqaannartumik tutsinneqarsinnaasunut, aningaasartuutit taakku piffissamut piliorfiusumut tunngasuussappata.

§ 83. Suliffeqarfiup ilanngutissavai ineriartortitsiniutitut ingerlatat, tunisassiamik aalajangersumik ineriartortitsinissamik siunertallit imaluunniit sulliviup tunisassiornermi iliuuserinialersaagaa imaluunniit atornialersaagaa tunngavigalugu ingerlanneqartussat. Tamatumani aamma ilaapput patentit, akuersissutit allallu takussaannngitsutut pigisat, ineriartortitsiniummik ingerlataqarnerup nassatarisartagai.

§ 83 a. Pigisat nalillit suliffeqarfiup piginngisai, pigisanik nalilinnik piginnittusaatitaaffeqarneq pillugu apeqqummut attuumassutillit, suliffeqarfimmit ajunaarutaasinnaaneritut aamma iluanaarutaasinnaaneritut pingaarutillit tamarmik, suliffeqarfiup naatsorsuutaanut ilanngullugit nalunaarsorneqartassapput.

Naatsorsuutit inernerinik nalunaarusiaq

§ 83 b. Isumaqaqatigiissuteqarsimaneq naapertorlugi nunanit allaneersut aningaasalersugaannik suliffeqarfiup sanaartukkanik suliai imaluunniit kiffartuussilluni sullissinera, suliffeqarfimmi suleriaaseq iml. kiffartuusseriaaseq malillugu suliat inartiternerit aamma aningaasartuutigineqarneri isertitsissutaanerilu najoqqutaralugit naatsorsuutitut nalunaarsorneqartassapput.

§ 84. (Atorunnaarsinneqarpoq)

§ 85. (Atorunnaarsinneqarpoq)

Aningaasat ingerlaarnerisa nalunaarsornerat

§ 86. Isertut anisullu naatsorsorneranni isertutut anisutullu akilikkat piffissami akilerneqarfianni ilanngunneqassapput, ilanngussinerup angusat naatsorsorneranni imaluunniit oqimaaqatigiissitsinermi qaqugukkut pinera apeqputaatinngat.

Imm. 2. Isertut anisullu naatsorsornerat minnerpaatut takutissavai piffissap ingerlanerani isertut anisullu ingerlatsinermut, aningaasalersukkanut aammalu aningaasaliinikkullu sulissuteqarnernut ag-guakkatut. Aammattaq isertut anisullu naatsorsornerata immikkoortillugu takutissavaa ukiumi naatsorsuusiortifiusumi atoriaannartut aningaasaatini nikittoornerit aamma piffissap aallartinnerani naanerani atoriaannartut aningaasaatit.

Imm. 3. Ukiumi naatsorsuusiortifimmi siulianiittumi taakkunatulli allatat aningaasartaat taaneqassapput. Allatat ukiumi siulianiittumi allatanut sanilliuqqarsinnaanngippata kingullertut

taaneqartut naleqqussarneqassapput. Taamaattorli sulliviup kisitsit sanilliussissutissaq naleqqussanngitsoorsinnaavaa, sanilliussisinnaannginneq pissuteqassappat sulliviup sulissuteqarnerata allannguuteqarneranik. Isertut anisullu naatsorsorneranni allatat, ukiumi naatsorsuusiortiusumi aningaasartaqanngitsut, aatsaat ilanngunneqartassapput, ukiumoortumik nalunaarusiap siulia allatamik taama ittumik imaqarpat.

Imm. 4. Sullivik isertut anisullu pillugit nammineerluni naatsorsuinngitsoorsinnaavoq, ingerlatseqatigiiffissuarmut tunngatillugu isertut anisullu naatsorsorneranni ilaariissappata.

Kapitali 11

Paasissutissat

Nassuiaatit

Naatsorsuusiortnermi periaaseq atorneqartoq

§ 87. Paasissutissat § 53-imi piumasarineqartut saniatigut naatsorsuusiortnermi periaaseq atugaq pillugu nassuiaammi makku paasissutissiissutaasassapput:

- 1) Tunisassiornermi toqqaannanngitsumik aningaasartuutit, pigisat atasumik ilanngunneqartussanik ilanngussinermi periaatsit aamma annertussusiliinermi tunngavigisat.
- 2) Suliffeqarfinnut pigisanut (dattervirksomheder) aamma suliffeqarfinnut kattutanut (associerede virksomheder) aningaasaatinik piginneqataassutinik naatsorsuutitut nalunaarsuinermi periutsit aamma naatsorsuusiortnermi tunngavigisat paasissutigineqartassapput.
- 3) Isertut anisullu naatsorsorneranni ilanngussisarnermi periaatsit aamma annertussusiliinermi tunngavigisat, tamatumani aamma sulliviup atoriaannartut aningaasaatinut suut ilanngullugit naatsorsuussimanerai. Immikkut paasissutissiissutaasassaq, sulliviup isertut anisullu naatsorsornerat § 86, imm. 4, naapertorlugu suliarinngitsuussappagu.
- 4) Kisitsisunik najoqqutassanik naatsorsuinermi periaatsit, aqutsisuusut nalunaarusiaanni ilaatinneqartussat.

Nammineq aningaasaatinik piginneqataassutinik ingerlaartitsinerit

§ 87 a. § 56, imm. 4, tak. imm. 1, pkt. 2, naapertorlugu, suliffeqarfiup nammineq aningaasaatit piginneqataassutit tamakkiilluinnartumik inaarlugit nalunaarusiugassarai.

Pigisat nalillit

§ 88. Sanaartornermi atortuutit pigisat nalillit (anlægsaktiver) naatsorsuutini tamarmik immikkut nalunaarsorneqarnerini, (post) piigassat peereerlugit pigisat ataasiakkaat nalivii iml. akivii, pigisat nalinginik qaffaanerit kiisalu pigisat nalinginik appaanerit- aamma nalikilliliinerit imatut nalunaarsorlugit paasissutissiissutigineqartassapput:

- 1) Pigisap nalivia (kostpris) (akiligassat iml. piigassat peereerlugit):
 - a) Ukiup matuma siuliani, ukiup ukiumoortumik naatsorsuuseriffiusup naalernerani qaffaanani-, appaanani- nalikilliliinaniluunniit pigisat naliviisa nalunaarsorneqarneri,
 - b) ukiup ingerlanerani allanik pisaartorneq, matumani pitsanngorsaanerit ilanngullugit,
 - c) ukiup ingerlanerani atorunnaarsitat nalunaarsorneqarnerat
 - d) naatsorsuutini aningaasaatit nalunaarsukkat ukiup ingerlanerani allanut nuutat aamma
 - e) piffissami naatsorsuutininik naligiissitsivimmi pigisat tamarmik naliviisa katinnerat.
- 2) Pigisat naliinik qaffaanerit:
 - a) Ukiup siuliani ukiumoortumik naatsorsuuseriffiusup naalernerani pigisat naliinik qaffaanerit,
 - b) ukiumi matumani pigisat naliinik qaffaanerit nalunaarsorneqarnerat,
 - c) ukiut siuliini pigisat naliinik qaffaatigisimasaniit ukiumi matumani utertoortit aamma

- d) naatsorsuutit inaarlugit oqimaaqatigiissitsinermi pigisat naliinik qaffaatit katinnerat.
- 3) Pigisat naliinik appartitsinerit- aamma nalikilliliinerit:
- a) Ukiup siuliani, ukiup ukiumoortumik naatsorsuuseriffiusup naalernerani pigisat naliinik appartitsinerit- aamma nalikilliliinerit,
 - b) ukiumi matumani pigisat naliinik appartitsinerit nalunaarsorneqarnerat,
 - c) ukiumi matumani pigisanik nalikilliliinerit nalunaarsorneqarnerat,
 - d) ukiumi matumani pigisat nalillit pisiaritissimasat atorunnaarsitallu naliinik appaasimanerit- aamma nalikilliliisimanerit nalunaarsorneqarneri,
 - e) ukiumi matumani pigisat naliinik appartitsinerit kiisalu ukiup ingerlanerani pigisat nalillit pisiaritit imaluunniit atorunnaarsitat nalinginik appartitserisimanerit- nalikilliliisimanerillu katillutik nalinginik ukiut siuliiniit utertitat nalunaarsorneqarneri, aamma
 - f) piffissami naatsorsuutit inaarlugit oqimaaqatigiissitsiviup nalaani pigisat nalillit naliinik nalikilliliinerit- appaanerillu katinnerinik nalunaarsukkat.

Imm. 2. Imm. 1 naapertorlugu, sanaartornermi atortuutit pigisat nalillit nalunaarsorsimaffiini aningaasaatit inississimasat tamarmik immikkut, tak. § 38 naapertorlugu ingerlaavartumik nalimassaavigineqartartut, pisariaqartitat naapertorlugit naleqqussarlugit atorineqartassapput.

§ 89. Tak. § 27, imm. 1 naapertorlugu, naatsorsuutit oqimaaqatigiissinneqarneranni pigisatut nalillit ilanngunneqartut, aningaasaatit piffissami aalajangersimasumi killilikkatut nalunaarsorneqartut, suliffeqarfiup nassuiaateqarfisassarai.

Imm. 2. Nioqqutissat uninngasuutit nalingat tikisitseqqinnermi naliusumut naleqqiullugu, nioqqusiap inaarnerani akiusumiit §§ 44-mut, 45-mut aamma 82-imut naapertuuttumik, naatsorsukkamiit allaaneruppat, suliffeqarfimmit aningaasat nikingassutaasut tamaasa immikkut paasissutissiisutigineqassapput.

§ 90. (Kalaallit Nunaannut atulersinneqassanngilaq).

§ 90 a. Pigisat nalillit suliffeqarfiup piginngisai sorliit ilanngullugit naatsorsuutitut nalunaarsorneqarsimanersut, aamma tak. § 83 a. naapertorlugu, qanoq nalilersorlugit nalunaarsorneqarsimanersut paasissutissiisutigisallugit suliffeqarfiup pisussaaffigaa.

§ 90 b. Suliffeqarfiup pigisat nalillit pigisarilersinnaasaasa nalingat suunerilu pillugit paasissutissat suliffeqarfissuarnit angisuunit paasissutissiisutigineqartassapput.

Pisussaaffiit

§ 91. Sulliviup nassuiassavai

- 1) piffissanik killiliissutitut inissitat, oqimaaqatigiissitsinermi pisussaaffittut ilanngunneqartut, tak. § 27, imm. 2, aamma
- 2) pisussaaffiit kinguartitat, tak. § 47.

§ 92. Akiitsutigut pisussaaffiit ataanni inissitanut tamanut immikkut tunngatillugu akiitsut ilaat piffissap oqimaaqatigiissitsiviusup ukiunik tallimanik sinnerlugit amerlassusilinnik qaangiunneratigut akiligassanngortussat paasissutissiisutigineqassapput.

§ 93. Sullivik akiitsut allagartaannik allamut nuunneqarsinnaasumik tunniussaqaarnikkut taarsigassarsisimappat, taarsigassarsianut tamanut immikkut tunngatillugu aningaasanit pisassat, taarsiinermi naliusooq aamma aningaasaliisutitut taarsiinissami piffissaliusaaq nalunaarneqassapput. Obligationiliornikkut imaluunniit akiitsut allagartaannik allanik tunniussaqaarnikkut erniaannik, annertussusaat tamakkiisumik ilaannakuusumilluunniit aalajangiivigineqartussanik sulliviup nalunaarutigisaatut iluanaarutisianik, imaluunniit ukiumut sinneqartoorutinik, pisassaqaatitalittut taarsigassarsisoqarpat, taarsigassarsianut tamanut immikkut

tunngatillugu aningaasanit pisassat kiisalu isumaqatigiissutigisatut ernialiussassat nalunaarneqassapput.

Imm. 2. Akiligassaqarfigisaq nalunaarsimappat sulliviup akiligassaqarfigisaanut allanut sullivimmi aningaasatigut pisassaasa matusiviginissaat siunertaralugu iluaqusiisussamik tunuaannarniarluni, pisussaaffiit tunuarnermi pineqartut tamaasa immikkut pillugit aningaasanit pisassat, piffissaq akilerneqarfissaat immaqalu tunuarnissamat tunngatillugu immikkut ittumik aalajangersagaajunnartut paasissutissiissutaassapput.

Pisussaaffiulersinnaasut

§ 94. Suliffeqarfik qularnaveeqqusiisimaguni allatulluunniit pigisani isumannaallisaasiisimaguni qularnaveeqqusiunneqartut annertussusiat aammalu pigisat qularnaveeqqusiussat naatsorsuutitigut nalingat nalunaassavai, allatat ataasiakkaat immikkuutaarlugit.

Angusat naatsorsornerat

§ 95. Suliffeqarfiup nassuiassavai

1) immikkut ittumik isertitat aningaasartuutillu, tak. § 30, aamma

2) isertitat aningaasartuutillu, naatsorsuutitigut missingersuinerup allannguuteqarneraneersut, tak. § 52.

§ 96. Suliffeqarfissuup angisuup ilanngaateqareerluni kaaviiartitami agguarneri niuernerup ilaannut nunallu agguarnerata ilaannut tunngasut allassavai, niuernerup ilai nunallu agguarnerata ilaannit imminnut assigiinngisitaarpata. Taamatut agguaanermi tunisassiat sullissinerillu, sulliviup nalinginnarmik ingerlatsineranut ilaasut, tuniniarneri qanoq ilillugit aqqissuunneqarnerisut isiginiarneqassaaq. Suliffeqarfimmut annertuumik ajoqusiinermik kinguneqartitsinnaappata, nalunaarsuinissaraluit pinngitsoorneqarsinnaapput. Allannigitsuineq tunngavilersorneqassaaq. § 11, imm. 2 paasissutissanut oqaaseqatigiit pingajuat malillugu pinngitsoortitanut atuutinngilaq.

Imm. 2. Sulliviup angisuup nalunaassavai kukkunersiuisoqarfimmut, inatsisit pinngitsoorani kukkunersiuisussaasumut, kiisalu kukkunersiuisarfiup pigisatut ingerlataanut ukiumi naatsorsuusiorfimmi aningaasarsiarititat tamarmiusut. Aammattaaq nalunaarneqassapput aningaasarsiat ilaat qanoq annertutigisut allanut kukkunersiuiunerunngitsunut tunngasutut akiliutaasimanersut. Ani-ngaasanut oqaaseqatigiinni siullerni eqqartorneqartunut tunngatillugu nalunaarneqassapput ukiumi naatsorsuusiorfimmi siuliani aningaasat pineqartunut atorsimasat.

Qanittorisatut peqataasut il. il.

§ 97. Sulliviup immikkoortutut nalunaassavai pigisatut sulliviusinnaasut pillugit isumannaallisaa-nerit tamarmiusut, tak. § 94, aammalu sullivinnut attuumassuteqarfigiunnakkanut allanut tunngatillugu isumannaallisaa-nerit tamarmiusut.

§ 98. Sullivik sullivimmi aningaasaliissutit, pigisatut sullivinnut pigisassatut imaluunniit isumannaallisaatit aningaasaliissutaasut, imaluunniit pigisatut sullivinnit ukiumi naatsorsuusiorfiusumi pissarsiaasimasut tunineqarsimasulluunniit, pillugit § 76 malillugu paasissutissiissaaq.

§ 98 a. Sulliviup sulisuminut aningaasartuutai akissaatini, utoqqalinersiassani aningaasartuutaasullu allat sulisut inuttut ataqatigiinnissaannut tunngasut, tamanna naatsorsuutinik inaarnermi takussutissinneqareersimappat. Ukiup siuliani naatsorsuusiorfiusumi paasissutissat, aningaasartuutit angissusii tassungalu assingusut paasissutissat allat nalunaarsorneqarsimassapput.

§ 98 b. Suliffeqarfimmut maannakkut aqutseqataasunut aqutseqataasimasunullu, aqutsinerup immikkoortitigaanerinit ataasiakkaanut tamanut agguassamik atuuffiit kiisalu suliffeqarfimmik aqutsisussanik toqqaasoqarsimangippat, suliffeqarfiup piginnittuut il.il., ukiup naatsorsuorsiorfiusup iluani tamakkiisumik akissarsiaritineqartut tamarmik katinneri, suliffeqarfiup ukiumoortumik naatsorsuutimini nalunaarsorsimassavai. Suliffeqarfiuttaaq inunnut pineqartunut soraarnerussutisiassaritineqartussanut tunngatillugu, suliffeqarfiup tamakkiisumik pisussaaffii, naatsorsuutimini nalunaarsorsimassavai. Aqutseqataasunut kajumissaataasinnaasunik pilersaarutini immikkut aalajangersaasoqarsimappat, pilersaarutit taakku aqutseqataasunut sorlernut atuutissanersut, aningaasat akiliutit pilersaarutit sorlernut atuunnersut, kiisalu taakkua nalingata nalilersorsinnaanissaannut suut pisariaqarnersut paasissutissiissutigineqartassapput.

Imm. 2. Paasissutissat aningaasaliissutillu taaneqareersut assingi ukiup naatsorsuorsiorfiusup siulianeersut ilanngullugit nalunaarsorneqassapput.

Imm. 3. Imm. 1 malillugu paasissutissat aqutsisuni ilaasortamut ataatsimut aningaasatigut takussutissiisoqarnissaanik kinguneqartitsissappata, tamatumunnga taarsiullugu aningaasat

- 1) ataatsimut katillugit assigiinngitsunut marlunnut nalunaarsorneqarsinaapput imaluunniit
- 2) aqutseqataasunut kajumissaataasinnaasutut pilersaarummut immikkut ittumut imaluunniit utoqqalinersiassanut assigisaanulluunniit tunngatillugu ajungitsorsiasaqartitseriaaseq ataasiinnaappat, naatsorsuutit nalunaarsunngitsorneqarsinnaatitaavoq.

§ 98 c. Suliffeqarfiup qanimut suleqatigisai aningaasanik nuussivigineqarsimasut, tak. Ilanngussaq 1, A, nr. 4 naapertorlugu, suliffeqarfiup nalunaarsugassarai, tassunga ilaapput suut tunngavigalugit suliffeqarfiup qanimut suleqatiginerai. Taamaattorli tamanna suliffeqarfimmut pigisanut atuuttassanngilaq, imaassimagaangat;

1) suliffeqarfiup pigisap naatsorsuutai tamakkiisumik patajaallisagaasimappata, pissutsinut atuuttunut atukkanut naleqqussarlugit patajaallisagaasimappata imaluunniit naatsorsuuserinermi akiligassat, piigassat peereerlugit naatsorsuutit inernivii, suliffeqarfissuup (koncernip) ukiumoortumik naatsorsuutaanut ilanngullugit nalunaarsugaasimappata, taakkualu suliffeqarfimmit piginnittumit (modervirksomhed) saqqummiunneqarsimappata imaluunniit tassunga taarsiullugu suliffeqarfissuarmut, suliffeqarfiup piginnittuisa ilaannit saqqummiunneqarsimappata,

2) suliffeqarfissuaq piginnittoq nr. 1 naapertorlugu, suliffeqarfissuup naatsorsuutaanik saqqummiisoq, nunami maani imaluunniit nunami allami EU-mut ilaasortaasumi imaluunniit nunami EØS-mut ilaasortaasumi angerlarsimaffeqartutut nalunaarsorsimappat,

3) suliffeqarfissuup (koncern) naatsorsuutai nr. 1-mi pineqartut, inatsimmi matumani malittarisassat naapertorlugit suliarineqarsimappata, imaluunniit suliffeqarfissuaq piginnittoq (modervirksomhed), suliffeqarfissuup (koncern) ukiumoortumik naatsorsuutaanik saqqummiisoq, nunami allameersuuppat, Siunnersuisoqatigiit maleruaqqusaanni malittarisassat (Rådets direktiv) 83/349/EØF kingusinnerusukkullu allannguutai naapertorlugit tak. ilanngussaq 3, takkua malillugit kukkunersiorneqarlutillu pisortatigoortumik saqqummiunneqarsimappata aamma,

4) Suliffeqarfissuaq (modervirksomhed) nr. 1 naapertorlugu, suliffeqarfissuup (koncern) ukiumoortumik naatsorsuutaanik saqqummiisutut qulaani pineqartoq, suliffeqarfimmut pigisamut (dattervirksomhed) aningaasaatit piginneqataassutit tamaasa toqqaannartumik imaluunniit toqqaannanngitsumik suliffeqarfissuarmut (modervirksomhed) pigineqarpata.

Imm. 2. Paasissutissat imm. 1, pkt. 1-mi pineqartut, suliffeqarfissuup piginnittup (modervirksomhed) ukiumoortumik naatsorsuutaanut ilanngutinngitsoorneqarsinnaapput imaassimappat, suliffeqarfimmut pigisanut tamakkiisumik aningaasatigut patajaallisarsimasunut imaluunniit suliffeqarfimmut inatsimmi § 124 naapertorlugu, pissutsinut atuuttunut atukkanut naleqqussaannikkut aningaasaqarnikkut patajaallisakkanut tunngatillugu, suliffeqarfissuup piginnittup niuerneranut aningaasanik nuussinerit attuumassuteqarsimappata.

Imm. 3. Paasissutissat imm. 1, pkt. 1-mi taaneqartut saniatigut, inuit qanimut suleqatigisat, suliffeqarfiup ingerlanneqarneranut pingaarutilimmik sunniuteqarlutik inissisimasut pillugit paasissutissat, suliffeqarfiup pineqartup paasissutissiissutigisassarai. Paasissutissani pineqartuni

makkua paasissutissiissutigineqassapput; ateq, najugaq, susliffeqarfiup angerlarsimaffia, suliffeqarfimmut pingaarutilimmik inissisimaffeqarnermut tunngavilersuutit.

Aqutsisuusut nalunaarusiaat

§ 99. Aqutsisut nassuiaataanni

- 1) suliffeqarfiup pingaarnerutillugit ingerlatai nassuiaatigineqassapput,
- 2) naatsorsuutitut nalunaarsuinermi imaluunniit naatsorsuinermi annertussusiliinissamut tunngatillugu nalornissutaasimasinnaasunik nassuiaatit, sapinngisamillu aningaasat nalunaarsukkat amerlassusii eqqoqqissaartut nassuiaatigineqassapput,
- 3) pissutsit immikkut ittut, naatsorsuutitut nalunarsuinermit imaluunniit naatsorsuinermit, sapinngisamik aningaasat annertussusaannik eqqoqqissaartunik nalunaarsugassanut sunniuteqarsinnaasut nassuiaatigineqassapput,
- 4) suliffeqarfiup sulianut ingerlataanut aningaasaqarnikkullu ineriartorfiuneranut pissutsinut atuuttunut tunngasut pillugit paasissutissat nassuiaatit,
- 5) ukiumoortumik naatsorsuutit pillugit nalunaarusioreernerup kingornatigut pisimasut pingaarutillit pillugit nassuiaatit,
- 6) suliffeqarfiup ineriartorfigisassaataat ilimagisat pillugit nassuiaatit, tassunga pissutsit immikkut ittumik piginnaasaqarfigisariaqakkat nalorninartullu pillugit, aqutsisut nassuiaateqarnerminni tunngavilersuutaat ilanngullugit.
- 7) suliffeqarfiup siunissami aningaasanik isertitaqarniarneranut tunngatillugu immikkut ittumik pingaaruteqarsimappata, suliffeqarfiup ilisimasalinnik sulissoqarniarnera pillugu nassuiaat,
- 8) inuussutissarsiummi aalajangersimasumi suliffeqarfiup ingerlataata iluani nalinginnaasumik ajunaarutaaratarsinnaasut saniatigut, pissutsit immikkorluinnaq ittut suliffeqarfimmut navianartorsiortitsisinnaasut pillugit, aqutsisut nassuiaataat, tassunga ilanngullugit pissutsit niuernermit aningaasarsiornermullu tunngasut, suliffeqarfimmut sunniuteqarnerloratarsinnaasut,
- 9) avatangiisit suliffeqarfimmut avataaniit sunniuteqarnerlussinnaasut pillugit aamma pinaveersaartinniarlugit, annikillisarniarlugit imaluunniit ajoqusiisinaanerit annikillisarniarlugit, suliffeqarfimmi aqutsisut nassuiaataat,
- 10) suliffeqarfimmi imaluunniit suliffeqarfik sullillugu ilisimatusarnikkut- ineriartortitsinikkullu suliniutigineqartut pillugit aqutsisut nassuiaataat, aamma
- 11) nunani allani immikkoortortaqarfiit pillugit aqutsisut nassuiaataat.

Imm. 2. Pisariaqarnera naapertorlugu suliffeqarfiup ineriartornera, angusai aningaasalersuinikkullu inissisimanera pillugit paasinninnissaq pillugu, ingerlatseqatigiiffiit angisuut ilaatigut imm. 1, nr. 4-mi pissutsinik nassuiaataannut tapertaliullugu aammattaaq paasissutissanik aningaasaqarnermut tunnganngitsunik, taamaattorli suliffeqarfimmi suliat ingerlatat immikkut ittut pillugit paasissutissanut tunngasut ilannguttassavaat, matumani pissutsit avatangiisinut sulisunullu tunngasut pillugit paasissutissat ilanngullugit.

§ 100. Aqutsisuusut nalunaarusiaani allaaserineqassapput ukiumoortumik nalunaarusiatut kingulermik saqqummiussaq naapertorlugu ingerlaasissatut ilimagisamut sanilliullugu ukiumoortumik angusat aammalu tamatumunnga naleqqiullugu angusatigut allaassutitut pissutaasut.

§ 101. Aqutsisuusut nalunaarusiaat imaqassaaq makku pillugit nalunaarsuummik

- 1) ilanngaattissat peereerlugit ukiumoortumik kaaviiaartitat, pisarnertut ingerlatsinermit angusat, aningaasanut tunngassutilittut allatanit angusat, immikkut ittumik allatanit angusat, ukiumoortumik angusat, oqimaaqatigiissitat katinnerat, sanaartukkanik pigisani atortunut aningaasalersuinerit, nammineq aningaasaatit aamma kisitsisit najoqqutassat, sullivimmi pissutsit malillugit pinngitsoorneqarsinnaanngitsut, aamma
- 2) kisitsisit nr. 1-imi taaneqartut ukiumut naatsorsuusiortarfimmut qaangiuttumut tunngasut.

Imm. 2. Imm. 1 malillugu nalunaarsuusiamut § 24, imm. 1, oqaaseqatigiit aappaanni pingajuinilu, aamma § 55, imm. 1-imi 2-milu aalajangersakkat taamatulli atortuutinneqassapput. Sullivinnut

akunnattumik angissusilinnut tunngatillugu § 32 atortuutinneqassaaq imm. 1, nr. 1-imi ilanngaatissat peereerlugit kaaviiartitanut tunngatillugu.

Imm. 3. Imm. 2-mi taaneqartut apeqqutaatinnagit ingerlatseqatigiiffik akunnattumik angissusilik imm. 1 malillugu takussutissiami kisitsisit naleqqiussissutit ukiut naatsorsuusiortifiusut siuliisa aappaanniit sisamaannut naleqqussanngitsoorsinnaavai, sullivik naatsorsuusiortiaatsiminik allannguisimappat. Taamaaliortoqassappat tamatuminnnga paasissutissiisoqassaaq takussutissiamut atasumik pingaartinnerutitamik eqqartorlugu naatsorsuusiortiaatsip allanngortinnerata kisitsisinut naleqqiussissutinut qanoq ililluni sunniuteqartussaana.

Imm. 4. Suliffeqarfissuup (koncern-ip), suliffeqarfinnik piginnittutut inissisimasup, ukiumoortumik naatsorsuutit pillugit malittarisassani imm. 1 naapertorlugu, suliffeqarfissuup ukiumoortumik naatsorsuutiminik saqqummiinnerminut atatillugu naatsorsuutitut nalunaarsuut ilanngussimappagu, nalunaarsuut imm. 1-mi taaneqartoq taanna, suliffeqarfissuup (koncernip) ukiumoortumik naatsorsuutiminik saqqummiinnerminut atatillugu saqqummiutinngitsoorneqarsinnaatitaavaa.

Immikkoortoq V

Naatsorsuutit klassiat D

Kapitali 12

Ukiumoortumik nalunaarusiorneq

Nalinginnaasumik aalajangersakkat

§ 102. Suliffeqarfik, naatsorsuutit klassianni D-mi pineqartoq, ukiumoortumik nalunaarusiussaaq, minnerpaamik tassaasumik aqutsisut atsiornerat, oqimaaqatigiissitsineq, angusat naatsorsornerat, ani-ngaasat isertut anisullu naatsorsornerat, nassuiaatit, tamatumani aamma naatsorsuusiornermi periaaseq atorpeqartoq aammalu nammineq aningaasaatini isertut anisullu naatsorsornerat, kiisalu aqutsisut nalunaarusiaat. Ukiumoortumik nalunaarusiaq kukkunersiorneqareerpat, kukkunersiuineq pillugu oqaaseqaat taassumunnga ilanngunneqassaaq. §§ 11-17-mi, § 19, imm. 1-mi aamma 3-mi, § 20, imm. 2-mi, aamma §§ 23-76-mi, 79-101-mi aamma 103-108-mi maleruagassat atorpeqassapput. tamaattoq tak. § 137. §§ 23-76-mi maleruagassat §§ 79-101-mi maleruagassanut illuatungiliutissagaluarpata, §§ 79-101-mi maleruagassat salliutitaassapput. §§ 23-76-mi 79-101-miluunniit maleruagassat §§ 103-108-mi maleruagassanut illuatungiliutissagaluarpata, §§ 103-108-mi maleruagassat salliutitaassapput. Taamaattorli §§ 79-101-mi malittarisassat imarisaanni suliffeqarfinnut akunnattunik angissusilinnut aamma suliffeqarfissuarnut angisuunut piumasaaqatiniq assigiinngitsunik piumasaaqatitaqaraluartut, suliffeqarfiup naatsorsuutai, naatsorsuutit klassiani D-mit ilanngullugit pineqarpata, suliffeqarfiup angissusaa apeqqutaatinnagu, suliffeqarfissuarnut angisuunut malittarisassat, suliffeqarfiup pinngitsoorani malitassarai.

Imm. 2. Piginnittutut sulliviup paasissutissiissutaasa ingerlatseqatigiiffissuup paasissutissiissutai assigissappatigik, piginnittutut sullivik ukiumoortumik naatsorsuutimini aamma aqutsisuusut nalunaarusiaanni paasissutissiinnngitsoorsinnaavoq.

Akissaateqarfimmi immikkoortiterineq inissitsiterinerlu

§ 103. Suliffeqarfiup angissusaa apeqqutaatinnagu angusanik naatsorsukkat takutissavaat ilanngaatissat peereerlugit kaaviiartitat ilanngullugit ilanngusaaq 2-mi, skema 5-imi, allatassatut

naatsorsukkat nr. 2-5, imaluunniit ilanngussaq 2-mi, skema 6-imi, allatassatut naatsorsukkat nr. 2-mi, 3-mi aamma 6-mi.

Paasissutissat

§ 104. Aqqit tamaasa najukkallu suliffeqarfiup paasissutissiissutigisassavai, suliffeqarfimmullu tunngatillugu suliffeqarfiup sumi angerlarsimaffeqarnera, kiisalu kikkulluunniit suliffeqarfimmi aktiaateqartut tamaasa, qanoq annertutigisumik aktianik pigisaqarnersut taasisinnaatitaanersullu, aktienillu pigisaqarneq tunngavigalugu taasisinnaatitaasoqarpat, aktiat piginneqataassutit (aktiekapitalip) katilluni tamarmiusup 5 pct.-nik ikinnerpaamik amerlassusilinnik taasisinnaanermut tunngavigineqartunik aktiaateqartoqarpat imaluunniit aktiat piginneqataassutit (aktiekapitalip) katilluni tamarmiusup aningaasanngorlugu nalingata, aktiat pigisat ikinnerpaamik 5 pct.-nik nalilinnik aktiaateqartoqarpat, taamaattorli ikinnerpaamik 100.000 kr.-nik nalilinnik aktiaateqartoqarpat, taakkua tamarmik eqqoqqissaartumik paasissutissiissutigineqartassapput.

§ 105. Piginnittutut sulliviit, pigisatut sulliviit ukiumoortumik nalunaarusiaat tamarmik piginnittutut sulliviup kukkuneruisuisa ilaannit minnerpaamik ataatsimit, kukkuneruisusut taakkua nunani allani suleqatigisaasa ilaannit ataatsimit imaluunniit kukkuneruisarfimmit nunani allani akuerisamit, kukkunerisiorneqartannigpata tamanna nalunaassavaat.

§ 106. § 98 b, imm. 3, apeqqutaatinnagu sulliviup paasissutissiissutigisavai aqutsisuusuni ilaasunut akissarsiarititat il. il. § 98 b, imm. 1-imi aamma 2-mi eqqartorneqartut.

§ 106 a. § 96, imm. 1-mi paasissutissat saniatigut sullivik niuernermi ilaatitanut imaluunniit nunap agguarnerani susassarizat ilaannut immikkoortitikkani takussutissiissaaq, niuernermi ilaatitat taamatullu nunap agguarnerani susassarizat ilai imminnit assigiinnngissuteqarpata, ukunannga

- 1) aningaasalersuinikkut isertitat aningaasartuutillu sioqqullugit nalinginnaasumik angusanit,
- 2) pigisat nalillit, sulliviup sullissinerani pingaarnerusumik kaaviiartitaqalersitsinermik pilersitsisuusuni, atorneqartut katinnerannit, aamma
- 3) pisussaaffiit, sulliviup sullissinerani pingaarnerusumik kaaviiartitaqalersitsinermik pilersitsisuusuni, pinngortut katinnerannit.

Imm. 2. Imm. 1-mi immikkoortitikkat ilaatitatut angissutsit marluk, niuernermi imaluunniit nunap agguarnerani susassaqrarfiit, arlaat sullivimmi nammineq aaqqissuusaaneranut aqutsisoqarneranullu ilusilersornerani aamma nammineq ilumini aningaasarsiornermik nalunaarusiornikkut aaqqissuusaaneranik siulersuisunut qulliusutullu aqutsisuinut pingaarnerutitaq takutinneqassaaq.

Imm. 3. Sullivik, ingerlatseqatigiiffissuarmi ingerlatseqatigiiffittut piginnittutut inissisimasoq, ukiumoortumik naatsorsuutimini paasissutissat imm. 1-mi 2-milu taaneqartut takutinngitsoorsinnaavai, sullivik ingerlatseqatigiiffissuurtut naatsorsuusianik saqqummiussippat, imm. 1 aamma 2 malillugit susassaqrarfinni ilaatitatut paasissutissanik takutitsiffiusuni.

Aqutsisuut nalunaarusiaat

§ 107. Kalaallit imaluunniit qallunaat aktiaateqarluni ingerlatseqatigiiffiini allani suliffeqarfimmi siulersuisunut pisortaqrarfimmilu ilaasortanik inuttaqartitani, aqutsisutut suliaassarititaasut paasissutissiissutigineqassapput, taamaallaat suliffeqarfiup nammineq 100 pct.-imik suliffeqarfimmi pigisaani aqutsisutut suliaassarititaasut kisiisa pinnagit. Aqutsisuni ilaasortaq pineqartoq kalaallit qallunaalluunniit piginnittutut ingerlatseqatigiiffianni allami, taassumalu pigisatut ingerlatseqatigiiffiani ataatsimi arlalinniluunniit kalaallinit qallunaanilluunniit 100 pct.-mik pigineqartumi ilaasortaaguni, oqaaseqatigiit siulliit apeqqutaatinnagit ingerlatseqatigiiffiup taassuma aqqata aamma taassuma pigisatut ingerlatseqatigiiffii, inuup pineqartup aqutsisuinut ilaasortaaffiani, qassiunersut nalunaarutiginnissaa naammappoq.

Imm. 2. Ukiup ingerlanerani ingerlaasissatut ilimagisat pillugit paasissutissat tamanut saqqummiunneqareersimappata, § 100 malillugu paasissutissat kingullermik tamanut saqqummiussatut nassuiaammut naleqqiullugu paasissutissiissutaassapput.

§ 107 a. Ingerlatseqatigiiffik børsimi nalunaarsorneqarsimasoq, piginneqataassummik aktieklassimik ataatsimik arlalinnilluunniit taasisinnaanermut piginnaatsitsissutitaqartinneqartunik pigisalik nalunaarsukkatullu akuerisaasimasoq imaluunniit fondbørsimi niuerutaasinnaasutut akuerisaasoq, aningaasanilluunniit niuerfiusinnaasutut akuerisaasumi tassungaluunniit assingusumi niuerfimmi, nunami EU/EØS-mut ilaasortaasumi nalunaarsorsimasulluni ingerlatseqatigiiffiup niuersinnaatitaasup aqutsisuisa, aqutsisutut nalunaarusiartik pissutsinik ingerlatseqatigiiffimmut tunngasunik paasiuminarsaataallunilu ersarissaataasunik paasissutissanik ilaqartissatassavaat, ingerlatseqatigiiffiup aktiaataanik kiffaanngissuseqarluni kaaviiartitaqarluarnissaq siunertaralugu. Makkua ilanngullugit paasissutissiissutigineqartassapput:

- 1) Paasissutissat ingerlatseqatigiiffiup aningaasatigut aqqissugaaneranut piginnittoqarneranullu tunngasut, tassunga ilaapput;
 - a) aktiat taasisinnaatitaanermut piginnaatitsissutitalit amerlassusaat naleqassusaallu allasimasoq,
 - b) nunami EU/EØS-mut ilaasortaasumi børsimi imaluunniit fondbørsimi niuerutaasinnaasutut akuerisaanngitsut, aningaasanilluunniit niuerfiusinnaasutut akuerisaasumi tassungaluunniit assingusumi niuerfimmi niuerutaasinnaasutut nalunaarsorneqarsimanngitsut, aktiat taasisinnaatitaanermut piginnaatitsissutitalinnut piginneqataassutit amerlassusaat,
 - c) § 75, imm. 1 naapertorlugu ingerlatseqatigiiffik immikkoortitaarlugit nalunaarsorsimasunik aktieklassinik assigiinngitsunik arlalinnik aktiaateqarsimappat, aktieklassiaatinut assigiinngitsunut immikkoortunut nalunaarsuiffiit pillugit paasissutissat, aamma
 - d) § 104 –mi taaneqartutuut, kikkut piginnittuunersut qassinillu taasisinnaatitaanersut il.il., pillugit paasissutissat.
- 2) Paasissutissat, ingerlatseqatigiiffimmit ilisimaneqartut, makkua;
 - a) piginnaatitaaffiit pisussaataitaaffiillu aktiaklassinut ataasiakkaanut tamanut pituttorsimasut,
 - b) aktiaatit killilimmik tuniuminassuseqarsinnaanerat pillugu aamma
 - c) taasisinnaatitaalluuni piginnaatitaaffiup killissaqarsinnaanera.
- 3) Ingerlatseqatigiiffiup siulersuisuinut ilaasortanik toqqaanermi aamma taarsiinermi aamma ingerlatseqatigiiffiup ileqqoreqqusalianik malittarisassaanik allannguinermi malittarisassat.
- 4) Siulersuisut pisinnaatitaaffii, matumani pingaartumik aktianik tuniniagassanik atuutilersitsinermut tunngatillugu, tak., ingerlatseqatigiiffiit aktieselskabit pillugit inatsimmi, Kunngip peqqussutaatigut Kalaallit Nunaannut atortussanngortinneqartumi, § 37, imm. 1 naapertorlugu, imaluunniit aktieselskabit pillugit inatsimmi, Kunngip peqqussutaatigut Kalaallit Nunaannut atortussanngortinneqartumi, § 48 naapertorlugu, nammineq aktiaatinik pisinnaatitaaneq.
- 5) Neqeroorfigineqarnikkut isumaqatigiissuteqarneq tunngavigalugu ingerlatseqatigiiffiup pisarineqarnera imaluunniit pisinera piviusunngortinneqarpat, tamatumalu kingunerisaanik ingerlatseqatigiiffiup nakkutigisaasumik aquneqarnera allannguuteqartinneqassappat, ingerlatseqatigiiffiup isumaqatigiissusiarisimasaasa pingaarutillit atortuulersinneqarsimanerat, allannguutaat imaluunniit piffissarititaasup qaangiunnera, kiisalu taakkua kingunerisa sunniutaat paasissutissiissutigineqartassapput. Taamaattorli inatsimmik allamik tunngaveqarluni ingerlatseqatigiiffik paasissutissanik taamaattunik ingerlatitseqqinnissaminut erseqqissumik pisussaaffiligaasimannikkaangat, paasissutissanik taamaattunik pisortatigoortumik avammut taamatut saqqummiussineq ingerlatseqatigiiffimmut annertuumik ajoquseeratarsinnaagaangat, pkt. 1 naapertorlugu, ingerlatseqatigiiffik paasissutissanik saqqummiinngitsoorsinnaatitaavoq. Paasissutissanik saqqumminngitsoorneq, pkt. 2 naapertorlugu ilisimatitsissutigineqartassaaq.
- 6) Neqeroorfigineqarnikkut isumaqatigiissuteqarneq tunngavigalugu ingerlatseqatigiiffiup pisarineqarnera imaluunniit pisinera piviusunngortinneqarpat tamatumala kingunerisaanik aqutsisut imaluunniit sulisut atorfiinik atorunnaarsitsisoqarpat imaluunniit

tungavissaqanngitsumik soraarsitsisoqarpat imaluunniit nammineerluni soraartoqarpat, ingerlatseqatigiiffiup aqutsisullu akornanni imaluunniit ingerlatseqatigiiffiup sulisullu akornanni isumaqatigiissut tungavigalugu taarsiisoqarpat, taakkua paasissutissiissutigineqartassapput.

Imm. 2. Ingerlatseqatigiiffiit imm. 1-mit pineqartut, § 75, imm. 1 naapertorlugu aamma § 104 naapertorlugu paasissutissanik nalunaarsorsimasaminnik saqqummiinngitsoorsinnaatitaapput.

Ingerlatseqatigiiffiit Aktieselskabit naalagaaffimmit pigineqartut pillugit malittarisassat immikkut ittut

§ 108. Aktieselskabit pillugit inatsimmi, Kunngip peqqussutaatigut Kalaallit Nunaannut atortussanngortinneqartumi, tak. § 2a, imm.2 naapertorlugu, aktieselskabinut ingerlanneqartunut tunngatillugu, ingerlatseqatigiiffiit taakkua aktiaataat imaluunniit oblikationiutaat aningaasanik niuerfimmi fondbørsimi nalunaarsugassanngortinneqarsimatillugit, ingerlatseqatigiiffinnut taakkununga malittarisassat atuuttut malittarisassallu allat, ingerlatseqatigiiffinnut atuuttusanngorlugit aalajangersarneqarsimasut akornanni oqimaaqatigiinnerup naapertuilluarnerullu qulakkeersimanissaat pisariaqalersimatillugu, malittarisassanik ingerlatseqatigiiffinnut taakkununga tunngasunik immikkut ittumik atuukkunnaarallartinneqarnissaaq pillugu, Erhvervsministeri aalajangersakkanik aalajangersagaliorsinnaatitaavoq.

Immikkoortoq VI

Ingerlatseqatigiiffissuarnut (koncern) naatsorsuusiortarneq kiisalu suliffeqarfinnik kattutsitsinermi il. il. naatsorsuusiortarneq

Kapitali 13

Ingerlatseqatigiiffissuit(koncern) naatsorsuutaannik saqqummiussisussaataaneq

§ 109. Piginnittutut sulliviit, § 3, imm. 1-imi pineqartut, ingerlatseqatigiiffissuup naatsorsuutaanik saqqummiussisassapput kapitali 14-imi malittarisassanut naapertuuttumik, taamaattoq tak. § 137, §§ 110-112-mi allanik malitassaqaanngippat.

Imm. 2. § 110 naapertorlugu naatsorsuutinik saqqummiussinngitsoorsinnaaneranik piginnaatitsissut, suliffeqarfissuarnut suliffeqarfinnik piginnittuusunut (modervirksomhed), naatsorsuutit klassiinit D-mit pineqartunut atuutissanngilaq (naalagaaffiup aktieselskabiutaat aamma suliffeqarfiit aningaasanik nioqquteqartarfinni børsini nalunaarsorsimasut), aammattaaq suliffeqarfik pigisaq (dattervirksomhed) suliffeqarfissuarnut (modervirksomhed) qulaani pineqartumit pigineqartup naatsorsuutai naatsorsuutit klassiannit D-mit ilanngullugit pineqarpata. Aammattaaq suliffeqarfissuit (modervirksomhed) aningaasanik nioqquteqarfinni børsimi nalunaarsorsimasut, saqqummiussinngitsoorsinnaatitaaneq pillugu §112-mi malittarisassamit pineqaanngillat.

§ 110. Piginnittutut sullivik ingerlatseqatigiiffissuup naatsorsuutaanik saqqummiussinngitsoorsinnaavoq, taamaattoq tak. § 109, imm. 2, ingerlatseqatigiiffissuarnut sulliviit piffissami oqimaaqatigiissitsiviusumi katillutik annertussutsinik marlunnik ukuninnga sippuisimassanngippata:

- 1) Oqimaaqatigiissitsinerup katinnera 29 mio. kr.-iusut,
- 2) ilanngaattissat peereerlugit kaaviiartitat 58 mio. kr.-iusut aamma
- 3) ukiup naatsorsuusiortiusup ingerlanerani piffissaq tamakkerlugu sulisorisat amerlassusiat agguaqatigiissitamik 50-iusoq.

Imm. 2. § 7, imm. 3-mi naatsorsuinermut malittarisassat taamatulli atortuutinneqassapput ingerlatseqatigiiffissuarmut tamarmiusumut, taamaattorli imaalillugu oqimaaqatigiissitsinerup katinnera aamma ilanngaattissat peereerlugit kaaviiartitat naatsorsorneqassallutik ingerlatseqatigiiffissuurtut sulliviit tamarmik oqimaaqatigiissitsinerisa katinnerisa taamatulli ilanngaattissat peereerlugit kaaviiartitaasa ataatsimut katinnerattut. Aamma taamaassaaq ukiumi naatsorsuusiorfiusumi piffissaq tamakkerlugu sulisorisat agguaqatigiissitamik amerlassusiat eqqarsaatigalugu.

Imm. 3. Imm. 1-imi aalajangersakkamik atuisinnaatitaaneq aatsaat allanngortinneqassaaq, sulliviit piffissami oqimaaqatigiissitsiviusumi katillutik annertussutsit pingasuusut taakkua ilaannik marlunnik ukiumi naatsorsuusiorfinni marlunni malittuinnarni sippuisoorsimassappata imaluunniit sippuisuujunnaassappata.

§ 111. Suliffeqarfiup piginnittup (modervirksomhed), suliffeqarfiit pigisai (dattervirksomheder) tamarmik § 114 naapertorlugu aningaasaqarnikkut isumannaallisaavigineqartanngitsut, ingerlatseqatigiiffissuurtut (koncernitut) naatsorsuusiani ilanngutinngitsoorsinnaatitaavai.

Imm. 2. Tamatuma saniatigut suliffeqarfik piginnittoq (modervirksomhed), inuussutissarsiutigalugu aningaasaateqarfittut ingerlataaguni, ingerlatseqatigiiffissuurtut (koncernitut) naatsorsuusiani ilanngutinngitsoorsinnaatitaavai, imaassimappat;

- 1) aningaasaateqarfik taanna suliffeqarfimmik ataasiinnarmik pigisaqarpoq,
- 2) aningaasaateqarfiup nammineq inuussutissarsiutitut ingerlatai annikitsuinnaappata aamma
- 3) aningaasaateqarfik, akiitsut allagartaat allanut nuunneqarsinnaasut aammalu iluanaarutisiassat imaluunniit agguagarsiassat akilerneqanngitsut eqqaassanngikkaanni, suliffeqarfik pigisaaq pisassaqaarsimangippat imaluunniit taanna pillugu isumannaallisaasiisimangippat.

Imm. 3. Aammattaaq suliffeqarfissuaq piginnittoq (modervirksomhed), aningaasaateqarfittut inuutissarsiutitut ingerlanneqartoq, suliffeqarfissuurtut (koncern) ukiumoortumik naatsorsuutiminik saqqummiussuinngitsoorsinnaatitaavoq, imaassimappat;

- 1) aningaasaateqarfik suliffeqarfinnik pigisanik arlalinnik pigisaqarpat aamma suliffeqarfiit pigisat taakkua ilaata ataatsip suliffeqarfissuurtut (koncernitut) ukiumoortumik naatsorsuutiminik saqqummiinermini, suliffeqarfik aningaasaateqarfik piginnitsini, naatsorsuutiminut ilanngullugu taasimangippagu,
- 2) Suliffeqarfissuup (koncernip) naatsorsuutai, ukiumoortumik naatsorsuutit pillugit inatsit malillugu suliarineqarsimappata, Siunnersuisoqatigiit maleruaqqusaat (Rådets direktiv) 1983/349/EØF kingusinnerusukkut allannguuteqartitaq, tak. ilanngussaaq 3, imaluunniit ukiumoortumik naatsorsuutininik isumannaallisaanerminni maleruaqqusani taaneqartuni inatsisinut malittarisassianut minnerpaamik assingusunik malittarisassalinnik, aamma nunap inatsisai naapertorlugit inunnit taamatut kukkunerisiuinissaminnut ilinniagaqarsimasunit kukkunerisiorneqarsimassallutik, tassungalu suliffeqarfiup pigisap (dattervirksomhed) suliffeqarfissuarmut (koncernimit) pigineqartutut ukiumoortumik naatsorsuutai ilanngullugit kukkunerisiorneqarsimassallutik,
- 3) aningaasaateqarfik nammineq immineq annikitsuinnarmik inuutissarsiortutut ingerlataqarpat,
- 4) aningaasaateqarfiup suliffeqarfiup pigisami ilaanut qularnaveeqqusiisimangippat imaluunniit tassanga pissamaateqarsimangippat imaluunniit iluanaarutininik imaluunniit agguagarsiassanik akiliinngitsoorsimappat aamma akiitsunut allagartaatinik (konvertible gældsbreve) allanut nussorneqarsinnaasunik peqarsimangippat.
- 5) ukiumoortumik naatsorsuutininik saqqummiinngitsoorsinnaatitaaneq pisinnaatitaaffik taanna tunngavigalugu, aningaasaateqarfiup ukiumoortumik naatsorsuutininik saqqummiussinnginnera, aningaasaateqarfiup ukiumoortumik nalunaarusiaani paasissutissiisutiginneqarsimappat, aamma
- 6) nr. 1-mi taaneqartutut, aningaasaateqarfiup nammineq ukiumoortumik nalunaarusiaminut ilanngullugit, suliffeqarfissuurtut (koncernitut) ukiumoortumik naatsorsuutit kukkunerisortitat, Erhvervs- & Selskabstyrelsemut nassiuppagit.

§ 112. Suliffeqarfik piginnittoq ingerlatseqatigiiffissuartut (koncern) naatsorsuutiminik saqqummiussinngitsoorsinnaatitaavoq imaassimappat, taamaattoq tak. § 109, imm. 2, nammineq suliffeqarfissuarmik suli qulliunerusumik piginnitseqarsimaguni nunamilu maani, nunami EU-mut ilaasortaasumi imaluunniit nunami allami, Fællesskabip isumaqatigiissuteqarfignisaani, imaluunniit Kalaallit Nunaannit isumaqatigiissuteqarfiusumi, inatsisinit illersugaaguni, aamma

1) suliffeqarfissuaq piginnittoq suli qulliunerusoq (modervirksomhed)

a) pigisaqarpat piginnittutut sullivimmi appasinnerusumi aningaasaliissutaatit minnerpaamik 90 pct.-annik aammalu ikinnerussutillit peqataasut piginnittutut sulliviup taassuma qullersatut aqutsisui akuersissutigisimappasuk ingerlatseqatigiiffissuaq pillugu naatsorsuutininik saqqummiussinngitsuaq, imaluunniit

b) pigisaqarpat piginnittutut sullivimmi appasinnerusumi aningaasaliissutaatit 90 pct.-annit annikinnerusumik taassumalu qullersatut aqutsisui ukiup naatsorsuusiortarfiusup naamissaa kingusinnerpaamik qaammatinik arfinilinnik sioqqullugu ikinnerussuteqartutut peqataasuniit, minnerpaamik sulliviup aningaasaataasa 10 pct.-iannik piginnittuniit, tigusaqarsimangippata ingerlatseqatigiiffissuaq pillugu naatsorsuutininik saqqummiussinissaq pillugu piomasaaqammik, aamma

2) piginnittutut sullivik qulliunerusoq taanna ingerlatseqatigiiffissuaq pillugu naatsorsuusiortarpat naalagaaffimmi EU-mut ilaasortaasumi inatsisinit, piginnittutut sulliviup qulliunerusup attavigisaanut, naapertuuttumik, aammalu ingerlatseqatigiiffissuaq pillugu naatsorsuutit kukkunerisiorneqartarpata inunnit, naalagaaffiup ilaasortaasup taassuma inatsisai naapertorlugit akuerisaasunit.

Imm. 2. Piginnittutut sullivik aammattaq ingerlatseqatigiiffissuaq pillugu naatsorsuutininik saqqummiussinngitsoorsinnaavoq, taamaattoq tak. § 109, imm. 2, nammineq tassaaguni piginnittutut sullivimmit qulliunerusumik, nunami, imm. 1-imi taaneqartutut inatsisinit attaveqartuunngitsumi, inatsisinit attaveqartumit pigineqartoq, aamma

1) piginnittutut sulliviup appasinnerusup qullersatut aqutsisui ukiup naatsorsuusiortarfiusup naamissaa kingusinnerpaamik qaammatinik arfinilinnik sioqqullugu ikinnerussuteqartutut peqataasuniit tigusaqarsimangippat ingerlatseqatigiiffissuup naatsorsuutaasa saqqummiunneqarnissaat pillugu piomasaaqammik, aamma

2) piginnittutut sullivik qulliunerusoq ingerlatseqatigiiffissuaq pillugu naatsorsuusiortarpat Rådip toqqaammavignissatut aalajangigaanut 1983/349/EØF-imut kingusinnerusukkut allannguutilimmut naapertuuttumik, tak. ilanngussaq 3, imaluunniit malittarisassat, minnerpaamik peqqussummi taaneqartumi ukiumoortumik naatsorsuutit isumannaallisakkat pillugit malittarisassanut naapertuuttut malillugit, aammalu kukkunerisiorneqartarpata inunnit, nunagisami inatsisit, piginnittutut sulliviup qulliunerusup attaveqarfignisaani, naapertorlugit akuerisaasunit.

Imm. 3. Imm. 1-imi aamma 2-mi eqqartorneqartutut atuinngitsoortissat pillugit aammattaq piomasarineqassaaq,

1) piginnittutut sulliviup appasinnerusup nammineq taassuma pigisatut sulliviutaasa naatsorsuutaat tamakkiisumik isumannaallisaaviginninnikkut imaluunniit naatsorsuutitigoortumik naliliussamut ilanngussinikkut annertussusiliinikkullu piginnittutut sullivik qulliunerusoq sinnerlugu ingerlatseqatigiiffissuup naatsorsuutaani ilanngunneqassasut, taamaattoq tak. § 114,

2) piginnittutut sulliviup appasinnerusup ukiumoortumik naatsorsuutimini nalunaassagaa, imm. 1 taamatullu imm. 2 naapertorlugu nammineq ingerlatseqatigiiffissuartut naatsorsuusiunngitsoornini, aammalu nalunaassagai piginnittutut sullivik qulliunerusoq pillugu aqgit, angerlarsimaffik immaqalu CVR-normu imaluunniit nalunaarsorneqarnermi normu, aamma

3) piginnittutut sullivik appasinnerusoq Erhvervs- og Selskabsstyrelsimut nassitsissasooq ingerlatseqatigiiffissuup naatsorsuutaanik imm. 1-imi taamatullu imm. 2-mi taaneqartunik aammalu styrelsip piomasaaqatigisinnaasaanik paasissutissiissasooq, tak. § 147.

§ 113. Piginnittutut sullivik ingerlatseqatigiiffissuup naatsorsuutaanik saqqummiussinngitsoorsinnaassappat, taamaakkaluartorli taamaattunik, sulliviup nammineq atugassaatut atorsinnaanngitsunik, saqqummiussilluni, taava kapitali 14-imi

ingerlatseqatigiiffissuup naatsorsuutai pillugit aalajangersakkat atortuutinneqassapput. Taamaakkaluortoq piginnittutut sullivik ukiumoortumik naatsorsuutit naatsorsuutit klassianni B-miittut pillugit malittarisassanik ingerlatseqatigiiffissuup naatsorsuutaanut atuisinnaavoq, § 110 malillugu ingerlatseqatigiiffissuup naatsorsuutaanik saqqummiussinngitsoorsinnaasimassaguni. Taamaattorli § 43 a, imm. 2-6 aalajangersakkat naapertorlugit, aalajangersakkanik taakkunanga atuinermi suliffeqarfinnut kattutanut (associerede virksomheder) piginneqataassutitut tunngatillugu ingerlatseqatigiiffissuuartut (koncern) naatsorsuutini, suliffeqarfiit taakkua akiligassat peereerlugit pigisat nalivii (indre værdi) annertussusilerneqarlutillu nalunaarsorneqarsimassapput.

Kapitali 14

Ingerlatseqatigiiffissuup naatsorsuutaasa imarisaat

Isumannaallisaasiinerup annertussusia

§ 114. Paragraffi manna naapertorlugu allanik malitassaqaassanngippat, ingerlatseqatigiiffissuup sulliviutaasa tamarmik naatsorsuutaat tamakkiisumik isumannaallisaaviginnikkut ingerlatseqatigiiffissuup naatsorsuutaani ilaatinneqartassapput.

Imm. 2. Ingerlatseqatigiiffissuup sulliviutaa isumannaallisaavigineqanngitsoorsinnaavoq, imaappat 1) tassaappat pigisatut sullivik aammalu piginnittutut sulliviup pigisami pigisai imaluunniit aqutsisui pillugit piginnaatitaaffimminik atuiniarnera annertuumik ataavartumillu akornuserneqartarata,

2) tassaappat pigisatut sullivik, paasissutissallu pisariaqartitat naammaginartumik piffissaliussaq naatinngu imaluunniit naleqqutinngitsumik aningaasaajarujussuaqqaartinnani pissarsiariniarneqarsinnaanngippata,

3) tassaappat pigisatut sullivik, ingerlatseqatigiiffissuup naatsorsuutaani isumannaallisaaviginnikkut ilaatinneqareersimanngitsoq, aammalu piginnittutut sullivik pigisatut sulliviummini taamaallaat aningaasaliissutinik pigisaqarpat kingusinnerusukkut sullivimmik taassuminnga allanut tunniussinissaq siunertaralugu imaluunniit

4) tassaappat piginnittutut aningaasaateqarfik inuussutissarsiutitut ingerlatsisoq, nammineq inuussutissarsiutitut sulissuteqarnera annikitsuinnaasoq aammalu akiitsut allagartaat nuunneqarsinnaasut iluanaarutisiassallu akilerneqanngitsut eqqaassanngikkaanni pigisatut sulliviummi arlaanni pisassaqaateqanngitsoq taakkualuunniit arlaat pillugu isumannaallisaasiisimanngitsoq.

Imm. 3. (Atorunnaarpoq).

Ingerlatseqatigiiffissuup naatsorsuutaanut nalinginnaasumik piunasaqaatit (isumannaallisaaneq)

§ 115. Ingerlatseqatigiiffissuup naatsorsuutaasa takutissavaat sulliviit isumannaallisaavigisat pigisaat akiitsuilu, aningaasatigut inissisimanerat kiisalu sullivittut ataasiinnaasutut isigalugit ataatsimut katillutik angusaat.

§ 116. Ingerlatseqatigiiffissuup naatsorsuutai ullormi piginnittutut sulliviup ukiumoortumik naatsorsuutaanik oqimaaqatigiissitsiviusumi oqimaaqatigiissinneqartassapput.

Imm. 2. Pigisatut sulliviup ulloq oqimaaqatigiissitsisarfia ullormit piginnittutut sulliviup oqimaaqatigiissitsisarfianiit qaammatinik pingasunik inorlugilluunniit siusinnerusumiippat, pigisatut sullivik ukiumoortumik naatsorsuutini tunngavigalugit isumannaallisaanermi ilaatinneqarsinnaavoq. Pigisatut sulliviup isumannaallisaavigisap ulloq oqimaaqatigiissitsisarfia ullormit piginnittutut sulliviup oqimaaqatigiissitsisarfianiit qaammatinik pingasunik amerlanerusunik siusinnerusumiippat, pigisatut sullivik ingerlatseqatigiiffissuup naatsorsuutaanut

ilanggunneqassaaq ulloq piginnittutut sulliviup oqimaaqatigiissitsivia killigalugu inatsimmi matumani aalajangersakkat malillugit immikkut ittumik naatsorsuusiat tunngavigalugit.

Ataatsimut eqikkaaneq

§ 117. Isumannaallisaanikkut naatsorsuutit ataatsimut eqikkarneqassapput, taamaasilluni isertitat aningaasartuutillu kiisalu pigisat akiitsullu assigiiarnerusut ataatsimut katigunneqassallutik. Pissutsit immikkut ittut, ukiumoortumik naatsorsuutit assignagit ingerlatseqatigiiffissuup naatsorsuutaanut atuuttut tunngavigalugit pisariaqartitanik naleqqussaaneqassaaq.

Imm. 2. Ingerlatseqatigiiffissuup sulliviutai, ukiup naatsorsuusiorfiusup ingerlanerani ingerlatseqatigiiffissuarmut attaveqalersitat, taamaallaat nuussatigit isertitanik aningaasartuutinillu aammalu pissutsinik ingerlatseqatigiiffissuarmut attaveqalerneq sioqqullugu pisunik ataatsimut eqikkaanermi ilaatinneqarsinnaapput.

Imm. 3. Ingerlatseqatigiiffissuup sulliviutai, ingerlatseqatigiiffissuarmut attaveqarnerat ukiup naatsorsuusiorfiusup ingerlanerani atorunnaartoq, taamaallaat nuussatigit isertitanik aningaasartuutinillu aammalu pissutsinik ingerlatseqatigiiffissuarmut attaveqarnerup atorunnaarnissaa tikillugu pisunik ataatsimut eqikkaanermi ilaatinneqarsinnaapput.

Akissaateqarfimmi immikkoortiterineq

§ 118. Ingerlatseqatigiiffissuup naatsorsuutaanik oqimaaqatigiissitsineq, angusanik naatsorsuineq aamma aningaasat ingerlaarnerannik inissitsiterisoqassaaq ukiumoortumik naatsorsuutitut naatsorsuutit klassianni C-miittunut malittarisassat malillugit, tak. § 78, oqaaseqatigiit aappaanni imaluunniit imm. 2-4-mi allatut allassimasoqassangippat. Piginnittutut sulliviup ukiumoortumik naatsorsuutitut naatsorsuutit klassianni D-miittunut malittarisassat malissappagit, tak. § 102, ingerlatseqatigiiffissuup naatsorsuutaasa malittarisassat taakkua aamma malissavai, imm. 2-4-mi allatut allassimasoqangippat.

Imm. 2. Pigisatut sullivinni isumannaallisaavigisaanngitsuni taamatullu sullivinni attuumassuteqarfigisani aningaasaliissutaatit, taakkunanga pisassat imaluunniit taakkunanga akiitsut ingerlatseqatigiiffissuup naatsorsuutaasa oqimaaqatigiissinneranni inissitatut immikkoortutut allanneqassapput.

Imm. 3. Nammineerluni aningaasaatit isumannaallisaavigisat inissinneqarsinnaapput § 11, imm. 1-imi taaneqartutut eqqortunik takutitsinissaq anguniarlugu allanneqartariaqartut kisiisa takutillugit.

Imm. 4. Ikinnerussutilittut soqutigisallit pigisatut sulliviit namminneq aningaasaataannit angeqqatigiikkuutaamik pisassa at allatassatut pingaarnertut immikkoortutut allanneqassapput „Nammineq aningaasaatit“ aamma „Pisussaaffiit“ akornannut. Ikinnerussutilittut soqutigisallit pigisatut sulliviit angusaannit angeqqatigiikkuutaamik pisassa at angusat naatsorsorneranni allatassatut immikkoortutut allanneqartassapput.

Ilangussineq annertussusiliinerlu

§ 119. Pigisat akiitsullu aammalu isertitat aningaasartuutillu isumannaallisaanermi pineqartunut ilaasut ilanggunneqarlutillu annertussusilerneqartassapput ukiumoortumik naatsorsuutitut naatsorsuutit klassianni C-miittunut malittarisassanut naapertuuttumik periaatsit assigiit malillugit, tak. §§ 33-52, 78 aamma 82-83. Taamaattorli § 43 a, imm. 2-6 aalajangersakkat naapertorlugit, suliffeqarfinnut kattutanut tunngatillugu (associerede virksomheder) piginneqataassutit periuseq pigisat nalivii (indre værði) periuseralugu annertussusilerneqarlutillu nalunaarsorneqartassapput.

Imm. 2. Ingerlatseqatigiiffissuup naatsorsuutaani ajornangippat periaatsit ilanggussisarnermut annertussusiliisarnermullu tunngatillugu piginnittutut sulliviup ukiumoortumik naatsorsuutaani atorneqartut assingi atorneqassapput. Pigisatut sulliviit isumannaallisaavigisat periaatsinik tunngavigisassanillu allanik namminneq ukiumoortumik naatsorsuutiminni atuippata,

ingerlatseqatigiiffissuup naatsorsuutaanut ilanngussinermi annertussusiliinermilu periaatsinut tunngavigisanullu atorneqartunut naapertuuttunik nutaanik naatsorsuusiortoqassaaq.

Nungutitsisarneq

§ 120. Allatassat makku nungutinneqarsinnaapput:

- 1) Sulliviit isumannaallisaavigisat akornanni pisassat pisussaaffiillu,
- 2) sulliviit isumannaallisaavigisat akornanni nuussat kingunerisaattut isertitat aningaasartuutillu aamma
- 3) sulliviit isumannaallisaavigisat akornanni nuussat kingunerisaattut iluanaarutit annaasallu, allatassat naatsorsuutitut allanneranni naliusunut ilanngunneqartut.

Imm. 2. Imm. 1, nr. 3-mi aalajangersagaq pisuni immikkut ittuni sanioqqunneqarsinnaavoq, nuussineq niuernerme ingerlalluurtumi pisimappat aalajangersakkat nalinginnaasut tunngavigalugit aammalu nungutitsinissaq tamatuma saniatigut naleqqutinngitsumik annertuunik aningaasartuuteqarnermik nassataqartussaassappat.

Ingerlatseqatigiiffissuurtut pilersitsineq

§ 121. Allanik allassimasoqartinnagu sulliviit marluk akornanni ingerlatseqatigiiffissuurtut pilersitsineq suliarineqartassaaq tigusinerme periaaseqarnertut, tak. § 122.

Imm. 2. Ingerlatseqatigiiffissuurtut pilersitsinerme sulliviit taakku marluk tamarmik ingerlatseqatigiiffissuurtut pissutsini piginnittutut sullivimmik malinnittussaataappata, imaluunniit ilaatigut tamarmik marluullutik soqutigisap taassuma aalajangiisinnaassuseqarneranut malinnittussaataappata, ingerlatseqatigiiffissuurtut pilersitsineq suliarineqassaaq ataatsimut katigussinerme periaaseq malillugu, tak. § 123.

Imm. 3. Ataatsimut katigussinerme § 123 malillugu periaaseq aammattaaq atortinneqarsinnaavoq ingerlatseqatigiiffissuurtut pissutsinik pilersitsinerme piginnittutut sullivik

- 1) pigisatut sullivittulli pisut pineranni naliliussamik naleqarpat,
- 2) pissarsereernerme taasisinnaatitaanerit aammalu sulliviup pissarsiarisap sullivittut aningaasaataanut naliliussat minnerpaamik 90 pct.-iannik pigisaqarpat aamma
- 3) pigisaqalersimappat aaqqissuussineq,
 - a) sulliviit tamanna tikillugu peqataasut katillutik imaluunniit sulliviit peqataasut katillutik, pigisatut sullivimmi piginnaatitaaffimminnut taarsiullugu aningaasaliissutinit pisassaminnik tigusaqarsimannngitsut, piginnittutut sulliviup tungaanut aalajangiisinnaassuseqalernissaannik kinguneqartussaq iluaqutigalugu,
 - b) sulliviit tamanna tikillugu peqataasut aammalu sulliviit peqataasut, aaqqissuussinikkut pigisatut sulliviup tungaanut piginnaatitaaffimminnut taarsiullugu aningaasaatinit pisassamik tigusaqarsimasut, immisulli piginnaatitaaffeqalernissamik kinguneqartussaq iluaqutigalugu aamma
 - c) aningaasanngorlugit akiliutit aningaasaatinit pisassanut tiguneqartunut naliliussap 10 pct.-imik sinniinnginnissaannik kinguneqartussaq iluaqutigalugu.

Suliffeqarfimmik tigusineq

§ 122. Suliffeqarfimmik tigusinikkut ingerlatseqatigiiffissuurtut pissutsinik pilersitsoqassappat, sullivimmi pissarsiaasumi piffissami pissarsiviusumi pigisat pisussaaffiillu ingerlatseqatigiiffissuup naatsorsuutaanut ilanngunneqarlutillu annertussusilerneqassapput pisut pineranni naliusumik nalilerlugit, pissarsineq sioqqullugu suliffeqarfiup oqimaaqatigiissitsinerani ilanngunneqarsimanninnerat apeqqutaatinnagu. Tamatuma saniatigut sullivimmi

pissarsiarineqartumi nutaamik aaqqissuussinissamut aningaasartuutissatut ilimagisat pisussaaffittut kinguartikkallatatut ilanngunneqassapput.

Imm. 2. Sulliviup isumannaallisaavigisap pigisatut sullivimmi isumannaallisaavigisami aningaasaliissutinit pisassai, isumannaallisaanerup pinerani akiusunut annertussusilikkat, nalimmassaavigineqassapput sulliviit isumannaallisaavigisat pigisatut sulliviup ilanngaatisat peereerlugit pigisaanit angeqqatigiikkuutaatut pisassaannik, pisut pineranni naliliussatut annertussusilikkanik, tak. imm. 1. Nalimmassaaneq pissaq piffissami ingerlatseqatigiiffissuarmik pilersitsiviusumi.

Imm. 3. Aningaasat nikingassutitut annerusutut imm. 2 malillugu saqqummersut tutsuiginassutaatisatut pineqassapput, tak. § 43. Aningaasat nikingassutitut annikinnerusutut imm. 2 malillugu saqqummersut pisussaaffiit ataanni naleqquttumik taaguuserlugit piffissanik killiliissutitut immikkoortutut inissitassanngorlugit ilanngunneqassapput. Aningaasat taakku angusat naatsorsorneranni ilanngunneqartassapput pissutsit taakkununga pissutaasut pineri ilutigalugit, sivisunerpaamillu ukiuni 20-ni.

Imm. 4. Piginnittutut sullivimmi aningaasaliissutaatit, sullivinnit isumannaallisaavigisanit pigineqartut, nalimmassarneqassanngillat, namminerli aningaasaliissutaatit pineqassallutik.

Suiffeqarfinnik ataatsimut katigutitsineq

§ 123. Ataatsimut katigutitsisarnermi periaaseq malillugu piffissaq ataatsimut katigutitsinerup piffigisaa pillugu ingerlatseqatigiiffissuup naatsorsuutaanik saqqummiussisoqartassaaq, sulliviit piffissamiit naatsorsuusiortiusumiit siusinnerpaamilli naatsorsuutitut ilanngunneqartussaasumiilli ataatsimut katigutereersimasutut itsillugit. Aningaasat sulliviup aningaasaataasut akiliutissartalerneqartussat aningaasallu nalingisa annerussutigunnagaat aningaasanngorlugit akiliutaajunnartunik tapikkat aamma pigisatut sullivimmi naatsorsuutitigut naliliussa q sillimmatinut, amigartoorutinut matusissutitut atorneqarsinnaasussanut ilassutigineqarlutilluunniit ilanngaatineqassapput erseqqissumik nalunaarlugit.

Pisussaaffinnik akisussaaffigisanik patajaallisaaneq

§ 124. Sullivik ataaseq sullivimmit sullivik alla ataaseq arlallilluunniit peqatigalugit aqunneqartoq, pisussaaffinnik akisussaaffigisanik patajaallisannikkut ingerlatseqatigiiffissuup naatsorsuutaani ilanngunneqarsinnaavoq.

Imm. 2. Sullivimmi ataatsimut aqutami allatassat ilanngunneqassapput sulliviit patajaallisakkat namminneq aningaasaatiminnit angusaminnillu pisassaannut naleqqiullugit. Aamma §§ 115-122-mi patajaallisasaarneq il. il. pillugit malittarisassat atortuutinneqassapput pisariaqarneratut naleqquttunngorsaaserlugit.

Nassuiaatit

Naatsorsuusiornermi periaaseq atugaq pillugit nassuiaat

§ 125. Ingerlatseqatigiiffissuit naatsorsuutaasa naatsorsuinermi periaaseq nassuiaatillu atukkat pillugit nassuiaataat ingerlatseqatigiiffissuaq pillugu paasissutissiissutaassapput, sulliviit patajaallisakkat ataatsimut katillutik sullivittut ataasiusutut isigalugit, §§ 53-55 aamma 87 atortuutinneqassapput ingerlatseqatigiiffissuup naatsorsuutaani ingerlatseqatigiiffissuaq pillugu paasissutissanut. Sullivinni ataasiakkaani aningaasat pillugit paasissutissanut taarsiullugu takutinneqassapput sullivinni patajaallisakkani aningaasat ataatsimut katillugit, ingerlatseqatigiiffissuup naatsorsuutaanut atuuttutut periaatsit malillugit patajaallisakkat.

Imm. 2. Aammattaq naatsorsuutini periaaseq atugaq pillugu nassuiaammi takuneqarsinnaassaaq:

- 1) Ingerlatseqatigiiffissuup sulliviutaanik ilanngussinngitsoorneq aalajangersimasutigut tamakkiisumillu pissuteqartinneqassaaq.
 - 2) Pigisatut sulliviup patajaallisakkap ulloq oqimaaqatigiissitsiviata piginnittutut sullivimmiit allaanerunera, tak. § 116, imm. 2, oqaaseqatigiit siulliit. Ullut oqimaaqatigiissitsiviusut marluk taakku akornanni pingaarutilinnik pisoqarsimappat, pigisatut sulliviup pigisaanut akiitsuinullu, aningaasatigit inissisimaneranut angusaanulluunniit sunniuteqarsimasumik tamanna nassuiarneqassaaq.
 - 3) Ilangussinissamut aamma annertussusiliinermi tunngavigisassatigit periaatsinik allanik piginnittutut sulliviup ukiumoortumik naatsorsuutaani atorneqartuniit allaanerusunik atuisimaneq kiisalu periaatsinik allanik taamatut atuisimanermut aalajangersimasutigut tamakkiisumillu pissutigisat.
 - 4) § 120, imm. 2 malillugu nungutitsinngitsoorneq.
- Imm. 3.* Naatsorsuusiordermi periaatsip atukkap nassuiaataata ilaani immikkoortumi takuneqarsinnaassapput:
- 1) Sulliviup § 114, imm. 2, nr. 4-mi atuinngitsoorutissat atorsimassappagit. Taamatut pisoqartillugu ingerlatseqatigiiffissuup angusai namminerlu aningaasaatai nalunaarneqassapput.
 - 2) §§ 122 aamma 123 malillugit aningaasat nikingassutit annerusut ikinnerusullu sinneruttut kiisalu periaatsit naatsorsuinermi atorneqarsimasut. Ukiumut siulianut naleqqiullugu aningaasani nikingassutini allannguuteqarsimaneq nassuiarneqassaaq.

Nassuiaatit allat

§ 126. Ingerlatseqatigiiffiup (koncern) naatsorsuutaanut piumasaqaatit makkua atuutinneqassapput:

- 1) Pisussaaffiuleratarsinnaasut pillugit paasissutissat, tak. §§ 64 aamma 94,
- 2) qanimut suleqatigisat il.il. pillugit paasissutissat tak. §§ 68, 71, 98a aamma 98 c,
- 3) nammineq piginneqataassutigisat pillugit paasissutissat, tak. § 76, imm. 1, nr. 1,
- 4) suliffeqarfiup nammineq aningaasaataasa piginneqataassutit nikerartinneqarneri pillugit naatsorsuutit iml. nalunaarsuutit, tak. § 87 a,
- 5) sanaartornermi atortuutit pigisat nalillit pillugit paasissutissat, tak. § 88,
- 6) pigisat nalillit pigineqalersinnaasut iml. pisussaaffiulersinnaasut pillugit paasissutissat, tak. 90 b,
- 7) pisussaaffiit akiitsukkanut tunngasut pillugit paasissutissat, tak. § 92,
- 8) tak. § 96, imm. 1, naapertorlugu, piigassat peereerlugit (netto) niuernikkut nunallu iluani kaaviiartitaviit agguataarsimanerat pillugit paasissutissat, aamma
- 9) tak. § 96, imm. 2 naapertorlugu kukkunersiuisut aningaasarsiaat pillugit paasissutissat.

Imm. 2. § 73-imi aqutsisuusunut ilaasortanit pisassat taakkunungalu isumannaallisaasiisimaneq pillugit paasissutissiinissamik piumasaqaatit kiisalu § 98 b-mi akissarsiarititanik il.il. paasissutissat pillugit piumasaqaat atortuutinneqassapput aqutsisuusuni ilaasortat ilaannut aammalu sullivinnik piginnittutut sullivimmi peqataasunut aalajangersakkani eqqartorneqartunut akiliutinut tamarmiusunut, ingerlatseqatigiiffissuup sulliviutaasa ataatsimut katillutik akiliutigisimasaannut.

Imm. 3. § 106-imi piumasaqaat atortuutinneqassaaq § 98 b malillugu akiliutit pillugit paasissutissanut, tak. siuliini imm. 2, piginnittutut sullivik naatsorsuutit klassianni D-mi pineqartunut ilaappat. Ilaatigut aamma § 106-mi piumasaqaat assinganik atorneqassaaq, piginnittutut sullivik naatsorsuu-serinermut klassi D-mi pineqarpat.

Imm. 4. Ikinnerussuteqartumik soqutigisallit pigisatut sulliviit namminneq aningaasaataannit angeqqatigiikkuutaamik pisassaanni nikittoornerit paasissutissiissutaassapput.

§ 127. Pigisatut sulliviit patajaallisakkat taamatullu patajaallisagaanngitsut tamaasa immikkut pillugit nalunaarneqarsimassapput;

- 1) ateq angerlarsimaffillu,
- 2) nammineq aningaasaatinit aningaasaliissutit qanoq annertutigisut ingerlatseqatigiiffissuup sulliviutaanit katillutik pigineqarnerisut,

3) ingerlatseqatigiiffissuurtut pissuseqarnermi tunngavigisat, tak. ilanngussaq 1, B, nr. 4, nr. 4-mi taaneqartumi punkt 1 (taasisinnaatitaanerit amerlanersaat) malinneqarsimassanngippat, aammalu ingerlatseqatigiiffissuup sulliviutaasa pigisatut sulliviit sullivimmi aningaasaataanni taasisinnaatitaanernilu peqataassutaat assigiissanngippata,

4) sullivik patajaallisaavigineqartanngippat, tak. § 114, imm. 2, pissutigisat aalajangersimasukkuutaanut tunngasut tamakkiisuusullu, aamma

5) § 123-mi eqqartorneqartut aningaasaliissutinik nalimmassaasarnermi periaaseq atornerqarsimanersoq.

Imm. 2. Attuumassuteqarfisatut sulliviit tamaasa immikkut pillugit nalunaarneqassapput

1) aqqit angerlarsimaffillu,

2) nammineq aningaasaatinit aningaasaliissutit qanoq annertutigisut ingerlatseqatigiiffissuup sulliviutaanit katillutik pigineqarnersut, aamma

3) suliffeqarfik, tak. § 119, imm. 1, pkt 2, aamma tak. § 43 a, imm. 6 napertorlugit, piigassat peereerlugit naatsorsuusereriaatsimit (indre værdi metode) allaanerusumik periuseqarluni naatsorsuutit nalunaarsorneqarlutillu naatsorsorneqarsimanersut paasissutissiissutigineqassaaq.

Imm. 3. § 124 naapertorlugu, suliffeqarfiup sulluunniit naatsorsuutaanik pissutsinut atukkanut naleqqussaalluni patajaallisaanermi ilanngunneqartut tamarmik paasissutigineqartassapput, makkua;

1) aqqit angerlarsimaffillu,

2) nammineq aningaasaatinit aningaasaliissutit qanoq annertutigisut sullivinnit patajaallisakkanit katillutik pigineqarnersut, aamma

3) ataatsimoortumik aqutsinermi tunngavigisat.

Imm. 4. Imm. 1-3-mi paasissutissat nalunaanngitsoorneqarsinnaapput, sullivimmut namminermut imaluunniit imm. 1-3-mi eqqartorneqartut sullivinnut annertuumik ajoqusiisinnaassappata.

Aqutsisut nalunaarusiaat

§ 128. Ingerlatseqatigiiffissuup aqutsisuisa nalunaarusiaa ingerlatseqatigiiffissuup pillugu paasissutissiissaaq, ingerlatseqatigiiffissuarmi tassani sulliviit ataatsimut ataasiusutut isigalugit. Sulliviit ataasiakkaat aningaasaataat pillugit paasissutissanut taarsiullugu takutinneqassapput sulliviit patajaallisakkat aningaasaataat ataatsimut, periaatsit ingerlatseqatigiiffissuup naatsorsuutaanut atuuttut malillugit patajaallisakkat.

Imm. 2. Aqutsisut nalunaarusiaat pillugu aalajangersakkat, tak. §§ 99-101 taamatulli atortuutinneqassapput. Suliffeqarfissuup piginnittoq naatsorsuutit klassianni D-mi pineqarpat, § 107 taamatulli atortuutinneqassaaq. Taamaattorli § 99, imm. 1, nr. 11 naapertorlugu paasissutissat saqqummiutinngitsoorneqarsinnaapput.

Imm. 3. Piginnittutut sullivimmi aamma ingerlatseqatigiiffissuarmi aqutsisut nalunaarusiaat ataatsimut eqikkarneqarsinnaapput, inatsit manna malillugu paasissutissiissutaasussatut piumasaaqatit ataatsimut eqikkaanerup nassatarisaanik maangaannaratik paasissutaasinnaassappata, taamaattoq tak. § 22, imm. 2, § 78, imm. 2, aamma § 102, imm. 2.

Kapitali 15

Ataatsimut kattunnermut naatsorsuutit il. il.

§ 129. Inatsisit imaluunniit isumaqatigiissutit naapertorlugit suliffeqarfiit kattutat pigisaasa akiitsuisalu ataatsimut eqikkakkat naatsorsorneqartussaattillugit (kattunnermut naatsorsuutit), §§ 115-123-mi, taamaallaat § 118, imm. 3, pinnagu, aalajangersakkat taamatulli atortuutinneqassapput kattutitap, nangittussap imaluunniit kattunnermi sulliviulersup naatsorsuutai aallarnerlugit oqimaaqatigiissitsinermut. Piginnittutut sullivik pillugu malittarisassat atortuutinneqassapput sullivimmut ingerlaqqittussamut, aammalu pigisatut sulliviit pillugit malittarisassat atortuutinneqassallutik sullivimmut atorunnaartussamut.

Imm. 2. Inatsimmit isumaqatigiissummilluunniit allanik allassimasoqanngippat, kattunnermut naatsorsuutit tassaassapput kattuttumut, ingerlaqqittussamut imaluunniit kattunnermi sulliviulersumut tunngatillugu naatsorsuutit aallartinneranni oqimaaqatigiissitsineq, sulliviit kattuttut pillugit ukiup naatsorsuusiortiusup naanerani oqimaaqatigiissitanik ilallugit aammalu kattunneq pissutigalugu aningaasartuutit isertitallu imaluunniit kattunnissamik isumaqatigissutip nassatarisaanik atuinerit pinngitsoorneqarsinnaanngitsutut naatsorsornerannik. Naatsorsuutit aallartinneranni oqimaaqatigiissitsineq ilaqartinneqassaaq nassuiaatinik, sullivimmik ingerlaqqittussamik imaluunniit kattunnikkut pilersitamik eqqortumik takutitsinissamut pisariaqartunik, kiisalu ilassutitut nalunaarusianik kattunneq pillugu isumaqatigiissummi aalajangersarneqarsimasinnaasunik.

§ 130. § 129-mi malittarisassat taamatulli atortuutinneqassapput sulliviit avinneqarnermut atatillugu pigisanik pisussaaffinnillu tigusinissaannut avitsisarnerit immikkut ittumik pissuseqarnerisa nassatarisaannik naleqquttunngorsaaserlugit.

Immikkoortoq VII

Ingerlatseqatigiiffiit aktieselskabit naalagaaffimmit pigineqartut ingerlatseqatigiiffillu børsimi nalunaarsorsimasut ukiup ilaanoortumik nalunaarusiaat

Kapitali 16

*Ingerlatseqatigiiffiit aktieselskabit naalagaaffimmit pigineqartut inatsisaat malillugit aktieselskabit
ingerlanneqartut ukiup affakkaartumik nalunaarusiaasa suliarineqartarnissaat*

Aalajangersakkat nalinginnaasut

§ 131. Ingerlatseqatigiiffiit aktieselskabit naalagaaffimmit pigineqartut pillugit inatsit, Kunngip peqqussutaatigut Kalaallit Nunaannut atortuulersinneqartumi, tak. § 2 a, imm. 2, naapertorlugu, aktieselskabit ingerlanneqartut ukiup affakkaartumik nalunaarusiortassapput, ingerlatseqatigiiffiup ukiuata naatsorsuusiortiusup qaammataanut siullernut arfinilinnut tunngasumik. Aktiaateqarluni ingerlatseqatigiiffik naalagaaffiup pigisaa taanna piginnittutut sulliviuppat, ukiup affaanoortumik nalunaarusiaq suliaassaq sulliviit patajaallisakkat katillutik sullivittut ataasiinnaasutut isigalugit. Sullivik ukiup affaanoortumik nalunaarusiunngitsoorsinnaavoq taassuma paasissutissaatai piginnittutut sulliviup ukiup affaanoortumik nalunaarusiaani ilaatinneqassappata.

Imm. 2. Aktiaateqarluni ingerlatseqatigiiffik naalagaaffimmit pigineqartoq aammattaaq piffissat allat pillugit taamatulli nalunaarusiorsinnaavoq.

Ilanngussineq annertussusiliinerlu

§ 132. Ukiup affaanoortumik nalunaarusiaq suliarineqassaaq ukiumoortumik nalunaarusiaq pillugu tunngaviusumik piumasaqaatit assingi tunngavigalugit, tak. kapitali 3.

Imm. 2. Ukiup affaanoortumik nalunaarusiap imarissavai ukiup affaanut qaangiuttumut tunngatillugu paasissutissat paasissutissanut § 101, imm. 1, nr. 1, malillugu piumasaqaataasunut naapertuuttut. Kisitsisit tamarmik immikkut avataanni taagorneqassapput ukiumi qaangiuttumi piffissami tassanissaaq taagukkanut naapertuuttut. § 24, imm. 1, oqaaseqatigiit aappaat pingajuilu, aamma § 55 taamatulli atortuutinneqassapput.

§ 133. (Atorunnaarpoq).

Aqutsisuusut nalunaarusiaat

§ 134. Ukiup affaanortumik nalunaarusiaq paasissutissanik makkuninnga imaqaassaaq:

- 1) Ingerlatseqatigiiffiup sulissuteqaataani atugarisaanilu ingerlaatsimut nassuiaat,
- 2) ingerlatseqatigiiffimmi ingerlaasissatut ilimagisamut nassuiaat,
- 3) immikkut ittumik naatsorsuutigisassaajunnartut, ingerlatseqatigiiffimmi aqutsisuusut ingerlaasissatut ilimagisamik eqqartuinnermut tunngavigisimasaasa nassuiaataat, aamma
- 4) aalajangiinerit pingaarutillit, ukiup affaani pineqartumik siulersuisunit aalajangiinerusimasut pillugit paasissutissat.

Kapitali 16 a

Ingerlatseqatigiiffinnut børsimi nalunaarsorsimasunut ukiup ilaanoortumik nalunaarusiorneq

§ 134 a. Ingerlatseqatigiiffiit børsimi nalunaarsorsimasut, naatsorsuuserisarnermi klassi D-mi pineqartut, ukiuni naatsorsuuseriffiusuni tamani qaammatinut siullernut 6-nut ukiup ilaanoortumik nalunaarusiorneq (ukiup affaanortumik nalunaarusiaq) pillugu Erhvervs- og Selskabsstyrelsi maleruagassanik aalajangersaasinnaavoq. Matumanilu ukiup affaanortumik nalunaarusiap qanoq imaqaassaaq pillugu maleruagassanik styrelsi aalajangersaasinnaavoq, aamma taakkunannga paasissutissat qanoq ilillugit saqqummiunneqassanersut.. Ilaatigut aamma aalajangersarneqarsinnaavoq ukiup ilaanoortumik nalunaarusiat, qaammatit 6-t ataallugit piffissamut sivikinnermut nammineq kajumissutsimik inaarsarneqartut, ukiup affaanortumik nalunaarusianut maleruagassat assigalugit inaarsarneqassasut.

Imm. 2. Ilaatigut aamma ukiup ilaanoortumik nalunaarusiat, nammineq kajumissutsimik ingerlatseqatigiiffinnit børsimi nalunaarsorsimasunit naatsorsuuseriffiusunit klassi A-mi pineqartunit inaarsarneqartut, pillugit aalajangersakkanik aalajangersaasoqarsinnaavoq, aamma ingerlatseqatigiiffimmiinnaangitsoq atugassaasunik.

Immikkoortoq VIII

Ukiumoortumik nalunaarusiamik kukkunerisuiineq

Kapitali 17

Kukkunerisuiineq il.il..

§ 135. Suliffeqarfik, naatsorsuutit klassiini B, C imaluunniit D-mi malittarisassat malillugit ukiumoortumik naatsorsuutiminnik nalunaarusiorneqataasut, ukiumoortumik nalunaarusiaq kukkunerisusumut ataatsimut imaluunniit arlalinnut kukkunerisortissinnaavaat, taamaattorli tak. pkt. 2. Suliffeqarfik, naatsorsuutit klassiini B-mit ilanngullugu pineqartoq, tak. § 7, imm. 1, nr. 2 naapertorlugu, ukiumoortumik nalunaarusiaminik kukkunerisuisitsinngitsoorssinnaatitaavoq imaassimappat, taamaattorli tak. imm. 2 aamma 3, ukiumoortumik naatsorsuuseriffiusuni, ukiuni tulleriinni marlunni naatsorsuutinik oqimaaqatigiissitsinerup inernerisa angissutsit marluk sinnertarsimangippatigit, makkua:

- 1) Oqimaaqatigiitsinerup inernerisa 1,5 mio. kr. qaangertarsimangippatigit,
- 2) akiligassani piigassat peereerlugit kaaviaartitat 3 mio. kr. qaangertarsimangippatigit, aamma
- 3) ukiup naatsorsuuseriffiusup ingerlanerani tamakkiisumik sulisut agguaqatigiissillugu 12 -t.

Imm. 2. Kukkuersiuisitsinngitsoorsinnaatitaaneq imm. 1, pkt. 2-mi taaneqartoq, aningaasaateqarfinnut inuutissarsiutitut ingerlatanut atuutinngilaq pissutigalugu, tak. § 3, imm. 1, nr. 3 naapertorlugu, taakkua angissusaat apequtaatinnagu ukiumoortumik naatsorsuutiminnik nalunaarusiartik pinngitsooratik kukkuersiortussaataammasuk.

Imm. 3. Kukkuersiuisitsinngitsoorsinnaatitaaneq imm. 1, pkt. 2-mi taaneqartoq suliffeqarfinnut, suliffeqarfinnik allanik piginneqartaassutinik pigisaqartunut atuutinngilaq, aamma suliffeqarfinnut ataatsimut suliffeqarfinnulluunniit arlalinnut piginneqataanermik saniatigut, suliffeqarfiit taakkua ingerlanneqarnerinut imaluunniit aningaasaqarnikkut aqunneqarnerinut annertuumik sunniuteqartunut atuutinngilaq.

Imm. 4. Imm. 1, pkt. 2 naapertorlugu, angissuserineqartussaataasussanik naatsorsuinermi, § 7, imm. 3, atuutilertassaaq.

Imm. 5. Imm. 1, pkt. 1 naapertorlugu kukkuersiuisitsinissamik pisussaataaffik, ukiumoortumik nalunaarusiamut tapertaliullugit, immikkut ittumik nalunaarusianut, tak. § 2, imm.2 naapertorlugu, atuutinngilaq. Suliffeqarfiit naatsorsuutaasa klassiini C-mit aamma D-mit pineqartut tamarmik imaluunniit naatsorsuutit klassiinit taakunanga pineqartut suliffeqarfiit ilaasa, ukiumoortumik nalunaarusiamut tapertaliullugit, immikkut ittumik nalunaarusiaannik kukkuersiuisitseqqusilluni piumasagaatinik, Erhvervs- & Selskabstyrelse aalajangersaasinnaatitaavoq.

Imm. 6. Kukkuersiuisitsinngitsoorsinnaatitaaneq imm. 1, pkt. 2-mi taaneqartoq, suliffeqarfinnut atorreqarsinnaatitaasassanngilaq imaassimagaangat, akileraartarneq- akiitsuusiisarnerlu pillugit inatsimmik, naatsorsuuserineq pillugu inatsimmik imaluunniit ingerlatseqatigiiffiit pillugit inatsimmik unioqqutitsisimaneq pissutigalugu, pinerlussimasutut pineqaatissinneqarnini imaluunniit akiliisussanngortitaanini, suliffeqarfiup imaluunniit kisimiilluni piginnittup akuerippagu. Taamatut pineqaatissiisoqartillugu ukiumut naatsorsuuseriffiusumut tullermut tunngatillugu suliffeqarfiup pineqartup ukiumoortumik naatsorsuutaanik nalunaarusiaa kukkuersiorneqassaaq. Suliffeqarfiup ukiumoortumik naatsorsuutinik nalunaarusiaannik kukkuersiuisitsinissamut piffissarititaasoq, ukiunik naatsorsuuseriffiusunik marlunnik, Erhvervs- & Selskabstyrelse sivitsuiffigisinnaatitaavoq.

Imm. 7. Naatsorsuuserineq pillugu inatsimmut tunngatillugu imaluunniit ingerlatseqatigiiffiit pillugit inatsimmut tunngatillugu, § 159 naapertorlugu, ukiumoortumik naatsorsuutinik nalunaarusiamik misissuataarinermini, nalunaarusiaq pingaarutilinnik kukkuneqartoq imaluunniit pingaarutilinnik amigaaqartoq, Erhvervs- & Selskabstyrelsimit paasineqarpat, imm. 1, pkt. 2 naapertorlugu kukkuersiuisitsinngitsoortitsisinnaatitaanerup, ukiumi naatsorsuuseriffiusumi tullermi atorreqarsinnaatitaannginnissaa pillugu, styrelse aalajangersaasinnaatitaavoq. Taamatut pisoqarsimatillugu ukiumi tassani naatsorsuuseriffiusumi, suliffeqarfiup ukiumoortumik naatsorsuutinik nalunaarusiaa kukkuersiorneqartussaavoq.

135 a. § 135, imm. 1, pkt. 1 naapertorlugu kukkuersiuisartut naalagaaffimmit akuerisaasut kisimik imaluunniit kukkuersiuisartut nalunaarsugaasut kisimik ukiumoortumik naatsorsuutinik nalunaarusianik kukkuersiuisinnaatitaapput, taamaattorli naalagaaffimmit akuerisaasumik kukkuersiuisinnaatitaaneq aamma kukkuersiuisartut nalunaarsukkat pillugit inatsimmi, kunngip peqqussutaatigut Kalaallit Nunaannut atortussanngortinneqartumi § 4, imm 2, takuuk. Taamatuttaaq pkt. 1 malillugu aalajangersagaq atuutilertassaaq imaassimappat, § 135, imm. 1, pkt. 2 naapertorlugu kukkuersiuisitsinngitsoornissamik suliffeqarfiup akuerisaasimasup, ukiumoortumik naatsorsuutinik nalunaarusiaminik kukkuersiuisitsiniarnini toqqarpasimappagu, imaluunniit suliffeqarfiup suliamik allamik sulisitaqartitsinerminut atatillugu, ukiumoortumik nalunaarusiamut tunngasumik kukkuersiuisartuq uppersaasiortissimappagu.

Imm. 2. Suliffeqarfiup naatsorsuutit klassiini D-mi malittarisassat malillugit ukiumoortumik nalunaarsiortitsisussaataasut, nalunaarusiamik kukkuersiuisutut atorreqartut ilaat ikinnerpaamik ataaseq naalagaaffimmit akuerisaalluni kukkuersiuisartuussaq aamma kukkuersiuisitsisarfinnik naalagaaffimmit akuerisaasumik suliffiuteqartuussaaq imaluunniit tassani atorfeqartuussaaq.

Nunami maani naatsorsuutiniq aaqqissuussiviginneq

Kapitali 18

Aaqqissuussaasumik naatsorsuuserinermi il.il. pitsaassusissatut najoqqutassiat

§ 136. Erhvervs- & Selskabsstyrelsen isumagisassaraa pitsaassutsinik suliaqartoqarnissaa inatsimmik matuminnga pisariaqartitsineq naapertorlugu immersuisuusussanik ikorfartuisussanillu. Pitsaassutsit Råd-ip toqqaammavissatut aalajangigaani 78/660/EØF aamma 83/349/EØF kingusinnerusukkut allannguuteqartinneqartuni killissarititaasut iluanni, aalajangersakkanit § 11, imm. 3 malillugu saneqqutsitsinissamik piunasaqaatinut ilaasunit, pinngitsuisinnaanerit aalajangersarsinnaavai, saneqqutsitsinerlu aalajangersakkanik piviusorpalaartumik siunertaqarluartumillu atuinnissamat pisariaqartinneqartutut isigineqarpat. Pitsaassutsit takutissavaat ingerlatseqatigiiffiit eqimattakkaat sorliit pitsaassutsinik atuisinnaanersut atuisussaasullu.

Imm. 2. Erhvervs- & Selskabsstyrelseni kattuffissuarnik pituttorsimasuunngitsunik ataatsimik arlalin-nilluunniit isumaqatigiissuteqarsinnaavoq, taakkua tamakkiisumik ilaannakortumilluunniit suliaassanik imm. 1-mi malitsigitinneqartussanik isumagisaqarnissaat pillugu. Suliassap suliarineqarnissaanut aaqqissuunneqarnissaanullu erseqqinnerusumik aalajangersakkanik Erhvervs- & Selskabsstyrelseni aalajangersaasinnaavoq, matumanilu pisortat oqartussaasuisa pitsaassutsit, atuutisilinneginneranni, oqaaseqaateqarsinnaanissaat akuersissuteqarsinnaanissaalluunniit pillugu. Erhvervs- & Selskabsstyrelseni kattuffissuaq, oqaaseqatigiit siulliit malillugit isumaqatigiissuteqarfigisani, naalakkiuteqarfigisinnaavaa susasaqarfinnut, iluarsiiveqarfigisassatut pisariaqartitsinermik takutitsisunut, pitsaassutsinik immikkut ittunik inaarsaaqqullugu.

Imm. 3. Erhvervs- & Selskabsstyrelseni naatsorsuuserinermut siunnersuisoqatigiinnik pilersitsisinnaavoq, taakkununga styrelseni naatsorsuuserinermut pissutsit nalinginnaasut pillugit isumasioqateqarsinnaassalluni, aamma imm. 1-mi taaneqartutut suliaassani styrelsimut ikiorsiisinnaaqqullugit. Allatseqarfittut atuuffik Erhvervs- & Selskabsstyrelsimut isumagineqassaaq.

§ 137. Aningaasanik niuerfimmi nalunaarsorsimasut suliffeqarfiit, naatsorsuuserinermi klassi D-mi ilaasumi, tak. § 7, imm. 1 nr. 4, nunat tamalaat akornanni naatsorsuusereriaatsit atussavai, artikel 4-mi taaneqarsimasut, tak. ilanngussaq 4, aningaasanik niuerfinni nalunaarsorsimasut suliffeqarfiit piginneqatigiiffit piginnittutut naatsorsuutaanut tunngasuni Rådip peqqussutaani nunat tamalaat akornanni naatsorsuusereriaatsinut tunngasuni, taamaaqqataanik ukiumoortumik nalunaarutip ilaani, ilanngullugit nammeneq naatsorsuutaannut tunngasut, peqqussummi aalajangersakkani taaneqarsimasuni iluarsineqarsimanningsuni. Imm. 1-mi aalajangersagaq atuutissaaq, naak suliffeqarfik piginneqatigiiffissuurtut naatsorsuutiniq saqqummiutaqanngikkaluartoq. (Imm. 3 Kalaallit Nunaannut atortuulersinneqassanngilaq).

Imm. 2. Suliffeqarfiit allat, § 3 naapertorlugu, inatsimmi matumani malittarisassat malillugit ukiumoortumik nalunaarusiortussat, qinersinnaavaat ukiumoortumik nalunaarusiornissap imm. 1-mi taaneqartut iliuusissat malillugit suliarineqarnissaa.

Imm. 3. Suliffeqarfiit, imm. 1 imaluunniit 2 malillugit imm. 1-mi taaneqartunik periutsinik malinnittut, ukiumoortumik nalunaarusiornermi periutsit akuerineqarsimasut tamaasa malissavaat, ilanngullugit ukiumoortumik nalunaarusiaminni aamma piginneqatigiiffissuurtut piginnittut naatsorsuutiminni. Pitsaassusissanut tunngasut inatsimmi matumani aalajangersakkat naleqqussarpatigit, suliffeqarfiit taakku pitsaassusissamat aalajangersakkat atussavaat, inatsimmi aalajangersakkanut taarsiullugit.

Imm. 4. Erhvervs- og Selskabsstyrelseni malittarisassanik aalajangersaasinnaavoq, peqqussuttip imm. 1-mi taaneqartup atorneqarnissaanut pisariaqartunik.

Immikkoortoq X

Ukiumoortumik nalunaarusianik il. il. tamanut saqqummiussineq misissuisarnerlu

Kapitali 19

Erhvervs- & Selskabsstyrelsimut nassitsineq

Ukiumoortumik naatsorsuutininik nalunaarusiamik nassitsisarnissaq

§ 138. Suliffeqarfiit naatsorsuutit klassianni B-mi, C-mi D-milu pineqartut, ukiumoortumik nalunaarusiartik, tak. § 3, imm. 1 aamma § 7 naapertorlugu, kukkunersiortereerlugu akuerisaq pissutissaqanngitsumik kinguarsarik, Erhvervs- & Selskabsstyrelsimut nassiuttassaraat. Ukiumoortumik nalunaarusiaq styrelsimit tiguneqareersimassaaq ukiup naatsorsuusiorfiusup naaerneraniit kingusinnerpaamik qaammatit tallimat sapaatillu akunnerisa pingasut qaangiunneranni, piffissaritartil taanna sullivinnut naatsorsuutit klassianni D-mi pineqartunut qaammatinik sisamanik sapaatillu akunnerinik pingasunik sivisussuseqassaaq. Piffissarititanik taakkuninnga sanioqqutsinissaq akuerineqarsinnaanngilaq, taamaattoq tak. §§ 140 aamma 141.

Imm. 2. Ukiumoortumik nalunaarusiap nassiuunneqartup minnerpaamik imarissavai naatsorsuutit klassiini tamani pinngitsoorani ilanngunneqartariaqartut, kiisalu tak. § 135, imm. 1, aamma § 135 a, imm. 1 naapertorlugit, kukkunersiuusumit atsiugaq allatulluunniit kukkunersiuusumit oqaaseqaat. Suliffeqarfiup kissaatigippagu ilassutitut nalunaarusiat § 2, imm. 2-mi taaneqartutut tamanut saqqummiunneqarnissaat, taakku nassiuunneqassapput ukiumoortumik nalunaarusiamut pinngitsoorani ilaasussat ilanngullugit, taamaasilluni pinngitsoorani ilanngussassat tamakku ilassutitullu nalunaarusiat katillutik allakkiatut ataasiusutut "ukiumoortumik nalunaarusiaq"-mik taasatut takussusiisussanngorlugit, taamaattoq tak. imm. 3.

Imm. 3. (Kalaallit Nunaannut atortuulersinneqassanngilaq).

Imm. 4. Ukiumoortumik nalunaarusiat allakkiallu allat, styrelsimut inatsit manna naapertorlugu nassiuunneqartussat qallunaatuunngorlugit allataassapput, taamaattoq tak. § 157.

Imm. 5. Sullivik § 4, imm. 6, oqaaseqatigiit siulliit malillugit ukiumoortumik nalunaarusiamik nammeneq kajumissutsiminik nassitsissaguni, nalunaarusiarlu taanna kukkunersiugaappat, sulliviup qularnaassavaa kukkunersiuusup oqaaseqaasiussaata allakkiami ilanngunneqarnissaa.

Imm. 6. Styrelsip tamanut nalunaarutigippagu, ukiumoortumik nalunaarusiaq § 154 malillugu tamanit misissuataarneqarsinnaalersoq, taanna nutaamik ukiumoortumik nalunaarusiak allannortinneqarsinnaanngilaq, styrelsi tamatumunnga akuersisimangippat.

Suliffeqarfiit matuneqartussanngortut imaluunniit aaqqissuussivigeqqitat nassitsisarnerat

§ 139. Suliffeqarfiit matuniarneqalersut, styrelsimut § 138 naapertorlugu ukiumoortumik nalunaarusiamik nassitsisarnerminnik ingerlatsiinnarallassapput, suliffeqarfiup matuneqarluni atorunnaarsinneqaranik suliap naammassinissaa tikillugu.

Imm. 2. Taassuma saniatigut suliffeqarfiup Erhvervs- & Selskabsstyrelsimut nassiuutissavai atorunnaarsitsiniarnerup aallartinnerani naammassineranilu naatsorsuutit, tamanna suliffeqarfik pillugu inatsisini immikkut ittumik atuuttuni peqqussutaasimappat.

§ 140. Suliffeqarfinnut, akiliisinnaajunnaarnermut inatsit, Kunngip peqqussutaatigut Kalaallit Nunaannut atortuulersinneqartoq malillugu akiliisinnaajunnaalersunut, Erhvervs- & Selskabsstyrelsip akuersissutigisinnaavaa, ukiumoortumik nalunaarusiaq § 138, imm. 1-mi oqaaseqatigiit aappaanni piffissarititaasoq apequtaatinnagu, aatsaat nassiuunneqarsinnaasoq akiisinnaajunaareernerup kingorna kingusinnerpaamik qaammat ataaseq sapaatit akunnerilu pingasut qaangiunneranni styrelsimit tiguneqarnissaa qulakkeerlugu.

Piffissarititaasoq taanna qaangerneqarpat assinganik §§ 150-152 atuutissapput, tassunga akileraarutit naatsorsorneqassammata akiliisinnaajunaareernerup kingorna qaammat ataaseq sapaatit akunnerilu pingasut qaangiunneranniit.

Imm. 2. Sullivik akiliisinnaajunnaartut nalunaarutigineqarpat § 141-mi aalajangersakkat atuutissapput.

Imm. 3. Suliffeqarfinnut, akiliisinnaajunnaarnermut inatsit, Kunngip peqqussutaatigut Kalaallit Nunaannut atortuulersinneqartoq, malillugu akkorderluni sulinissamik isumatigiinniarfiusunut, imm. 1 aamma 2 assinganik atuutissapput. Ukiumoortumik nalunaarusiaq nassiunneqassaaq taamaalilluni styrelsimit tiginereersimassalluni akkorderluni sulinissap akuersissutiginereersimassalluni kingorna kingusinnerpaamik qaammat ataaseq qaangiuppat.

§ 141. Sulliviit, akiliisinnaajunnaaqasut, pillugit ukiumoortumik nalunaarusiaq Erhvervs- og Selskabsstyrelsimut nassiunneqassanngilaq.

Imm. 2. Sullivik ilannguteqqinneqarpat, ukiumoortumik nalunaarusiaq piffissamut ukiumoortumik nalunaarusiap kingullermik nassiunneqartup ullormit oqimaaqatigiissitsivianiit akiliisinnaajunnaarnerup suliarinerata naammassineqarnera sioqqullugu sulliviup ukioq naatsorsuusiortifata kingulliup naanissaa tikillugu tunngasoq sulliviup nassiutissavaa, taamaasilluni taakku styrelsimi tiginereersussanngorlugit akiliisinnaajunnaarnerup suliarineqarnerata naammassereernerani kingusinnerpaamik qaammatip ataatsip sapaatillu akunnerisa pingasut qaangiunneranni. Oqaaseqatigiinni siullerni ukiumoortumik nalunaarusianut taarsiullugu styrelsip akuerisinnaavaa, sulliviup nassiutissagaa ukiup naatsorsuusiortifilersup aallartinnerani oqimaaqatigiissitaq, ulloq akiliisinnaajunnaarnerup suliarineqarnerata naammassineqarfia killigalugu suliaasoq. Ukiumoortumik naatsorsuutininik nalunaarusiaq pkt. 1-mi taaneqartoq aamma ukiup naatsorsuusiortifilersup aallartinnerani naatsorsuutit oqimaaqatigiissitat, pkt. 2-mi taaneqartut, tak. § 135, imm. 1, pkt 1 naapertorlugu, suliffeqarfik kukkunersuiisitsinissamik pisussaaffeqarsimappat, taava naatsorsuutit kukkunersiorneqareersimassapput. Suliffeqarfik kukkunersuiisitsinissamik pisussaaffiligaasimangippat, § 9, imm. 2, aamma § 10 a, aamma § 135 a, imm. 1 pkt. 2, taamatut atuutinneqalissapput. Piffissaq nassitsivissaq qaangerneqarpat §§ 150-152 taamatulli atortuutinneqassapput, akileraarutissarli naatsorsorneqassalluni akiliisinnaajunnaarnerup suliarineqarnerata naammassereerneraniit qaammatip ataatsip sapaatillu akunnerisa pingasut qaangiunneranniit.

§ 142. Sullivimmik §§ 140-mi aamma 141-mi taaneqartuniit allaanerusumik aaqqissuussivinninniarnit sulliviup § 138, imm. 1-imi piffissaliussaq naatinnagu ukiumoortumik nalunaarusiamik nassitsinissamut pisussaaneraniit sanioqqutsissutaasinnaanngillat.

Nunani allamiut sullivii nunami maani immikkoortortallit sinnerlugit nassitsisarneq

§ 143. Immikkoortortaqaarfimmi, Erhvervs- og Selskabsstyrelsimi nunani allamiut sulliviata immikkoortortaataut nalunaarsukkami, siulersuisut nassiutissavaat nunami allami sulliviup ukiumoortumik nalunaarusiaat kukkunersiuq, taamaasilluni styrelsimi tiginereersimassalluni ukiup naatsorsuusiortifilersup naareerneraniit kingusinnerpaamik qaammatip tallimat sapaatillu akunnerisa pingasut qaangiunneranni. Piffissarititaq pillugu immikkut akuersissuteqartoqarsinnaanngilaq. Immikkoortortaqaarfiup nammineq naatsorsuutai taakkununnga taarsiullugu nassiunneqarsinnaanngillat.

Imm. 2. Ukiumoortumik nalunaarusiaq nassiunneqartoq naalagaaffimmi sulliviup attaveqarfigisaani malittarisassat malillugit suliaallunilu tamanut saqqummiussaasimassaaq.

Imm. 3. Suliffeqarfiup nunamit allameersup ukiumoortumik naatsorsuutininik nalunaarusiani, nunami maani, nunami EU-mut ilaasortaasumi imaluunniit nunami allami, Fællesskabip isumaqatigiissusiortifigisimasaani, imaluunniit Kalaallit Nunaata isumaqatigiissusiortifigisimasaani, suliffeqarfiup inatsimmit pineqartup, kukkunersiorneqqaanngikkaluarlugu nassiussinnaatitaavaa, tamanna inatsit pineqartoq naapertorlugu suliffeqarfiup pisinnaatitaaffigippagu.

§ 144. Nunami allami sullivik pigisatut sulliviuppat, immikkoortorta qarfimmi siulersuisut ukiumoortumik nalunaarusiamut § 143-mi taaneqartumut taarsiullugu piginnittutut sulliviup ingerlatseqatigiiffissuaq pillugu naatsorsuutai § 146 naapertorlugu Erhvervs- & Selskabsstyrelsimut nassiussinnaavaat,

1) suliffeqarfiuguni pigisatut suliffeqarfiuguniluunniit piginnittoq nunami maani, nunami EU-mut ilaasortaasumi imaluunniit nunami allami, Fællesskabip isumaqatigiissusiorfigisimasaani, imaluunniit Kalaallit Nunaata isumaqatigiissusiorfigisimasaani, inatsimmit pineqaruni,

2) ingerlatseqatigiiffissuup naatsorsuutai suliarineqarsimappata Rådip toqqammavigisassatut aalajangigaanut 83/349/EØF-imut naatsorsuutit patajaallisakkat pillugit kingusinnerusukkat allannguutilimmut tak. ilanngussaq 3, naapertuuttumik aammalu kukkunersiorneqarlutillu tamanut saqqummiunneqarsimappata malittarisassat taaneqartut malillugit, taamaattoq tak. § 143, imm. 3,

3) pinngitsuuisinnaaneq inatsisinut sullivimmut tunngasunut naapertuuppoq,

4) sullivik taassumalu pigisatut sulliviutai pillugit naatsorsuutit piginnittutut sulliviup ingerlatseqatigiiffissuaq pillugu naatsorsuutaani ilanngussaasimappata tamakkiisumik patajaallisaanikkut imaluunniit naatsorsuutitigoortumik nalilerlugit ilanngussinikkut annertussusiliinikkullu ingerlatseqatigiiffissuup naatsorsuutaanut ilanngunneqarsimappata.

5) sullivimmi peqataasut tamarmik ukiumi naatsorsusiorfiusumi pineqartumi periaatsimut isumaqataallutik nalunaarsimappata,

6) piginnittutut sullivik nalunaarsimappat sulliviup pisussaaffii akisussaaffigiumallugit sivikinnerpaamik qaammatinik pingasunik piffissaliinikkut akisussaaffiginnikkumanerup utertinneqarnerata tamanut saqqummiunneqarnissaa tikillugu imaluunniit immikkoortorta qarfiup peqataajumanginnerata imaluunniit styrelsip nalunaarsuiffianiit piiarneqarnerata taamatuttaaq piffissalikkamik tamanut nalunaarutigineqarnissaa tikillugu aamma

7) piginnittutut sullivik ukiumoortumik nalunaarusiamini paasissutissiippat pigisatut sullivik namminerisaminik ukiumoortumik nalunaarusiunngitsoorsimasoq suliarinninngitsoornissamik aalaja-ngersagaq atugaq nalunaarlugu.

Imm. 2. Nunami allamiut sulliviat inatsisinut imm. 1-imi eqqartorneqartunut attaveqartuunngippat, immikkoortorta qarfiup siulersuisui nunami allami sulliviup ukiumoortumik nalunaarusiaanut taarsiullugu Erhvervs- og Selskabsstyrelsimut nassiussinnaavaat piginnittutut sulliviup ingerlatseqati-giiffissuaq pillugu § 146, imm. 5, naapertorlugu naatsorsusui,ai,

1) ingerlatseqatigiiffissuaq pillugu naatsorsuutit peqqussummut imm. 1, nr. 2-mi eqqartorneqartumut naapertuuttumik suliaassappata imaluunniit peqqussummi taaneqartumi malittarisassanut nallersuunneqarsinnaassappata aamma inunnit nunagisami inatsisit, piginnittutut sulliviup malitassarisai, naapertorlugit akuerisaasunit kukkunersiugaappata, aamma

2) imm. 1, nr. 3-7-imi patsisissaatitat naammassineqarsimappata.

Sulliviit §§ 4-6-imi, 112-imi aamma 144-mi sanioqqutsissutissamik atuisut sanioqqutsineq pillugu nalunaarutinik il. il. nassitsisisarnerat

§ 145. Sulliviit § 4-mi sanioqqutsissutissamik atuisut, sanioqqutsineq pillugu nalunaarummik nassitsissapput, tassani aqutsisuusut

1) paasissutissiissallutik sanioqqutsisinnaaneq pineqartoq atorneqarsimasoq, aamma

2) sanioqqutsisinnaanermik atuinissamut patsisissaatitat naammassineqarnerat akisussaaffigiumagitsik.

Imm. 2. Ukiut naatsorsusiorfiit tamaasa sanioqqutsinermik nalunaarut nassiunneqartassaaq. Nalunaarut Erhvervs- og Selskabsstyrelsimi tiguneqareersimasassaaq § 138, imm. 1, oqaaseqatigiit aappaanni piffissaliussaq naatinngu. Piffissaliussaq taanna qaangerneqarpat §§ 150-152 taamatulli atortuutinneqassapput.

§ 146. Sulliviit, § 5, imm. 1-imi sanioqqutsisinnaanermik atuisut, Erhvervs- og Selskabsstyrelsimut nassiuttassavaat § 145 naapertorlugu sanioqqutsineq pillugu nalunaarut, ukuningga ilallugu;

- 1) § 5, imm. 1-imi taaneqartutut ingerlatseqatigiiffissuup naatsorsuutaanik,
- 2) ingerlatseqatigiiffissuup naatsorsuutaanut, ukiumoortumik nalunaarusiami imarineqartunut, tamanut saqqummiussassatut styrelsimit tiguneqareersunut, innersuussinermik, imaluunniit
- 3) ingerlatseqatigiiffissuup naatsorsuutaasa inatsisinut nunami allamiut sulliviannut atuuttunut naapertuuttumik tamanut saqqummiunneqarnerat pillugu pisortatigoortumik uppernarsaatitut allakkiamik.

Imm. 2. Sulliviit, § 5, imm. 2-mi sanioqqutsisinnaanermik atuisut, styrelsimut nassiuttassavaat sanioqqutsineq pillugu nalunaarut, ukuninnga ilallugu;

- 1) § 5, imm. 2-mi taaneqartutut ukiumoortumik nalunaarusiamik imaluunniit
- 2) ukiumoortumik nalunaarusiamut sulliviup naatsorsuutaanik ilanngussiviusumut styrelsimiillu tamanut saqqummiussassatut tiguneqareersumut innersuussummik.

Imm. 3. Sulliviit, § 5, imm. 3-mi sanioqqutsisinnaanermik atuisut styrelsimut nassiuttassavaat § 145 naapertorlugu sanioqqutsineq pillugu nalunaarut ilanngussivigalugu

- 1) § 5, imm. 3-mi taaneqartutut ukiumoortumik nalunaarusiamik imaluunniit
- 2) ukiumoortumik nalunaarusiap inatsisinut nunami allamiut sulliviannut atuuttunut naapertuuttumik tamanut saqqummiunneqarneranut pisortatigoortumik uppernarsaatitut allakkiamik.

Imm. 4. Sulliviit, § 6, imm. 1-imi sanioqqutsisinnaanermik atuisut, styrelsimut nassiuttassavaat § 145 naapertorlugu sanioqqutsineq pillugu nalunaarut ilanngussivigalugu

- 1) § 6, imm. 1-imi taaneqartutut ingerlatseqatigiiffissuup naatsorsuutaanik, imaluunniit
- 2) ingerlatseqatigiiffissuup naatsorsuutaanut, ukiumoortumik nalunaarusiami imarineqartunut styrelsimit tamanut saqqummiussassatut tiguneqareersunut innersuussummik. Tamatuma saniatigut § 6, imm. 1, nr. 4-mi aamma 5-imi nalunaarutit taaneqartut nassiunneqassapput. Nalunaarut kingullertut taaneqartoq ukiumut naatsorsuusiorfimmuut siullermut sanioqqutsinermik atuiffiusumut tunngatitatut nassiunneqassaaq.

Imm. 5. § 144-mi sanioqqutsissutaasinnaasut atorneqassappata, immikkoortorta qarfinni siulersuisut Erhvervs- og Selskabsstyrelsimut nassiutissavaat § 145 naapertorlugu sanioqqutsineq pillugu nalunaarut ilanngussivigalugu

- 1) § 144, imm. 1-imi imaluunniit 2-mi taaneqartutut ingerlatseqatigiiffissuup naatsorsuutaanik aamma
- 2) § 144, imm. 1, nr. 5-imi 6-imi taaneqartutut nalunaarutit, kingullertut taaneqartumik nalunaarut taamaallaat ukiumut naatsorsuusiorfimmuut siullermik sanioqqutsisinnaanermik atuiffiusumut tunngatitatut nassiunneqassalluni.

§ 147. Sullivik, ingerlatseqatigiiffissuarmi piginnittutut sullivik qulliunerusoq pillugu § 112-imut naapertuuttunik ingerlatseqatigiiffissuup naatsorsuutaanik nassitsisussaq, allatigut sukumii-nerusunik paasissutissanik, styrelsip tamanut saqqummiussinissaq siunertaralugu piumasarisimasinnaasaanik nassitsisssaaq, tamatumani ingerlatseqatigiiffissuup naatsorsuutaani inatsit manna malillugu imaritinneqareersimasussat saniatigut paasissutissiinissaq piumasarineqarsinnaanani, taamaattoq tak. § 160.

Aktiaateqarluni ingerlatseqatigiiffiit naalagaaffimmit pigineqartut ukiup affaanoortumik nalunaarusiamik nassitsisarnerat

§ 148. Aktieselskabit pillugit inatsimmi, kunngip peqqussutaatigut Kalaallit Nunaannut atortussanngortinneqartumi, tak. § 2 a, imm. 2 naapertorlugu, naalagaaffiup aktieselskabiutaasa malittarisassaat malillugit aktieselskabit ingerlanneqartut, ukiup affakkaartumik nalunaarusiaminik nassitsisassaaq, taamaasilluni nalunaarusiaq qaammatit arfinillit piffissarititaasup pineqartup naaneriit, kingusinnerpaamik qaammatit marluk sapaatillu akunneri pingasut qaangiutinnagit Erhvervs- & Selskabsstyrelsimit tiguneqareertussanngorlugu.

Imm. 2. Ukiup affaanoortumik nalunaarusiamik nassitsinngitsoornermi styrelsi § 162, imm. 1, nr. 1, naapertorlugu pingitsaaliissutinik akiliisitsisalersinnaavoq.

§ 148 a. Sulliviit børsimi nalunaarsorsimasut ukiup affaanortumik nalunaarusiaasa tamanut saqqummiunneqarnissaat aamma Erhvervs- & Selskabsstyrelsimut nassiunneqarnissaat pillugit Erhvervs- og Selskabsstyrelsi maleruagassanik aalajangersaasinnaavoq. Tamanna aamma atuuppoq ukiup ilaanortumik nalunaarusianut, § 134 a, imm. 1 tunngavigalugu qaammatini 6-nit sivikinnerusumut atuuttumik piffissami sivikinnerusumut nammineq piumassuseq naapertorlugu suliarineqartunut. Matumani styrelsip aalajangersinnaavaa sulliviup siulersuisuinit aqutsisuinullu ilaasortat oqaaseqatigiit siulliit aappaallu malillugit ukiup ilaanortumik nalunaarusiamik nassiussinngitsoornermi pinngitsaaliissummik akiliisitaanissaasa naalakkiutiginnissaa pillugu.

Sulliviup ukiumut nalunaarusiamik nammineerluni tamanut saqqummiussisarnera

§ 149. Sulliviup ukiumoortumik nalunaarusiaq tamakkiisuutillugu nammineq tamanut saqummiutissappagu, tamanna pissaaq inatsit malillugu pisussaaffiusumik ilusiliinikkut oqaasertaliinikkullu imaluunniit nammineq kajumissutsimik kukkunersuisitsereernikkut.

Imm. 2. Sullivik ukiumoortumik nalunaarusiamik tamakkiisuunngitsumik tamanut saqqummiussissappat, tamanut saqqummiussanit ersarissumik takuneqarsinnaaassaaq ukiumoortumik nalunaarusiap naalisagaanera, aammalu ukiumoortumik nalunaarusiap tamakkiisuusup Erhvervs- & Selskabsstyrelsimi atuarneqarsinnaanera, imaluunniit taamaasiortoqarsinnaanngippat ukiumoortumik nalunaarusiap styrelsimut nassiunneqarsimannginnera. Kukkunersuisut atsiugaat tamanut saqqummiussami naalisakkami ilaatinneqartariaqanngilaq, tamanulli saqqummiussamit ersarissumik takuneqarsinnaaassaaq kukkunersuisup nangaassuteqarsimanissaa imaluunniit kukkunersuineq pillugu ilassutitut paasissutissalikkamik oqaaseqaasiisimanissaa.

Ukiumoortumik nalunaarusiamik imaluunniit sanioqqutsineq pillugu nalunaarummik tigusaqanngitsoorneq imaluunniit kingusinaartumik tigusaqarneq

§ 150. Ukiumoortumik nalunaarusiaq imaluunniit sanioqqutsineq pillugu nalunaarut § 138, imm. 1, oqaaseqatigiit aappaanni piffissarititaq naareersoq Erhvervs- & Selskabsstyrelsimi tiguneqarsimanngippat styrelsi sullivimmi aqutsisuinit allakkatigut piumasaqaateqassaaq sulliviup ukiumoortumik nalunaarusiaa imaluunniit sanioqqutsineq pillugu nalunaarutaa nassiuteqqullugu. Allakkatigut piumasaqaatit taamatutaaq ittut immikkoortortaqrifiup siulersuisuinit nassiunneqassappat, nunami allamiut sulliviutaat nunami maani nalunaarsukkamik immikkoortortalik pillugu ukiumoortumik nalunaarusiaq imaluunniit sanioqqutsineq pillugu nalunaarut § 143, imm. 1-imi piffissarititaq naareersoq tiguneqarsimassanngippat.

Imm. 2. Allakkatigut piumasaqaammi nalunaarneqassaaq ukiumoortumik nalunaarusiamik nassitsinissamat piffissaliusaaq allakkat ullulernerqarneranniit sapaatit akunnerinik pingasunik ulluinnarnillu arfineq-pingasunik sivilissusiligaaq. Ukiumoortumik nalunaarusiaq imaluunniit sanioqqutsineq pillugu nalunaarut piffissaliusaaq taanna naatinnagu styrelsimi tiguneqassappat, styrelsi kingusinaarnerup nassatarisaatut iliuseqaqqissanngilaq.

Imm. 3. Allakkani piumasaqaatalinni aammattaq taaneqassaaq piffissaliusaaq allakkat ulluanniit sapaatit akunnerinik arfineq-marlunnik sivilissusilik. Tamanna pereerpat ukiumoortumik nalunaarusiaq imaluunniit sanioqqutsineq pillugu nalunaarut piffissaliusaaq taanna naatinnagu tiguneqanngippat, styrelsi aalajangiisinnavaoq Kalaallit Nunaanni Landsreti qinnuigineqassasoq sullivimmik atorunnaarsitsinialeqqullugu tamanna pillugu inatsisit sullivimmut atuuttut naapertorlugit. Allakkat piumasaqaatit nunami allamiut sulliviata immikkoortortaanut tunngasuussappata, aammalu piffissaliusaaq oqaaseqatigiinni siullerni pineqartoq naatinnagu ukiumoortumik nalunaarusiaq tiguneqanngippat styrelsi aalajangersinnaavoq immikkoortortaqrifik nalunaarsuiffimmiit peerneqassasoq tamanna pillugu inatsisinut immikkoortortaqrifimmut atuuttunut naapertuuttumik.

§ 151. Piumasaqaatit allakkat ulluanniit sapaatit akunnerinik pingasunik ulluinnarnillu arfineq-pingasunik piffissarititaasup, tak. § 150, imm. 2, naareerneratigut ukiumoortumik nalunaarusiaq imaluunniit sanioqqutsineq pillugu nalunaarut tiguneqarpat Erhvervs- & Selskabsstyrelsen sullivimmi taamatullu immikkoortortaqaarfimmi akisussaaffiginnittutut aqutsisuni qullerpaani ilaasortaat tamaasa immikkut akileraarusissavai.

Imm. 2. Akileraarusiussaq naatsorsorneqassaaq § 138, imm. 1, oqaaseqatigiit aappaanni piffissaliussap naaneraniit.

Imm. 3. Akileraarusiussaq aqutsisuni taamatullu immikkoortortaqaarfiup siulersuisuini ilaasortamut ataatsimut qaammatip siullup aallartinnerani 500 kr.-iussaaq, qaammatit aappassaata aallartinnerani katillugit 2.000 kr.-iulluni qaammatillu pingajussaata aallartinnerani katillugit 3.000 kr.-iulluni. Akileraarusiussaq aqutsisuusuni taamatullu immikkoortortaqaarfiup siulersuisuini ilaasortamut ataatsimut annerpaamik 3.000 kr.-iusinnaavoq.

Imm. 4. Akileraarusiussaq tamarmiisoq appariartinneqartassaaq, aqutsisuusuni taamatullu immikkoortortaqaarfimmi siulersuisuni ilaasortaq pineqartoq piffissami tassanissaaq ukiumoortumik nalunaarusiamik imaluunniit sanioqqutsineq pillugu nalunaarummik nassiussaqanngitsoorneq pillugu § 162, imm. 1, nr. 1, naapertorlugu pinngitsaaliissummik akiliisitsissummik akiliisimagaangat.

Imm. 5. Imm. 3 malillugu akileraarusiussat naalagaaffiup karsianut nakkartinneqassapput qularnaveeqqusiinikkullu akilersinniarneqarsinnaallutik akiliisitsiniartarfittut oqartussaasunit.

Imm. 6. (Kalaallit Nunaannut atortuulersinneqassanngilaq).

§ 152. Pissutsini immikkut illuinnartuni aqutsisuusuni taamatullu immikkoortortaqaarfimmi siulersuisuni ilaasortaq Erhvervs- & Selskabsstyrelsen § 151 malillugu akileraarusiussamik tamakkiiisumik ilaannakortumilluunniit akiliisussaajunnaarsinnaavaa, pineqartup taassuma styrelsimut uppersarsinnaassappagu, nammineq nassitsinissaq il. il. siuarsarniarsimagaluarini, taamaattumillu kingusinaarneq imminut nammagassanngortinneqarsinnaanngitsoq.

Imm. 2. Pissutsit akisussaaffiginnilersitsissutaasut sullivimmi atorfilinnik, siunnersortinik assigisaannilluunniit pisuuffigineqartut aqutsisuusuni ilaasortat akisussaaffiginnitsitaanissaannut sakkuginiarneqarsinnaanngillat.

Piffissaliussanik naatsorsuineq

§ 153. Piffissaliussat, inatsit manna naapertorlugu aalajangerneqartut imaluunniit inatsimmi matumani aalajangigaasut, aallartittassapput ullormiit pisup piffissaliisitsisuusup piffiata aqaguaniit ulloq taanna ilanngullugu. Tamanna atuutissaaq ulluni, taamatullu sapaatit akunnerini, qaammatini ukiunillu piffissaliinissaq siunertaralugu naatsorsuinerni.

Imm. 2. Piffissaliussaq qaammatinut taggissaappat, naassaaq, tak. imm. 1, qaammatip ulluani pisup piffigisaani. Ulloq pisup piffissaliisitsisuusup piffia qaammatip ulluisa kinngullersarippassuk, imaluunniit piffissaliussaq ullormi qaammatip ullorinngisaani naassaaq, piffissaliussaq tamatigut naassaaq qaammatip qassinik ulloqarnera apeqqutaatinnagu ulluisa kinngullersaanni.

Imm. 4. Piffissaliussaq ukiunut taggissaappat, naassaaq, tak. imm. 1, ukiup ulluani pisup piffissaliisitsisuusup piffiani.

Imm. 5. Piffissaliussaq sapaatit akunnerata naanerani, nalliuttumi, inatsisitaarfimmi, juulliaqqami imaluunniit ukiutoqqami naassappat, ulluinnarmut siullertut tulliuttumut sivitsorneqassaaq.

Kapitali 20

Tamanut saqqummiussineq.

Nassitsisarneq tamanullu saqqummiussineq il. il. pillugit malittarisassat sukumiinerusut

Aktieselskabit naalagaaffimmit pigineqartut pillugit annertusisamik paasisaqarsinnaaneq

Tamanut saqqummiussineq

§ 154. Naalagaaffiup aktieselskabiutaasa malittarisassaas malillugit, ingerlatseqatigiiffiit aktieselskabit ingerlanneqartut, inatsimmi kunnigip peqqussutaatigut Kalaallit Nunaannut atortussanngortinneqartumi, tak. § 2 a, imm. 2 naapertorlugu, suliffeqarfiup naatsorsuutaanik aallarnisaataasumik atorunnaarsitsiniarnerni inaarutaasumillu naatsorsuusiornermut taarsiullugu kiisalu ukiup affakkaartumik nalunaarusiornermut taarsiullugit, ukiumoortumik naatsorsuutiniq nalunaarusiamik, naatsorsuutiniq nalunaarusiunngitsoorneq pillugu nalunaarummik il. il., nalunaarutiniq taamaattunik Erhvervs- & Selskabsstyrelsi tigusaqarniarluni, taakkua pisortatigoortumik nalunaarutigalugit avammut saqqummiuttassavai.

Imm. 2. Allakkiat, takussutissat kikkunnilluunniit tamanit takuneqarsinnaassapput.

Nassitsisarneq tamanullu saqqummiussineq il. il. pillugit erseqqinnerusumik maleruagassat

§ 155. Allakkat, assiliasat allagaatillu allat, Erhvervs- & Selskabsstyrelsimiit suliaasussat pappialatigut qarasaasiatigulluunniit suliaasinnaapput. Allagaatit inatsisit naapertorlugit ilusaat apeqqutaa-tinnagu naligititaassapput. Allagaatit atsiugaasinnaapput atsiugaanatilluunniit, atsiuineq maskiinamik digitalimilluunniit assilinqarsimasinnaavoq imaluunniit styrelsiq toqqagaa malillugu tamakkununga assingusuusinnaavoq.

Imm. 2. Ukiumoortumik nalunaarusiat allagaatillu allat, styrelsemit inatsit manna naapertorlugu tiguneqartartut, pappialanut naqitatut taamatullu qarasaasiatigoortitatut iluseqarsinnaapput. Allagaatit ilusaat apeqqutaanani inatsisit naapertorlugit naligititaapput. Allagaatit inummit namminermit atsiugaasinnaapput, atsiuineq assilillugu maskiinamik allataasinnaapput, digitalimik atsiuinerusinnaallutik imaluunniit styrelsiq sukumiinerusumik aalajangersaanera malillugu tamakkununga assingusumik atsiuinerusinnaalluni. Allagaatiniq eqqartorneqartunin qarasaasiatigut nassitsisarneq pillugu malittarisassanik styrelsi aalajangersaassaaq, tamatumani aamma nassitsinerup styrelsimiit aqqissuussatut iliorluni pinissaa pillugu. Styrelsi aammattaq qarasaasiatigoortitsisarnermut erseqqinnerusumik piumasaaqateqarsinnaavoq.

Imm. 3. Ukiumoortumik nalunaarusianik nalunaarusiunngitsoornermillu nalunaarutiniq il. il., aktieselskabit pillugit inatsimmi, kunnigip peqqussutaatigut Kalaallit Nunaannut atortussanngortinneqartumi, tak. § 2 a, imm. 2 naapertorlugu, naalagaaffiup aktieselskabiutaasa malittarisassaas malillugit aktieselskabit ingerlanneqartut kiisalu ukiup affakkaartumik nalunaarusiaanik nassitsisarneq tamanullu saqqummiussisarneq pillugit maleruagassanik styrelsi aalajangersaasussaataavoq. Styrelsi tamatumani aamma maleruagassiorsinnaavoq naatsorsuutiniq atuisut allagaatinut styrelsimiit tamanut saqqummiussanut qarasaasiatigoortumik paasisassarsiorfiginnissinnaanerit pillugu. Styrelsi aammattaq maleruagassiussaaq ukiumoortumik nalunaarusianik tamanut saqqummiussanik allanngortitsisarneq tamatumalu kingunerisassai pillugit.

§ 156. Erhvervs- og Selskabsstyrelsi maleruagassiorsinnaavoq allagaatit il. il., inatsit manna naapertorlugu tamanit atuarneqarsinnaasut, nuutinnerinut styrelsiq edb-kkoortitaanik atuinnermut, sullissinerit ilaannut immikkut akitigut aalajangersaavigineqanngitsunut kiisalu kingusinaartumik akiliinerni eqqaasitsissutitut allakkanut il. il. akiliuteqarnissaq pillugu.

Imm. 2. Styrelsi maleruagassiorsinnaavoq inatsimmik matumanga aqutsiviginninnermut tamatumunngalu atasumik misissuisarnernut, aningaasaatinin annaasat pillugit ingerlatseqatigiiffiit maleruagassaannik aammalu ukiumoortumik nalunaarusianik misissuiffiginninnermut atasumik sullivimmi peqataasunut allanullu inatsisinik unioqqutitsisunut taarsigassarsiarititanik aqutsiviginninnermut kiisalu naatsorsuutit pillugu assigiiaanik pitsaassusiliornerup nunallu tamalaat pitsaassusiliaasa akuersissutigineqartarnerisa aqutsivigineqarnerannut ukiumoortumik akiliuteqarnissaq pillugu, tak. § 136.

Imm. 3. Erhvervs- og Selskabsstyrelse aningaasanik niuerfimmi nalunaarsorneqarsimasunit suliffeqarfinnit tamanit ukiumoortumik akileraarummik akiligassiissaaq, inatsimmut attuumassuteqartumik ingerlaturanut nakkutilliinermut, tak. §159a. Suliffeqarfiit, nalunaarsorneqarsimasut niuernermi naligisa imaluunniit pappiaqqanik aningaasanik nalilinnik niuerutaat 1 mia.korooniuppata imaluunniit ullormi naligiisitsiffimmi anneruppata, ukiumut 45.000 korooninik akiliissapput. Suliffeqarfiit nalunaarsorneqarsimasut niuernermi naligisa imaluunniit pappiaqqanik aningaasanik nalilinnik niuerutaat 250 mio. korooniuppata imaluunniit amerlanerullutik kisianni ullormi naligiisitsiffimmi 1 mia.koroonit ataaniillutik ukiumut 30.000 korooninik akiliissapput, suliffeqarfiilli nalunaarsorneqarsimasut niuernermi naligisa imaluunniit pappiaqqanik aningaasanik nalilinnik niuerutaat ullormi naligiisitsiffimmi 250. mio. koroonit ataassimappatigit ukiumut 15.000 korooninik akiliissapput. Akitsuutitut akiliutit taamaattut akilersinniartarneri pillugit erseqqinnerusumik maleruagassat Erhvervs- og Selskabsstyrelsip aalajangersassavai.

§ 157. Erhvervs- og Selskabsstyrelse aalajangiisinnaavoq allagaatit ilaasa qallunaatut oqaasertaqarnissaannik piunasaqaammik atuinngitsoornissaq pillugu. Aammattaaq styrelsi tamanut saqqummiussinerup siunertaminik naammassinnissinnaanera naliliiffigereerlugu qallunaatut oqaasertaliinissamik piunasaqaammik aalajangersimasunut atuisitsinngitsoorsinnaavoq piunasarisinnaallugulu, tamanna styrelsimit pisariaqartutut isumaqarfigineqassappat, sulliviup allagaatit nutserne-qarnerinik uppernarsaasikkanik kingusinnerusukkut nassitsinissaa.

Naalagaaffiup aktieselskabiutai pillugu tamanut ammatitsinerunissaq

§ 158. Aktieselskabit pillugit inatsimmi, kunngip peqqussutaatigit Kalaallit Nunaannut atortussanngortinneqartumi, tak. § 2 a, imm. 2 naapertorlugu, naalagaaffiup aktieselskabiutaasa malitarisassaasat malillugit aktieselskabit ingerlanneqartut, ataatsimeersuarnissaq kingusinnerpaamik ullunik 14-inik sioqqullugu tusagassiuisunut tamatuminniga kissaateqartunut nassiuttassavaat selskabip ukiumoortumik nalunaarusiaata naqinnera ataaseq, kiisalu selskabip pingaarnertut allaffiani taama ittoq kikkunnulluunniit kissaateqartunut tunniuttassallugu.

Kapitali 21

Ukiumoortumik nalunaarusianik il. il. misissuiffiginninneq

Misissugassanik tiguisarneq

§ 159. Aktieselskabit pillugit inatsimmi, kunngip peqqussutaatigit Kalaallit Nunaannut atortussanngortinneqartumi, tak. § 2 a, imm. 2 naapertorlugu, naalagaaffiup aktieselskabiutaasa malittarisassaasat malillugit, ingerlatseqatigiiffiit aktieselskabit ingerlanneqartut, ukiumoortumik nalunaarusiaminnik aamma ukiup affakkaartumik nalunaarusiaminnik il. il., Erhvervs- og Selskabsstyrelsi nassiuttagaannut taarsiullugu, ukiumoortumik nalunaarusianik ajornanngippallu tassunga ilanngullugit kukkunerisuiasimasumit oqaaseqaatinik nalunaarusiunngitsoornerlu pillugu nalunaarutininik nassiunneqartunik tiguisimasaminnik, siumut ilisimatitseqqaarani misiliutinik ataasiakkaanik misissuisarneq peruseralugu Erhvervs- og Selskabsstyrelsi misissuisassaaq, kiisalu suliffeqarfinnut børsimi nalunaarsukkat ukiup ilaannaanoortumik nalunaarusiaannik imminut nassiussanik tigulaariffiginnittassaaq paasiumallugu inatsimmi matumani imaluunniit inatsit manna naapertorlugu aalajangersakkanik umioqquutitsisoqarsimannginnersoq, aamma naatsorsuutitut allattuisarneq pillugu inatsimmik, kunngip peqqussutaatigit Kalaallit Nunaannut atortuulersinneqartumik, aktieselskabit pillugit inatsimmik, kunngip peqqussutaatigit Kalaallit

Nunaannut atortuulersinneqartumik, anpartsselskabit pillugit inatsimmik, kunngip peqqussutaatigut Kalaallit Nunaannut atortuulersinneqartumik, aningaasaateqarfiit inuussutissarsiutit ingerlatat ilaat pillugit inatsimmik, kunngip peqqussutaatigut Kalaallit Nunaannut atortuulersinneqartumik, aningaasaateqarfiit inuussutissarsiutit ingerlatsisut pillugit inatsimmik, kunngip peqqussutaatigut Kalaallit Nunaannut atortuulersinneqartumik, kukkuniuisut naalagaaffimmit akuerisat pillugit inatsimmik, kunngip peqqussutaatigut Kalaallit Nunaannut atortuulersinneqartumik aamma kukkuniuisut nalunaarsukkat pillugit inatsimmik, kunngip peqqussutaatigut Kalaallit Nunaannut atortuulersinneqartumi malittarisassanik unioqqutitsisoqarsimannginnersoq paasiniartassallugu. Ukiumoortumik nalunaarut nunat tamalaat akornanni naatsorsuuserisarnermi periutsit atorlugit saqqummiunneqarsimappat, tak. § 137, Erhvervs- og Selskabsstyrelsep aammattaaq misissussavaa ilumut ukiumoortumik nalunaarut periusissaasut malillugit saqqummiunneqarsimanersoq. Ingerlatsiviit, taakku pappiaqqat aningaasanik nalillit pigisaat Kalaallit Nunaanni niuerfiusinnaasuni niuerutaasinnaasutut tiguneqarsimasut, pitsaassusissaasa aamma ukiumut nalunaarutini aamma ukiup ilaanut nalunaarutini aningaasalersuinermit tunngasuni malittarisassanik eqqortitsinersut misilittanerneri Fondsrådimit isumagineqassapput, tak. § 159 a.

Imm. 2. Styrelsip ukiumoortumik nalunaarusianik il. il. misissugassatut toqqartuinermit tunngavigisassanik allanik aammattaaq atuisinnaavoq.

*Ingerlatsiviit nalunaarsorneqarsimasut ukiumut aamma ukiup ilaanut nalunaarutaasa
Fondsrådimit nakkutigineri*

Ingerlatsiviit, taakku pappiaqqat aningaasanik nalillit pigisaat Kalaallit Nunaanni niuerfiusinnaasuni niuerutaasinnaasutut tiguneqarsimasut imm. 2 aamma 3-mi taaneqarsimasut pitsaassutsit aamma ukiumoortumik aamma ukiup ilaanoortumik nalunaarutip aningaasalersuinermit paasissutissanik imaqarneri pillugit Fondsrådip nakkutigissavai. Tamatumunnga atatillugu Erhvervs- og Selskabsstyrelsi Fondsrådip allaffeqarfiatut atuuppoq aammalu taanna sinnerlugu saqqummertassalluni, tak. pappiaqqanik aningaasanik nalilinnik il.il niuerneq pillugu inatsisip Kalaallit Nunaannut atortuulersinneqarnissaa pillugu peqqussummi § 83, imm. 2.

Imm. 2. Fondsrådip alaatsinaassavaa, ukiumoortumik aamma ukiup ilaanut nalunaarutit, ingerlatsivinnit taakku pappiaqqanik aningaasanik nalilinnik pigisaannik Kalaallit Nunaanni niuerfiusinnaasuni niuerutaasinnaasutut tiguneqarsimasuni aamma naatsorsuuserisarnermi klasse D-mi ilaatinneqartuni, nunat tamalaat akornanni naatsorsuuserisarnermi periutsit aningaasalersuinermit paasissutissiisarneq pillugu malittarisassat eqqortinneqarnerisut, tak. nunat tamalaat akornanni naatsorsuusereriaatsit atorineqarsinnaanerit pillugu Rådip peqqussutaa, tak. nunat tamalaat akornanni naatsorsuusereriaatsit atorineqarnissaat pillugu Rådip peqqussutaa aamma inatsisip matumap § 137-a, taamatullu malittarisassat imaluunniit inatsit taanna naapertorlugu aalajangikkat.

Imm. 3. Ukiumoortumik nalunaarutit aamma ukiup ilaanut nalunaarutit, ingerlatsivinnit saqqummiunneqartut, taakkua pappiaqqanik aningaasanik nalilinnik pigisaannik Kalaallit Nunaanni niuerfiusinnaasuni niuerutaasinnaasutut tiguneqarsimasuni aamma naatsorsuuserinermit A-mi pineqartuni aamma taamaallaat ingerlatsiviup nammineq atugassarinnngisaani, tak. § 3, imm. 2 taamatutaaq Rådip nakkutigisassaanut ilaammata.

Imm. 4. Fondsrådip nakkutilliinerani nassiussinissamut killissaritinneqartut eqqortinneqarnerinik Erhvervs-og Selskabsstyrelsimi saqqummiunneqarnissaannut tunngasuni nakkutilliineq ilaatinneqanngilaq.

Imm. 5. Imm. 2 aamma 3 malillugu nakkutillinnermut tunngatillugu, Fonsdrådip ingerlatissavai piginnaatitaaffiit, Erhvervs- og Selskabsstyrelsimut tunniunneqarsimasut §§ 160 aamma 161 aamma 162, imm. 1 nr. 2 aamma 3-mi taamatullu pappiaqqat aningaasanik nalillit il.il. pillugit inatsisip Kalaallit Nunaannut atortuulersinneqarnerani peqqussummi § 83, imm.2.

Taamatuttaa q Fonsdrådip piginnaatitaaffiit ingerlatissavai rådimum tunniunneqarsimasut pappiaqqanik aningaasanik nalilinnik il.il. niuerneq pillugu inatsisip Kalaallit Nunaannut atortussanngortinneqarnissaa pillugu peqqussummi § 83, imm. 3 malillugu.

Imm. 6. Ingerlatsiviup, taassuma pappiaqqanik aningaasanik nalilinnik pigisaanik Kalaallit Nunaani niuerfiusinnaasuni niuerutaasinnaasutut tiguneqarsimasuni, inatsit manna malillugu pisussaaffini eqqortinngippagit, ingerlatsivik pineqartoq Fonsdrådip pissutsinik allannguissaanik piuaaffigisinnaavaa, ilanngullugu allannguutininik imaluunniit paasissutissanik amerlanerusunik saqqummiussaqarnissaanik pisussaaffilersinnaallugu. Pissusissamisoorineqarpat Fonsdrådip nammineerluni paasissutissat pineqartut tamanut saqqummiussinnaavai, naalakkiut tamanut saqqummiussinnaavaa imaluunniit atorunnaarsissinnaallugit imaluunniit aningaasanik pappiaqqat aningaasanik nalillit aningaasanik niuerfimmi nalunaarsorneqarsimasut pineqartut peersinnaavai imaluunniit kikkunniluunniit niuerfigineqarsinnaasutut akuerineqarsimasuni ilanngunneqarnissaat peersinnaallugu. Imm. 1 malillugu piunasaqaat ingerlasivup naammassiumanngippagu, ingerlatsiviup siulersuisui, aqutsisui imaluunniit taamaaqqataat akisussaasut Fonsdrådimit pinngitsaaliissutitut ullormut imaluunniit sapaatip akunnikkaartunik akiliuteqartussanngortinneqarsinnaapput.

Paasissutisseeqqusineq

§ 160. Erhvervs- og Selskabsstyrelsip sullivik, taassuma aqutsisui imaluunniit kukkunersuisua piuaaffigisinnaavai paasissutisseeqqullugit § 159, imm. 1-imi taaneqartutut inatsisinik sulliviullu malittarisassaanic unioqqutitsisoqarsimasinnaanerata imaluunniit unioqqutitsisimanerup atuukkunnaarsimanerata isummerfiginiarnissaannut pisariaqartinneqartunik. Aammattaaq Erhvervs- og Selskabsstyrelsi, ingerlatsivimmit, taassumap pappiaqqanik aningaasanik nalilinnik pigisaanik Kalaallit Nunaanni niuerfinni niuerutaasinnaasutut tiguneqarsimasumit, taassuma aqutsisui inat imaluunniit kukkunersuisuanit paasissutissat piunasinnaavai, qularnaarumallugu ukiumoortumik nalunaarutit, nunat tamalaat akornanni naatsorsuusereriaatsit malillugit saqqummiunneqarsimaneri pisimanersut qularnaarnissaannut pisariaqartinneqartut, saqqummiunneqarsimanersut pitsaassusissamik piunasaqaatit naapertorlugit, tak. § 137.

Inatsisinik unioqqutitsinerit qisuariatfigineqarnerat

§ 161. Inatsimmi § 159, imm. 1-imi taaneqartunik eqqortumik malinninnissaq qulakkeerniarlugu Erhvervs- & Selskabsstyrelsi;

- 1) ilitersuisarsinnaavoq,
- 2) unioqqutitsinerit avoqqaarisinnaallugit aamma
- 3) kukkunerit iluarsineqarnissaat unioqqutitsinerillu unitsinneqarnissaat peqqussutigisinnaavaa kiisalu § 135, imm. 6, pkt. 3-mi, aamma imm. 7-mi taaneqareersut tunngavigalugit aalajangiisnaatitaalluni.

Immikkoortoq XI

Pinngitsaaliinikkut akiliisitsinerit. Naammagittaalliorsinnaaneq. Pineqaatissiisutit. Atortuulersitsineq

Kapitali 22

Pinngitsaaliinikkut akiliisitsinerit

§ 162. Sulliviup siulersuisuini, qullersaqarfiani assingusutulluunniit akisussaaffiginnittutut aqut-sisoqarfiani ilaasortat Erhvervs- og Selskabsstyrelsimit pinngitsaaliisutit akiliisitassanngortinneqarsinnaapput ullormoortunik imaluunniit sapaatit akunneranoortunik,

- 1) allakkianik piffissaliussaq eqqorlugu aammalu §§ 138-148-mut imaluunniit inatsit manna naapertorlugu aalajangersakkanut naapertuuttunik sulianik nassitsinngitsoorpata,
- 2) styrelsip § 160 naapertorlugu piumasaanik paasissutissiinnigippata imaluunniit
- 3) styrelsip § 160, nr. 3 naapertorlugu pequssutigisaanik naammassinninngippata.

Imm. 2. Sulliviup kukkuniarsuisua taamatuttaaq pinngitsaaliisutit akiliisussanngortitaasinnaavoq, angutaaguni/arnaaguni § 160 naapertorlugu paasissutissiinnigitsoorsimaguni.

Imm. 3. Pinngitsaaliisutit akiliisitsissutit, naalagaaffiup karsiata pisassai, qularnaveeqqusii-titsinikkut akiisitsiniarnermi oqartussaasunit akilersinniarneqarsinnaapput.

Imm. 4. (Kalaallit Nunaannut atortuulersinneqassanngilaq).

Kapitali 23

Naammagittaalliorsinnaaneq

§ 163. Inatsit malillugu Erhvervs- & Selskabsstyrelsip aalajangigai aamma inatsit naapertorlugu nalunaarutit tunniunneqartut, Erhvervsankenævnumut naammagittaalliutigineqarsinnaapput, aalajangiinerup pineqartumut nalunaarutigineqarneraniit kingusinnerpaamik sapaatit akunneri arfineq-marluk qaangiutsinnagit naammagittaalliutiginiagaq tunniunneqartassaaq.

Imm. 2. Taamaattorli § 150, imm. 3, aamma §§ 159 aamma 160 naapertorlugit aalajangikkat kiisalu piffissaliussamik sivitsuiniarluni kissaatinik itigartitsissutit ingerlatsinermi oqartussanut qulliunerusunut ingerlateqqinneqarsinnaanngillat.

Imm. 3. Inatsit manna malillugu Fondsrådet aalajangiineri, § 160 malillugu aalajangiinerit pinnagit Erhvervsankenævnumut suliassanngortinneqarsinnaapput, aalajangiinerup pineqartumut nalunaarutigineranit, kingusinnerpaamik sapaatip akunneri arfineq-marluk qaangiutsinnagit, tak. pappiaqqanik aningaasanik nalilinnik il.il. niuerneq pillugu inatsisip Kalaallit Nunaannut atortussanngortinneqarnissaa pillugu peqqussummi § 88, imm.1.

Kapitali 24

Pineqaatissiisutit

§ 164. Kalaallit Nunaanni pinerluttaalisitsinermik inatsit naapertorlugu nammineq pisuuneq tunngavilugu allatut pineqaatissiisoqarsimannigippat, §§ 4-6-mik, 8-16-mik, §§ 18-134, § 137, imm. 1 aamma 3-mik aamma § 158-mik unioqqutitsinerit akiliisitaanermik kinguneqartassapput. Aamama taamaassaaq, ingerlatsivik, nunat tamalaat akornanni naatsorsuusereriaatsit § 137, imm. 2 naapertorlugu suliat, atussallugit aalajangersimasup pitsaassusissamik piumasaqaatit unioqqutippagit imaluunniit § 137, imm. 3 unioqqutippagu.

Imm. 2. Pinerluttaalisitsinermik inatsit naapertorlugu nammineq pisuuneq tunngavilugu allatut pineqaatissiisoqarsimangippat, matumani § 135, imm. 1, pkt. 2-mi piumasaqaataasunik naammassinninnani ukiumoortumik nalunaarusiaq kukkunersiortinneqarsimangippat, imaluunniit § 135 a-mi kukkunersiuisuunissamut piumasaqaataasunik naammassinnissimangitsoq, ukiumoortumik nalunaarusiamik inuk kukkunersiuisimasutut uppernarsaatinneqarsimappat, taava tak. § 8 naapertorlugu, suliffeqarfimmi aqutsisutut akisussaasut akiliisussanngortitaassapput. Inuk § 135 –mi piumasaqaataasunik naammassinnissimangitsoq, ukiumoortumik nalunaarusiamik kukkunersiuisimalluni uppernarsaasimasoq, tamatuma assinganik akiliisussanngortitaassaaq.

Imm. 3. Unioqutitsineq aktie- imaluunniit anpartselskabimit, andelselskabimit, suliniaqatigiiffimmit, aningaasaateqarfimmit imaluunniit tassunga assingusumit (inummit inatsisilerinermik ilisimasalimmit) unioqutitsinerusimappat, taava ingerlatseqatigiiffik selskabi, suliniaqatigiiffik, aningaasaateqarfik il.il., pinerluttaalisitsinermik inatsit tunngavigalugu pineqaatissinneqarsinnaavoq.

Imm. 4. Maleruaqqusaliani, inatsit malillugu maleruaqqusaliasuni, maleruaqqusalianik taakkunanga unioqutitsineq akiliisitaanermik kinguneqarsinnaasoq aalajangersarneqarsinnaavoq.

Imm. 5. Naatsorsuutit pitsaassusissaattut maleruagassiaq, § 136 -mi, imm. 1 naapertorlugu atuutilersinneqarsimasumik unioqutitsinerup akiliisitaanermik kinguneqarsinnaanera pillugu, Erhvervs- & Selskabsstyrelsen nalunaarusiornermigut aalajangersarsinnaatitaavaa.

Imm. 6. Fondsraadip peqqussutaanik malinninngitsoq imaluunniit eqqortuungitsunik imaluunniit pututitsissutaasinnaasunik Fondsraði ilisimatinneqarpat, akiliisitsinermik pillarneqaataassaaq, imaangippat allatut, inatsiseqarnerup iluani, qaffasinnerusumik pillaatissiinissaq tusartinneqarsimasoq.

Kapitali 25

Atortuulersitsineq ikaarsaariarnerlu

§ 165. Ulloq 1. januar 2008 aallartifigalugu ukioq naatsorsuuserisarfiusumut kingusinnerusukkulluunniit atuutilersunut sunniuteqartumik, ulloq 1. januar 2008 aallarnerfigalugu atuutilersussamik peqqussut atuutilersinneqassaq, taamaattorli takukkit imm. 4.

Imm. 2. Matumunnga peqatigitillugu inuussutissarsiutigalugu ingerlatseqatigiiffiit ukiumoortumik naatsorsuutit il.il. (ukiumoortumik naatsorsuutit pillugit inatsit) saqqummiussisussaaneq pillugu inatsisip Kalaallit Nunaannut atortussanngortinnissaa pillugu peqqussut nr. 1213, 7. december 2004-meersoq atorunnaarsinneqarpoq.

Imm. 3. (Kalaallit Nunaannut atuutilerinneqassanngilaq).

Imm. 4. Aningaasaateqarfinnut inuussutissarsiutigalugu ingerlatanut kiisalu suliffeqarfinnut, ukiumoortumik nalunaarusiunngitsoorumalluni qinnuteqaatinik nassiussaqaarsimasunut tunngatillugu, ulloq 1. januar 2008 imaluunniit kingusinnerusukkut ukioq naatsorsuuserisarfiusoq aatsaat naasusaappat, taava §§ 150 – 152 –mi aalajangersakkat aatsaat piffissap taassuma kingorna, suliffeqarfinnut taakkununnga atuutilissapput.

Imm. 5. Kalaallit Nunaannut atortuulersinneqassanngilaq

Imm. 6. Kalaallit Nunaannut atortuulersinneqassanngilaq

Imm. 7. § 137, imm. 1-mi piumasaqaat, ingerlatsiviit aningaasanik niuerfinni nalunaarsorneqarsimasut naatsorsuuserisarnermi klasse D-mi ilaatinneqartunut tunngasoq, ukiumoortumik naatsorsuutit suliarissavaat, nunat tamalaat akornanni naatsorsuuseriaatsit malillugit aammalu § 137, imm. 3-mi piumasaqaat, ingerlatsiviit tamarmik, pitsaassusissamik malinnittut, taakku ukiumoortumik naatsorsuusernerminni aamma piginneqatigiiffittut piginnittutut naatsorsuusernerminni atussavaat, kisiannili aatsaat atuutilissallutik ukiumi naatsorsuiffimmi 1. januar 2009-mi aallartuttumi imaluunniit kingusinnerusukkut.

§ 166. Ilanngussisarnermi periaatsini aamma annertussusiliisarnermi tunngavigisani allannguutit, inatsisip matuma akuersissutigineqarnerata nassatarisaatut pinngitsoorneqarsinnaanngitsut, § 51-imi malittarisassat malillugit allannguutigitinneqassapput, taamaattoq tak. imm. 2-4.

Imm. 2. Pigisanik nalilinnik saqquminngitsunik tutsuiginassusertut, sullivimmi piginnaatitaaffiulersunik ineriartortitsiniutinillu ilanngussisarnermi periaatsinik, tak. §§ 33, 83 aamma 122, allannguuteqartitsineq pisinnaavoq, taamaasilluni pissutsit ukiumit naatsorsuusiorfiusumit pisut kisimik malittarisassat nutaat taakku malillugit ilanngunneqartussanngorlugit.

Imm. 3. Aningaasartuutinik, sanaartukkanut imaluunniit pigisanit kaaviiartitanut pereersunut toqqaannanngitsumik taamaallaat tutsinneqarsinnaasunik, tak. § 82, ilanngussisarnermi periaatsit allannguuteqartitsineq pisinnaavoq, taamaasilluni pigisat nalillit ukiumit naatsorsuusiorfiusumiit tassanilu suliaasut inaarneranni akiusumik nalilerlugit toqqaannanngitsumik aningaasartuutit ilanngunneqartussanngorlugit.

Imm. 4. Ukiunut, ukiup naatsorsuusiorfiusup 1. januar 2005-imi kingusinnerusukkulluunniit aallartittup siornaniittunut sullivik ukiumi naatsorsuusiorfiusumi allatassat, imm. 1 naapertorlugu ilanngussisarnermi periaatsit annertussusiliinermilu tunngavigisassat allannguuteqarnerannit sunniivigineqartut, pillugit kisitsisinik sanilliusissutissanik naleqqussaannngitsoorsinnaavoq. Naleqqussaannngitsoorneq § 55, imm. 2 malillugu paasissutissiissutigineqassaaq.

Imm. 5. Erhvervs- og Selskabsstyrelsi inatsimmi matumani ikaarsaariarneq pillugu aalajangersakkanik sanioqqutsisinnaavoq ikaarsaariarnermilu aalajangersakkanik allanik aalajangersaasinnaalluni inatsit manna malillugu maleruagassianik atuilernissamut atatillugu aqutsinikkut nammatassat oqilisaaviginissaat pisariaqartinneqassappat.

§ 167. Sulliviup aningaasanngorlugit naatsorsuisarnerit, tak. § 16, siullermeersumik allannguuteqartissimmappagit, tamanna § 13, imm. 2-mi patsisissaatitat malinnagit pisinnaavoq. Taamaattorli § 11, imm. 3, oqaaseqatigiit aappaanni, tak. § 13, imm. 3, paasissutissiinissamik piumasagaatit sulliviup naammassissavai.

§ 168. Ingerlatseqatigiiffik, § 165, imm. 3-mi 4-miluunniit pineqartoq, matumunnga taarsiullugu inatsisip matuma aalajangersagartaasa atornissaat qinersinnaavaa, tamanna aaqqissuussaalluakkamik, aalajangiussamik malinnilluartumik, kiisalu imaalillugu ukiumoortumik nalunaarusiap minnerpaamik najoqqutassaqqissumik takutitsisinnaappat, iantsisip matuma § 11, imm. 1-iat malillugu.

Imm. 2. (Kalaallit Nunaannut atuutilerinneqassanngilaq).

§ 169. (Ilanngunneqanngilaq).

§ 170. (Ilanngunneqanngilaq).